

KUVUMBUKWA KWA CHIUTA



Tiyeni tiyimirire ntheura pa kanyengo waka apo ise tikusindamiska mitu yithu mu kuromba.

² Fumu yithu Yauchizi, ise nadi tikuwonga chomene muhanyauno chifukwa cha mwaŵi uwu uwo ise tiri nawo wakukumana taŵene pamoza pa charu chapasi pambere kundachitike Kwiza kwa Fumu. Mphanyi ise tangusanda mitima yithu muhanyauno, na Mazgu Ghinu, na kuwona usange ise tiri mu Chipulikano, mwakuti ise panji tingaŵa ŵakunozgekera, lira, ora la Kuwonekera Kwakhe. Mwakuti ise tiŵe nga ndiumo Lemba layowoyera kungamanya kuŵira, “Kukwapulikira muchanya pamoza, na iwo awo ŵakugona tulo, na kukakumana na Fumu mu mlengalenga, ndipo muyirayira kuŵa na Iyo.”

³ Ise tikumuwongani Imwe chifukwa cha Mzimu weneko wa Chikhristu uwo uchali mu charu, pakati pa ŵanthu, awo ŵachali kumugomezgani Imwe na Mazgu Ghinu. Ntheura ise tikuromba vitumbiko Vyinu viŵe pa ise muhanyauno, kuti Imwe muperekenge kwa waliyose wa ise cheneicho ise tikusoŵerwa, mwakuti ise tingamanya kuthiririka na Mazgu, mwakuti ise tingamanya kukulira ku viteŵetero vyaphindu mu mawoko Ghinu, ku zuŵa laumaliro ili. Pakuti ise tikuromba ichi mu Zina la Fumu Yesu Khristu, Mliska withu mukuru, uyo ise tikulindizga kuti wawonekerenge. Amen.

Mungamanya kukhala pasi.

⁴ Ndipo ine nkhuumba kuti ndiyowoye kuti ine nkhorta uwu kuŵa mwaŵi ukuru chomene mlenji uwu wakuŵaso kuno. Ndipo phepani kuti ise nthā tiri na malo ghakukwanira ghakukhalamo. Ndipo ise tiyezgenge, usikuuno, sono kuti tiŵe na kurombera ŵarwari; muhanyauno, mlenji uwu, ichi chiŵenge chinonono pachoko.

⁵ Ndipo—ndipo ine nate ndijamburenge Uthenga uwu muhanyauno. Ine. . .Fumu yikawoneka kuti yikachita nane kukhwaskana na ichi, o, mwezi umoza panji yiŵiri yajumphā, ndipo ndi utali. Ndipo ine ndirije nyengo yakupumulira mu maungano, chifukwa ise tikuchizomerezga icho kufika maminiti sate, fote gha uteŵeti. Ndipo ntheura ise. . .Chifukwa chakuti ŵanthu ŵakwenera kuti ŵarute ku ntchito na vinthu, ine nkhusanga ichi chikuŵa chiweme usange ine nkhusanga Mauthenga ghane kuŵa ghafupi. Ndipo iwo ŵakaŵavye nyengo kula yakuti ŵajambure ichi, ntheura ine nangughanaghana kuti ine ndilindizge waka mpaka ine ndifike ku kachisi kuno ndipo pamanyuma kuwujambulira uwu kuno. Ndipo uwu ngutaliko pachoko, ndipo ine nkhumanya imwe mwayimirira, ndipo ine—ine ndifulumizgenge waka mwaluŵiro umo ine ningachitira.

Ndipo, sono, imwe mundikhuwazgenge chara ine usange imwe musinthengesinthege pakukhala, panji chinyakhe chirichose, icho chi—icho chiwenge makora waka kwa ine chifukwa ili ndi zuwa lapadera kuti ise tipange waka kujambura uku.

⁶ Ndipo ntheura ise tiri na maripoti ghakuru kufuma ku ivyo Fumu yachita uko ku vigaŵa, kweni panji ise tiperekenge vinandi vya ivyo usikuuno para ise tingamanya kupereka nyengo yikuru ku ichi, kuŵa na nyengo yikuru yakuperekerera.

⁷ Ndipo sono ise tikugomezga kuti Fumu yitumbikenge waliyose wa imwe. Ine nkhumanya mitima yinu njakuzura na chimwemwe, kulindizganga Kwiza kwa Fumu. Ndipo wane nawoso, kunthunthumiranga, kuwona vintu vikuchitikanga umo ivyo vikuchitira. Ndipo—ndipo nkha za charu, na mpingo mu kaŵiro ako ulimo, na kuwona vimanyikwiro vya Kwiza Kwakhe, vyose kuthupi na kuuzimu, na kumanyanga kuti nyengo iyi ya Kwiza Kwakhe yiri pafupi chomene, ichi chikuzuzga waka mitima yithu na chimwemwe kumanya kuti ise tizamkusinthika limoza la mazuŵa agha. Ise tizamkusinthika kufuma ku vilengiwa ivyo ise tiri.

⁸ Sono, ine nkugomezga, usange ine nkhopulikiska, iwo ŵali na waya wa telefoni kumalo kunyakhe, kuti Uthenga uwu ukunjira mu Phoenix na ku—na ku vigaŵa vyakupambanapambana, kwizira mu telefoni. Ndipo sono ise tikugomezga kuti usange icho chiri ntheura. . . Ine nkhumanya chara; nanguphalirika waka icho pambere nindanjire. Ndipo—ndipo ŵanthu wose kudera kula ŵakukhala umoyo uweme ndipo—ndipo Uchindami wa Fumu uli pa iwo.

⁹ Ndipo sono—sono ise tijurenge Mazgu gha Fumu. Ndipo icho tose tiriri kuno ntchakuti tijisanguruske taŵene na kuti tipulikire ku icho ise. . . Ise—ise ntha tikwiza kuno ndipo ise. . . Paliye munthu uyo wali muno wakumanya kuti munthu munyakhe wangamanya kukhala mu chithukivu ngati ichi, na fundo waka yakuŵa kuno. Ise tiri kuno pa chakulinga chimoza, ndipo icho ndi, “kuyenda kufupi na Chiuta.” Ndicho chekha ise tingachita, ndi kugomezga kuti Fumu Yesu wali na ise. Ndipo ise tiri kuno kuti—kuti tiyende kufupi na Iyo.

¹⁰ Sono chithukivu ichi ntchikuruko pachoko kwa ine. Ine nkhuŵa ngati ndiri kuzgoŵera chomene chithukivu chakomira kula mu Tucson, cheneicho ndi. . . chinyezi mu mphepo kuno sono; chithukivu chithu kula ntchakotcha chomeniko kuruska ichi, kweni nkhwakomira. Chinyezi chithu mu mphepo nyengo zinyakhe ndi wanu pa twente wa wanu pa handiredi, panji, chinyakhe ngati icho, pafupifupi ngati ukukhala mu hema la oxygen. Kweni kuno izi ziri na—na—chinyezi mu iyi, ndipo ichi chikukupangiska iwe kupulika kuŵa ngati “wakamatika,” umo ise tikachichemeranga ichi. Ntheura iyi njakupweteka kwa imwe, ntheura ine nkhumanya icho, ndipo

imwe wamama na twana tuchokotuchoko na imwe mwaŵanthu mwayimirira, walara na wanichi, na kufyenyekegzana pamoza nga ndiumo imwe muliri. Ndipo ise—ise tikugomezga kuti Chiuta wamupeninge njombe yikuru imwe chifukwa cha kujipereka kwinu.

¹¹ Ine ndapulika kuti M'bale Roy Borders wali muno pamalo ghanyakhe. Ine nangupulika wakumulengeza iyo, kweni ine nkhusachizga panji iyo wangunjira chara. Viri makora. Uyo ndi manejara wa maungano.

¹² Ntheura sono ise tikukhumba kuti tilengezesu kuti yumoza mweneuyo wakaŵanga pakati pithu waruta kukakhala na Fumu mlenji uwu, mwanarumi, M'bale Jackson kufuma ku Sturgis, Michigan. Paliye waliyose wakumanya umo iyo wakarutira panji vichi za ichi. Iyo wakaŵa waka makora, ndipo iyo mbwenu waka . . . Ine nkughanaghana kuti iwo wakamusanga kuti iyo wafwa, panji chinyakhe. Ine—ine nthā nkhapulika kukonkhoska kose kwa ichi. Ndipo ise tiri wakuwonga chomene kwa Chiuta kuti M'bale Jackson wakaŵa Mukhristu. Ine nthā nkhamuwonapo iyo pa virimika vinandiko, kweni iyo wakakhala pakati pithu ndipo iyo wakaŵa yumoza wa ise. Chiuta wapumuzge uzima wakhe wachikanga! Kurutanga ngati ntheura, ise tikugomezga kuti panji chikaŵa chinyakhe, kuti yikaŵa nyengo yakuti iyo warute. Fumu nthā yikatichenjezgapo ise za ichi, panji iyo za ichi, iyo wakaruta waka. Umo ndimo ichi chikaŵira. Ndipo ine nkukhumba kuti ndimuyimbire muwoli wakhe mwasonosono waka umo ine ningachitira, na kumuphalira iyo chitima chithu. Ndipo tose ise tikukhumba kuti tipereke viwongo kwa Chiuta chifukwa cha umoyo wakhe wachikanga wa Chikhristu, na icho iyo wakaŵa pano pasi, ndipo chomenechomene kwa ise muno mu gulu ili.

¹³ Sono usikuuno, ine ndalengeza kuti kuwenge kurombera warwari usikuuno, ndipo ine ndiyowoyenge vinandi pa warwari usikuuno.

¹⁴ Kweni pa nyengo iyi, tiyeni tirute nkhanira mu Mazgu sono, chifukwa tafyenjana ndipo kwawotcha. Ise tirute nkhanira ku Mazgu. Ine nkukhumba kuti ndiwazge malo ghaŵiri gha Malemba mlenji uwu, ghatali, mwakuti ichi chingandipa ine pakuyambirapo pachoko pa icho ine nkukhumba kuyowoya.

¹⁵ Ndipo, sono, ine nakhumbanga kuti iwo nthēna wanguyisungirira tepi, M'bale Sothmann na iwo, pambere wandayiguliske iyi, usange ntchamachitiko, ndipo ine—ine nikhumbenge kuti ndiyipulikizge iyi pambere ise . . . pambere iyi yindarute ku mzinda.

¹⁶ Sono mu . . . Ine nkukhumba kuti ndiwazge kufuma mu Wafilipi, chipatulo 2, 1 kufika 8; na Wakorinte Wachiwiri 3, kuyambira na 6, na kuwazga kunjira mu chipatulo 4 cha

Ŵakorinte Ŵachiŵiri, kuŵa pakuyambirapo waka. Sono mu Ŵafilipi, chipatulo 2, ine ndiŵazenge danga.

Pambere tindaŵazge, tiyeni tirombe.

¹⁷ Fumu Yesu, Mazgu Ghinu ndi Unenesko. Ndipo mu ora lakusuzga ili umo ise tikukhala, charu kulimbana na charu, matenda, vindindindi mu malo ghanandi, mitima ya ŵanthu kupwetekekanga, mantha, ise tikuwona malemba pa chipupa. Sono, icho chiri mu chigaŵa cha kuthupi, kuti charu chose chiwone ichi. Kweni sono chiliko chigaŵa cha kuuzimu, nakoso, ndipo ise tikuwona vyakuchitika vikuruvikuru, ndipo ise tikukhumba kuti tiyowowe za ivyo muhanyauno.

¹⁸ Tumbikani Mazgu Ghinu ku mtima withu. Ise tikumanya kuti kulije munthu Kuchanya panji mu charu chapasi ngwakwenerera kutora Buku ili, kuti wasuture Vididimizgo, panji kulaŵiska pa Ili, nanga. Kweni wakaŵako Yumoza wakawoneka, Mwanamberere wakukomeka, ndopa chee, uyo wakiza ndipo wakatora Buku, ndipo wakaŵa wakwenerera na wamazaza kulijura Ili. O Mwanamberere wa Chiuta, vumbulani Mazgu Ghinu ku mtima withu muhanyauno, kuŵa chipembuzgo. Ise ndise ŵantchito Ŵinu. Tigowokerani zakwananga zithu, Fumu. Ndipo chirichose icho chingatondeska Mazgu kuleka kupharazgika na nkhongono yikuru na kukhuchizga muhanyauno pa ise pa maumoyo ghithu, fumiskanika ichi, Fumu, chakujandizga chirichose, mwakuti ise tingaŵa na mwaŵi wose ku vitumbiko vyose ivyo vikalayizgikira ise kwizira mu Mazgu Ghinu. Ise tikuromba ichi mu Zina la Yesu. Amen.

¹⁹ Ŵafilipi 2.

Usange chingaŵako chirichose chipembuzgo mwa Khristu, usange chiriko chipembuzgo cha kutemwa, usange uliko wenenawene wa Mzimu, usange kuliko kuzongoka kwa lusungu,

Fiskani imwe chimwemwe chane, mwakuti imwe muŵenge na malingaliro ghakuyana, ŵakuŵa na chitemwa chakuyana, ŵakuŵa na kuzomerezgana kumoza, ŵa—ŵa malingaliro ghamoza.

Paŵavye kanthu kachitikire mu ukali panji mwakujitukumura; mu kujiyuyura kwa malingaliro lekani waliyose wakwezge munyakhe kuruska iwoŵekha.

Munthu nthu wangapwereranga ku vinthu vyakhe yekha, kweni munthu waliyose nayoso pa vinthu vya ŵanyakhe.

Lekani malingaliro agha ghaŵe mwa imwe, gheneagho naghoso ghakaŵa mwa Khristu Yesu:

Uyo, pakuŵa mu kaŵiro ka Chiuta, nthu wakatora ichi kuŵa kuphangana kuŵa wakulingana na Chiuta:

Kweni wakajipanga iyoyekha wambura lumbiri, ndipo wakajitorera pa iyo kaŵiro ka wantchito, ndipo wakapangika mu chilinganizgo cha munthu:

Ndipo pakusangika wa kulinganizgika na munthu, iyo wakajikhizga iyoyekha, ndipo wakaŵa wakupulikira ku nyifwa, nanga ndi nyifwa ya mphinjika.

²⁰ Sono usange ise tingajura sono ku Ŵakorine Ŵachiŵiri, chipatulo 3, ise tiyambirenge na vesi 6, na kuŵazga ichi kufika ku la 18, na kukhirira ku chigaŵa cha chipatulo 4.

Mweneuyoso wali kutipanga ise ŵapharazgi ŵamazaza ŵa chipangano chiphya; nthā ŵa lemba, kweni ŵa mzimu: pakuti lemba likukoma, kweni mzimu ukupereka umoyo.

Kweni usange utumiki wa nyifwa, wakulembeka na kuguruwika mu mawe, ukaŵa na uchindami, mwakuti ŵana ŵa Israyeli nthā ŵakamanya kudodoliska chisko cha Moses chifukwa cha uchindami wa chisko chakhe; uchindami weneuwo ukaŵa wakuti umarengē:

Kasi utondekerengechi utumiki wa mzimu kuŵa wa uchindami?

Pakuti usange utumiki wakususkika uli na uchindami, ipo kwakuruska ukuchita pakuru uteŵeti wa urunji.

Pakuti nanga ndi icho chikazgoka cha uchindami nthā chili na uchindami mu kayowoyo aka, pa vifukwa vya uchindami uwo ngwakuruska.

Pakuti usange icho ntchakumara chikaŵa na uchindami, kwakuruska chomene ndi...cheneicho chikukhalirira ndi uchindami.

Pakuwona nthēura kuti ise tiri na chigomezgo chanthēura, ise tikwenera chomene...kuyowoya kwa pakweru, tigwiriske ntchito mazgu ghapakweru chomene.

Ndipo nthā nga ndi Moses, uyo wakaŵika chidiko ku chisko chakhe, mwakuti ŵana ŵa Israyeli nthā ŵakamanya kudodoliska ku umaliro wa icho chikaŵa chakumara:

Kweni malingaliro ghawo ghakaŵa ghakuburumutizgika: pakuti kufikira zuŵa ili chili kukhalirira chidiko chenechira chambura kubenurika mu kuŵazgika kwa chipangano chakale; chidiko cheneicho chikumalira mwa Khristu.

Kweni nanga nkhuŵika zuŵa ili, para Moses wakuŵazgika, chidiko chiri pa mitima yawo.

Kweni para ichi chizamkung'anamukira kwa Fumu, chidiko chizamkufumiskikapo.

Sono Fumu ndi Mzimu ula: ndipo uko kuli Mzimu wa Fumu . . . kuli mtende.

Kweni ise tose, na visko vyakubenuka tikulaŵiskanga ngati mu galasi uchindami wa Fumu, wali kutisinthira mu chikozgo chenechira kufuma ku uchindami kuruta ku uchindami, nanga nga ndi mwa Mzimu wa Fumu.

Ipo pakuwona kuti ise tiri na utumiki uwu, umo ise tiri kupokerere lusungu, ise tikulopwa chara;

Kweni tiri kuvikana vinthu vyakubisika na vyaukhuruku, ntha kuyendanga mu uchenjezi na kusunganga mazgu gha Chiuta mu chinyengo; kweni mwa kuwoneskereka kwa unenesko kujisuskanga taŵene ku njuŵi yiriyose ya munthu pa maso pa Chiuta.

Kweni usange Ivangeli lithu ndakubisika, ili ndakubisika kwa iwo awo mbakutayika:

21 Nkhuromba Fumu yisazgireko vitumbiko Vyakhe ku kuŵazga kwa Mazgu Ghakhe!

22 Sono, chisambizgo chane mlenji uwu, ine nkhuomezga kuti Chiuta wavumburenge ichi. Ndipo nyengo yiriyose, usange imwe mwaŵeneimwe mukutora matepi na kukapulikizga, ndipo ine nkhuomezga na kusimikizga kuti—kuti imwe mukaŵa na kapulikiskiro kauzimu ka icho Chiuta wakhala wakuyezga kurongosora ku Mpingo kwambura kuchiyowoya ichi pakweru. Mukuwona? Ndi chinthu, nyengo yinyakhe, ise tikwenera kuyowoya vinthu munthowa yakuti ichi chingamanya kuchepeskako, ichi panji chingapangiska ŵanji kuruta kuwaro, ŵanji kuti ŵaleke, ndipo ŵanji kuti—kuti—kuti ŵaghanaghane chomene. Kweni icho chikuchitika pa chakulinga. Ichi chikwenera kuchitika munthowa iyo.

23 Ntheura ichi panji chingaŵa kuti ŵanyakhe ŵangati, “Iwe ukung’anamura kuti Chiuta wangamanya kuchitira dala chinthu ngati icho?” Iyo nadi wakachita. Iyo wachali kuchita.

24 Iyo wakayowoya zuŵa limoza, para Iyo wakaŵa na masauzandi ŵakamuzungulira Iyo, Iyo wakati, “Kwambura kuti imwe murye Thupi la Mwana wa Chiuta, panji Mwana wa munthu, na kumwa Ndopa Zakhe, imwe mulije Umoyo mwa imwe.”

25 Kasi ndi makani gha mtundu uli agho imwe mukughanaghana kuti dokotala yura wamankhwala panji nasi, panji munthu munyakhe muweme wakusambira wangamanya kughanaghana za makani ngati ghara, kwa Munthu uyo wakaŵa na utumiki nga ndi uwo Iyo wakaŵa nawo? Chifukwa, iyo mbwenu wayowoyenge, “Kurya thupi? Uko nkurya ŵanthu! Kumwa ndopa za munthu? Ndi mzimu wakumwa ndopa! Mu kayowoyero kanyakhe, Iyo wakukhumba kuti ise tiŵe ŵakurya

nyama ya wanthu na mzimu wakumwa ndopa.” Ndipo gulu lose likamuleka Iyo.

²⁶ Ndipo pakawa gulu la wapharazgi pamoza na Iyo, sevente, awo wakasankhika. Ndipo Iyo wakang’anamukira kwa iwo, ndipo Iyo wakati, “Kasi imwe muzamkughanaghana vichi para imwe mukuwona Mwana wa munthu wakukwera kuchanya uko Iyo wakafuma?” Sono, Iyo ntha wakarongosora icho. Iyo ntha wakarongosora *kachitikiro*; Paulos wakachita icho nyengo yinyakhe. Iyo wakayowoya waka Ichi. Mukuwona? Ndipo nthura para ichi, Iyo wakati, “Kasi imwe muzamkuyowoya vichi,” ku wapharazgi awa, “para imwe mukuwona Mwana wa munthu wakukwera kuchanya uko Iyo wakafuma?”

²⁷ Kwambura nkhaiyiko wanthu wara wakati, “Sono, pachoko waka. O, ise tikurya pamoza na Iyo. Ise tikuweja pamoza na Iyo. Ise tikugona pamoza na Iyo. Ise—ise tikumanya uko Iyo wakababikira. Ise tikachiwona chakugonapo icho Iyo—Iyo wakagonekekapo. Ndipo kasi wakuchita uli Munthu uyu. . . Uku ndi kuyowoya kunonono.”

²⁸ Ndipo Baibolo likati, “Iwo ntha wakayendaso na Iyo ng’o.” Iwo wakamuleka Iyo.

²⁹ Nthura Iyo waka wa na thweluvu wakakhalapo. Iyo wakasankha thweluvu, ndipo yumoza wa iwo waka wa dyabulosi, Iyo wakayowoya. Pamanyuma Iyo wakang’anamukira kwa iwo.

Ndipo ntha waka wapo yumoza wakamanya kurongosora icho Iyo wakayowoya waka. “Kasi iwo waryenge uli Thupi Lakhe na kumwa Ndopa Zakhe? Ndipo kasi Iyo wakiza uli pasi, apo Iyo wakababikira nkhanira pano pa charu chapasi?” Mukuwona? Iwo ntha wakapulikiska Ichi.

Ndipo pamanyuma Iyo wakang’anamukira ku wapostole, ndipo Iyo wakati, “Kasi imwe mukukhumba kuruta namweso?”

³⁰ Ndipo apo ndipo Mupostole Petros wakayowoya makani ghakuru agha, “Fumu, kasi ise tirutenge kwa njani?” Mukuwona? “Pakuti ise tiri kukhorwa. Ise tikumanya makoraghe kuti Imwe, ndipo Imwe pera, muli na Mazgu gha Umoyo mu ora ili.” Mukuwona? “Ndipo ise tiri kukhorwa na icho.” Wonani, iwo ntha wakamanya kuchirongosora Ichi. Iwo. . .

Imwe ntha mungachirongosora chipulikano. Ndi chinyakhe icho imwe mukugomezga, ndipo ntchakukhazikika chomene mwakuti pali je chinyakheso chingatora malo ghakhe.

Ipo, iwo wakamanya kuti Mazgu agho ghakalembekera muwiro ula umo iwo wakakhalanga, muwiro wa Umesiya, kuti Iyo wakakwanamo ndendende mu malo ghara. Ndipo kasi iwo nthena wakachita vichi kuti warute kuwerera mu yira yakuzizima, mipingo yakujiwikamo iyo iwo wakafumako?

Wakati, “Kasi ise tirutenge nkhu?” Mukuwona? “Ise tiri wakukakamizgika mwakukwanira kuti Imwe muli na Mazgu gha Umoyo.” Mukuwona? Ndipo iwo—iwo ntha wakamanya kuchirongosora Ichi, kweni iwo wakagomezga Ichi. Mukuwona?

³¹ Ndipo Yesu wakayowoya icho kuti wachepeske gulu Lakhe, wonani, kufikira kuti Iyo wakamanya kuliwika gulu pamoza. Ndipo kufumira pa wanthu wose wara, iwo, eleveni pera wa iwo wakapulikiska ndendende Mweneuyo Iyo wakaŵa. Iwo wakamanya kuti Iyo wakaŵa Chiuta, ndipo Chiuta yekha. Sono, a . . .

³² Chisambizgo chane mlenji uwu ndi kuvumbura, panji, kumubenura Chiuta yura.

³³ Chiuta nyengo zose, mu muwiro uliwose, wali kubisama kuseri kwa chidiko, miwiro yose, kweni Iyo wali kuŵa Chiuta nyengo zose. Mukuwona? Kweni Iyo wali kurutirira kujibisa Iyoyekha ku charu, ndipo wakujivumbura Iyoyekha ku Wakusoreka Wakhe, nga ndi wapostole pa zuwa lira. Sono, yura wakaŵa Chiuta kuyowoyanga mwa Khristu.

³⁴ Sono, munthu nyengo zose, kali kuŵa kaŵiro ka munthu, iyo wakapenja kuti wamuwone (kuthupi) Chiuta yura. Iyo nyengo zose wakhala wakukhumba kuti wachiwone Ichi. Munthu wali kupanga vilengiwa ivyo vikuwoneka ngati ndi Iyo. Iwo wakughanaghana za a . . . Wamwenye wakasopanga zuwa. Ndipo—ndipo ise tikusanga, mu Africa, mitundu yakupambanapambana ya vinyama, na vinyakhe ntheura. Ndipo kumtunda . . . vikozgo vyakuchita kuŵaja mu Alaska, na—na mitundu yakupambanapambana iyo iwo wakughanaghana kuti Chiuta uyu ndimo wali. Umo Paulos wakayowoyera kula ku Athens nyengo yira, pa phiri la Mars, ndipo wakawaphalira iwo kuti iwo wakaŵa na chigomezgo cha mazaza ghaung’anga kukhwaskana na Chiuta wambura kumanyikwa uyu, kuti, iwo wakamanya kuti Iyo wakaŵako kula kweni ndipouli iwo ntha wakamumanya Iyo.

³⁵ Ndipo ntheura ise tikusanga kuti nanga ndi kale kufika kwa Job. Job wakamanya kuti kukaŵa Chiuta. Iyo wakamanya ichi. Ndipo ntha waliko a—a munthu, mu malingaliro ghawo ghaweme, kweni awo wakumanya kuti kukwenera kuŵa Chinyakhe kumalo kunyakhe. Ndipo, sono, Job wakakhumbanga kuti wamuyowoyiske Iyo.

Ndipo ine nkhu khumba kuti imwe muwone kaŵiro ako Chiuta wakasankha kuti wamuyowoyiskiremo Job. Chiuta wakaŵa wakubisika para Iyo wakayowoya kwa Job. Iyo wakabisika mu kavuluvulu, wakakhirira mu kavuluvulu. Imwe mukugomezga kuti Chiuta wachali kwizira mu kavuluvulu wangamanya kwiza apo imwe mukulaŵiska? [Gulu likuti, “Amen.”—Munozgi.]

³⁶ Pali wânandi wâkhala muno, wânandi, awo wâkaŵa na ise zuŵa linyakhe para Iyo wakizira mu kavuluvulu. Wakatiphalira ise juzilira, M'bale Banks Woods na iwo, para Iyo wakati, "Tora libwe ili, liponye ili mu mphepo, ndipo yowoya, 'NTHEURA WAKUTI YEHOVA! Iwe uchiwonenge ichi nkhanira apa.'" Ndipo ine nkhatora libwe, kumtunda pachanya pa phiri, nkhaliponya ili muchanya mu mphepo, ndipo... nkhumanya, pakukhiranga pasi, ili likayambiska kavuluvulu, wonani, nkhangono ya ili.

³⁷ Imwe mukwenera kuti muchite chinyakhe kuti chipangiske chinyakhe chirondezge ichi. Yesu wakatora chingwa ndipo wakamenya ichi, pamanyuma wakayandaniska kufuma ku chingwa chira. Iyo wakatora maji, wakaghathira ighe mu chiŵiya. Elija wakatora muchere, wakaŵika uwu mu supa; wakaphyora kakhuni, wakakaponya iko mu maji. Ndi chinyakhe chakwimirira m'malo.

Ndipo kutoranga libwe ili na kuliponyanga ili mu mphepo, ndipo pakukhira pasi likayambiska kavuluvulu.

³⁸ Zuŵa lakurondezgana, chifukwa, kukaŵa mupharazgi pamoza na ise pa ulendo wakuya kukasaka. Iyo wakayimirira kufupi, ndipo iyo wakati kwa ine, "Kasi Fumu yikupereka mboniwoni pakweru ngati ntheura, M'bale Branham?"

³⁹ Ine nkhati, "Inya, kweni ine nyengo zinandi nkhwiza kuno kuzakapumura." Ndipo nkhanira penepapo mboniwoni yikiza.

⁴⁰ Ndipo M'bale Borders, ine nkughanaghana kuti iyo wali kuworo sono, iyo wakaŵapo. M'bale Banks Woods, ine nkughanaghana, ndipo, o, wânandi wâkaŵako kumtunda kula, eyiti panji teni. Ndipo M'bale Banks Woods kulindiriranga ichi. Nkhanira pa phiri, nkhanira kusirya kula, ndendende, pafupifupi hafu wa mtunda kufuma uko Wangelu seveni wâkawonekera, kuti ine nkhanyamuka kuno kuruta kula, kuti nkhawerako ndipo nkaphalira... za Vididimizgo Seveni. Pafupifupi hafu wa mtunda kufuma kula.

⁴¹ Ndipo pamanyuma zuŵa lakurondezgana, apo ichi chikarutiriranga, chifukwa, a... Ine nkhayowoya kwa m'bale, m'bale uyu, ine nkhati, "Kasi suzgo lako ndi vichi, iwe uli na chiŵengu mu jiso lako. Madokotala ghali kuyezga virimika vinandiko kuti wachilekeske ichi ndipo iwo wâkutondeka kuchita ichi. Iwo wâkuti iwe... ichi chiryenge jiso lako petu." Ndipo ine nkhati, "Kweni kwenjerwa chara, Fumu Yesu wachindika chipulikano chako." Ndipo iyo wakataya waka pasi futi yakhe. Ndipo ine nkhati, "amama wâko," icho iwo wâkaŵa waka na icho chikanangika na iwo.

Ndipo iyo wakati, "Uwo ndi unenesko."

⁴² M'bale Roy Roberson kufuma mu mpingo kuno, wakayimirira wakaŵapo, ine nkhusachizga mose imwe mukumumanya iyo. Pakumanya kuti iyo wakaŵa chinkhara,

na pakumanya icho chikati chichitikenge, ine nkhaŵika woko lane pa phewa lakhe; ine nkhati, “M’bale Roberson, chenjera, laŵiska, chinyakhe chiri pafupi kuchitika.”

⁴³ Ine nkhayenda kuwerera uko ine nkhayenera kuti ndiyimirire, ndipo kufuma mu mphepo kukiza kavuluvulu, kukhirira pasi mu mphanji, kufuma kuchanya, uyo wakaŵa mukuru chomene kufikira kuti wakagumura malibwe, kunjira mukati mainchezi eyiti panji teni, kufuma pachanya pa phiri, na kughaponya igho mayadi thu handiredi kuwaro kufuma mkati. Ndipo wakawerezga katatu ngati ntheura, ndipo Lizgu likafuma mu ichi. Mukuwona?

⁴⁴ Ndipo iwo wose ŵakayimirira apo. M’bale Banks, walipo sono, wakiza ndipo wakati, “Icho ndicho iwe ukandiphalira ine mayiro?”

Ine nkhati, “Inya, bwana, ndicho ichi.”

Iyo wakati, “Sono, kasi Ichi chikayowoya vichi?”

⁴⁵ Ine nkhati, “Sono, icho ntcha ine kuti ndimanye waka, M’bale Banks, wona, chifukwa ichi chikaŵa... Ichi chingamanya kuchuruska ŵanthu.”

⁴⁶ Kweni Ichi chikarutirira munthazi, ichi chikachitika waka pachoko... kuyendanga kurazga ku mpoto. Pachoko, mazuŵa ghachoko pamanyuma Ichi chikanjira mu nyanja, ndipo imwe mukawona icho chikachitika kuzungulira Fairbanks. Chikaŵa chimanyikwiro cha cheruzgo. Sono ise tikusanga kuti—kuti Chiuta wachali... Imwe wonani, ichi chingamanya kuŵaŵika ŵanthu mu kutangwanika. Ndipo ntheura pamanyuma iwo ŵakaŵa... Chira chikayenera kuti chichitike, wonani. Ichi chikwenera kuti chichitike waka. Vinthu ivyo vikayenera kuti vichitike vikwenera kuti vichitike, munthowa yiriyose. Wonani, ichi chizankuchitika, munthowa yiriyose.

⁴⁷ Moses nyengo yimoza wakakhumbanga kuti wawone Chiuta, ndipo Chiuta wakamuphalira iyo kuti wayimirire pa libwe. Ndipo, pa libwe, Moses wakayimirira ndipo iyo wakawona Chiuta wakujumpha, ndipo ku msana Wakhe kukawoneka ngati ndi ku msana kwa munthu. Chiuta wakaŵa mu kavuluvulu, ndipo Chiuta... apo Moses wakaŵa chiyimire pa libwe.

⁴⁸ Ine nkhusachizga imwe mose mukachiwona chithuzithuzi kudera kula zuŵa linyakhe, ise tikayimirira pafupi na libwe lenelira. Ndipo apa pali Kuŵara kula, Mungelo wa Fumu, nkhanira kwenekula Ichi chikachitikira. Kuyimirira... Chiri nkhanira pa mitu ya nkhani kula sono, kuwerezgekaso.

⁴⁹ Wonani, Yehova wa Chipangano Chakale ndi Yesu wa Chipangano Chiphya. Mukuwona? Iyo ndi Chiuta mweneyura, kusinthanga waka kawonekero Kakhe.

⁵⁰ Sono, munyakhe wakayowoya zuŵa linyakhe, a—a mupharazgi wa Baptist uko mu Tucson, “Kasi iwe ukuyowoya kuti—kuti Yesu na Chiuta ŵangaŵa Munthu yumoza?”

⁵¹ Ine nkhati, “Inya, ntchipusu chomene usange iwe ungazomerezga waka kuti kughanaghana kwako kufumepo, ndipo ughanaghane munthowa ya Baibolo za ichi. Iwo ndi Munthu mweneyura. Chiuta ndi Mzimu; Yesu ndi thupi umo Iyo wakabisikamo. Mukuwona?” Ine nkhati, “Ngati mu nyumba yane. Ku muwoli wane, ine ndine mufumu wakhe. Ndipo ine ndiri na mwana msungwana muchoko, Rabekah, ine ndine dada wakhe. Ndipo ine ndiri na mzukulu msepuka, ndipo zina lakhe ndi Paul, ine ndine sekuru wakhe. Ine ndine mufumu, dada, na sekuru. Ndipo muwoli wane ntha wangandichema ine ngati dada panji sekuru wakhe; iyo wakundichema ine pera ngati mufumu. Ndipo mwana wane msungwana ntha wangandichema ine ngati mufumu panji sekuru; iyo ndi mwana wane. Mukuwona? Kweni ndipouli ŵanthu wose ŵatatu aŵa ndi munthu yumoza mweneyura. Mukuwona? Uyo ndi Chiuta; Dada, Mwana, na Mzimu Mutuŵa, ndi zinyengo waka za kumuchemera.” Chiuta ndi mweneyura, Chiuta mweneyura.

⁵² Chiuta wakajisinha Iyoyekha, wakuŵsintha kawonekero Kakhe. Usange imwe mungawona umo mu Ŵafilipi, Iyo wakati, “Ntha kughanaghana ichi kuti nkhuŵphanga, kweni wakatora *kawonekero* ka munthu.”

⁵³ Sono, lizgu la Chigiriki apo la *kawonekero*, ine nakhala nkhuŵpenja ichi zuŵa lose mayiro, kuyezganga kughanaghana kasi ichi chikaŵa chivichi, ine nkhusanga, ndafika na lizgu ili la “en morphe.” Ili likuchemeka e-n m-o-r-p-h-e. Kupenjanga mu Chigiriki, kuti ndisange kasi en morphe chikaŵa chivichi. . . Ine panji ningazunura ili mwakwanangiska, ndicho chifukwa ine nanguyowoyera sipeling’i ya ili, para usange tepi yafuma, ŵanthu, ŵakusambira, ŵazamkumanya icho ine—ine nkhuŵng’anamura pa ichi. Iyo, para en morphe, icho chikung’anamura kuti Iyo wakajisinha Iyoyekha. Iyo, wakakhira pasi. Sono, lizgu la Chigiriki uko likung’anamura, kuti, “Chinyakhe icho ntha chikamanya kuwoneka, kweni chiliko, ndipo nthaura ichi chasintha ndipo jiso lingamanya kuchiwona ichi.” Mukuwona?

⁵⁴ Nga ndiumo wakaŵwira Elija, pa Dothan. Wonani, a—muteweti ntha wakamanya kuŵawona Ŵangelo wose ŵakazungulira kula, ndipo Chiuta wakasintha waka; ntha wakiza na Ŵangelo pasi, kweni Iyo wakasintha kalaŵiskiro ka muteweti. Ndipo kula kukaŵa mapiri ghakuzura na Ŵangelo, na moto, na ŵakavalo ŵa moto, na magereta gha moto, wose kuzungulira muprofeti Wakhe. Wonani, iwo, Iyo wakasintha kalaŵiskiro. A—chinthu chiliko kale.

⁵⁵ Ntheura, ndicho ine nkhuvezga kuyowoya, kuti Chiuta uyo wakaŵako nyengo zose wali pano. Chinthu chimoza pera Iyo wakachita para Iyo wakati wazgoka munthu, Iyo wakasintha chakuvwara Chakhe. Mukuwona? Iyo—Iyo, en morphe uyu, Iyo—Iyo wakajisintha Iyoyekha ku icho Iyo wakaŵa kufika ku icho Iyo wali, panji chakuvwara Chakhe, mukuchita kunyakhe.

⁵⁶ Ngati mu seŵero likuru. Apo ine ndayowoyanga mlenji uwu, kuŵa ngati ndalinganizganga za Shakespeare uyu. Ichi ndi chakale chomene. Kweni para Shakespeare wakati walemba a— a—seŵero, a...kwa King James wa ku England, para iyo... nkharo ya Macbeth. Wonani, Shakespeare ntha wakagomezga mu maufwiti; kweni mu seŵero, pakuti fumu yikagomezga mu maufwiti, ntheura iyo wakayenera kusazgiram maufwiti. Mukuwona? Ndipo sono, kuti iyo wachite ichi, iwo ŵakusintha ŵakuseŵera.

⁵⁷ Becky apa, mu *Carmen*, iwo ŵakaseŵera ilo mu—mu sukulu uko iyo wakamalizga waka masabata ghachoko ghajumpha. Sono, panji munthu yumoza wakaseŵera vigaŵa vitatu panji vinayi. Kuti wachite icho, iyo—iyo wakasintha chakuvwara chakhe. Nyengo zinyakhe iyo wakwiza, iyo ndi munthu *uyu*; ndipo nyengo yinyakhe iyo wakwiza, iyo ndi munthu munyakhe. Kweni ichi ndi munthu mweneyura nyengo zose.

⁵⁸ Ndipo uyo ndi Chiuta. Iyo wakajisintha Iyoyekha kufuma ku—ku Laŵi la Moto, kuti wazgoke Munthu. Pamanyuma wakajisintha Iyoyekha kufuma ku icho, kuwereraso mu Mzimu, mwakuti Iyo wangamanya kukhala mwa munthu. Chiuta kutewetanga mwa munthu icho Iyo wakaŵa nadi. Yesu Khristu, wakaŵa Chiuta kutewetanga mwa Munthu, mwa Munthu. Mwa Munthu, ndicho Iyo wakaŵa. Iyo wakasintha kufuma ku Laŵi la Moto, ndipo pamanyuma Iyo wakafika; icho chikaŵa chidiko mu mapopa, icho chikabisa Chiuta ku ŵa Israyeli. Moses wakawona kaŵiro ka thupi Lakhe, kweni nadi Iyo wakaŵa wakubisika nyengo zose kuseri kwa Laŵi la Moto ili, leneilo likaŵa Logos ilo likafuma kwa Chiuta.

⁵⁹ Sono ise tikusanga apa, sono kuyambira ku Pentekoste, Chiuta ntha wakuteŵeta *mwa* munthu, panji kuteweta... sono Iyo wakuteŵeta *kugwiriska* ntchito munthu. Mukuwona? Iyo wakuteŵeta *mwa* Munthu kale, Yesu. Sono Iyo wakuteŵeta *kugwiriska* ntchito munthu uyo Iyo wali kusankha pa chakulinga ichi. Chiuta, mu kawonekero ka munthu, Iyo wakajisintha Iyoyekha kufuma ku kawonekero ka—ka a...ka Chiuta, ku kawonekero ka munthu.

⁶⁰ Iyo wakiza mu mazina ghatatu, mazina ghatatu gha ŵana. Iyo wakiza mu Mwana...zina la Mwana wa—wa munthu, Mwana wa David, na Mwana wa Chiuta; mazina ghatatu gha ŵana.

⁶¹ Sono, Iyo wakiza pakudanga mu Mwana wa Da- . . . Mwana wa munthu, chifukwa Iyo wakaŵa Muprofeti. Sono, Yehova Iyoyekha wakachema Ezekiel na ŵaprofeti, “mwana wa munthu, kasi iwe ukuwona vichi?” Yesu ntha wakajiyowoya Iyoyekha ngati Mwana wa Chiuta; Iyo wakajiyowoya Iyoyekha ngati Mwana wa munthu, chifukwa—Malemba ghangaphwanyika chara.

Palije icho chingaphwanyika mu Malemba. Lizgu lirilose likwenera kuŵa ntheura. Umo ndimo ine nkhubomezgera ichi. Umo ndimo Ichi chikwenera kuti chikhaliirenge, ntha chifukwa chakuti ine nkhubomezga ichi, chifukwa Ichi ndi Mazgu gha Chiuta.

⁶² Sono usange imwe mukuwona pa chiyambi, Lizgu limoza, peji wanu mu Baibolo, mu Genesis 1, ise tikusanga kuti chose. . . Urwari wose, chitima chose, kupweteka mitima kose, na chirichose icho chikachitika ku ŵanthu, chikiza chifukwa munthu *yumoza* wakaleka kugomezga Lizgu *limoza*, chikapangiska chose ichi. Icho chiri ku kwambirira kwa Baibolo. Ku umaliro wa Baibolo, Chivumbuzi 22, Chiuta mweneyura wakati, “Uyoyose wafumyengeko Lizgu limoza ku Ichi, panji kusazgako lizgu limoza ku Ichi.” Wonani, ichi chikwenera kuŵa Lizgu pa Lizgu, umu Ichi chiliri waka.

⁶³ Ntheura, ipo, ndipo kutora waka kanthu kachoko nga ndi kuti ine ndi. . . munyakhe nyengo zose kuyowoyanga kwa ine za ŵanakazi kuyepuranga sisi lawo. Sono, kwa ine, malinga iyo wakuchita icho, ine nkhubwerera chara kwali iyo ndi mutuŵa uli na vinandi ivyo iyo wakumanya, iyo ngwakwananga ndithu. Iyo wakuvwara mamini na malaya agha ngati agho; ine nkhubwerera chara icho iyo wakuchita, umu iyo wangayimbira, umu iyo wangapharazgira makora uli, chirichose iyo wangamanya kuchita, mtundu wa umoyo uwo iyo wakukhala, ndi Lizgu lenelira pera limoza laphwanyika. Mukuwona? Wonani, chikwenera kuŵa Lizgu lirilose. Ntha sentensi; Lizgu, Lizgu limoza! Ntheura, Baibolo lirije kutanthauzira kwapadera. Ichi chikwenera kuŵa Lizgu pa Lizgu, umu Ichi chiri kulembekera. Ise tikwenera kugomezga Icho.

⁶⁴ Ndipo ntha kugomezga pera Ichi, kweni kukhala umoyo wa Ichi. Usange ise ntha tikukhala umoyo wa Ichi, ipo ise ntha tikugomezga Ichi; ise tikuyowoya waka kuti ise tikuchita. Ngati ine. . . Kuyambira kunyuma pa icho ine nanguyowoya, ŵasambiri ŵara ntha ŵakamanya kuchirongosora Ichi, kweni iwo ŵakagomezga Ichi, munthowa yiriyose, ndipo iwo ŵakazomerezga kwananga kwawo ndipo ŵakakhala umoyo wa ichi. Apo ŵanyakhe wose ŵa iwo ŵakati ŵachileka Ichi, iwo ŵakakhilirira na Ichi! Iwo ŵakagomezga Ichi! Umo ndimo ise tikuchitira. Umo ndimo imwe mukwenera kuchitira ichi. Kwali munyakhe wakuchita vichi, ise tikugomezga Ichi ndipo ntheura

ise tikuchigwiriska ntchito Ichi. Usange imwe mukuchita chara ichi, ipo imwe ntha mukugomezga Ichi.

⁶⁵ Sono wonani sono apo Iyo wakiza, Iyo wakayenera kwiza nga ndi Mwana wa munthu, chifukwa Malemba Ghatuwa ghakayowoya kuti Iyo wazamkuchita, “Chiuta wawuskenge Muprofeti kwa iwo.” Ntheura Iyo nthena wakiza chara kujichema Iyoyekha Mwana wa Chiuta, chifukwa ntha yikaŵa nyengo yira. Iyo wakaŵa Mwana wa munthu kuchimanga, kuti wakwaniriske, na kuvumburanga kwa iwo vinthu vyose ivyo vikachitika, ndipo vikaŵa chithuzithuzi cha icho Iyo wakaŵa. Ntheura Iyo wakaŵa pa charu chapasi ngati Mwana wa munthu.

⁶⁶ Muwonani mwanakazi yura mu Surofonike wakachimbirira kwa Iyo, ndipo wakati, “Imwe Mwana wa David, mundilengere lusungu ine!” Iyo ntha wakinuska mutu Wakhe. Mwanakazi ntha wakayenera kumuchema Iyo ngati Mwana wa David. Mwanakazi wakaŵa wa ŵaMitundu.

Vingachitika chara mwana wane mwanakazi kunichema ine ngati mufumu; panji, muwoli wane, ngati mwana mwanakazi. Kweni, iyo ndi mwana wane mwanakazi na muwoli wane, iyo ndi mwana wane mwanakazi mu Ivangeli. Kweni, pa charu chapasi, iyo walije mazaza kundichema ine a—dada. Mukuwona?

Sono wonani, mwanakazi uyu wa ŵaMitundu ntha wakaŵa na mazaza kumuchema Iyo ngati Mwana wa David. Kweni Batimeyu wachiburumutira wakachita, wonani, iyo wakaŵa muYuda. Sono, Iyo wakiza ngati Mwana wa munthu.

⁶⁷ Imwe mukwenera kuti mughamanye mazgu agha na vinthu ivi. Muwonani Hattie Wright nyengo yira, para Chikoka Chachitatu. Imwe mukukumbukira ichi. Pa vinthu vyose, mwanakazi yura wakayowoya chinthu chakwenerera. Imwe mukwenera kuti muyowoye lizgu lakwenerera lira, chinthu chakwenerera kwa Chiuta.

⁶⁸ Wonani sono, Iyo wakiza pakudanga ngati Muprofeti, ndipo iwo ŵakamupayika Iyo. Ŵakwakhe Yekha ŵakamupayika Iyo. Iyo wakiza ngati Mwana wa munthu.

⁶⁹ Ntheura para Mzimu Mutuŵa ukati wafika, Iyo ntheura wakaŵa Mwana wa Chiuta. Chiuta ndi Mzimu. Iyo wakaŵa Mzimu Mutuŵa, Mwana wa Chiuta. Iyo wakakhala mu miwiro ya mpingo ngati Mwana wa Chiuta.

⁷⁰ Sono, mu Mileniyamu, Iyo wazamkuŵa Mwana wa David, kukhalanga pa Chizumbe cha adada Ŵakhe, David. Iyo ndi Mwana wa David, sono.

⁷¹ Ndipo, kumbukirani, pakatikati pa Mwana wa Chiuta... Mu miwiro wa mpingo wa Laodikeya, iwo ŵakamuŵika kuwaro Iyo. Ndipo mwa Luka, Iyo wakayowoya kuti Iyo wazamkuvumbukwaso ngati Mwana wa munthu, Muprofeti, kukwaniriskanga vinyakhe vyose vya ichi. Mukuwona? Malemba

ghakulukana pamoza makoraghene. Mwana wa munthu, Mwana wa Chiuta, Mwana wa David. Kasi chikaŵa chivichi? Ndi Chiuta mweneyura nyengo zose, kusinthanga waka kawonekero Kakhe, en morphe. Iyo wakusintha waka ichi. Ndi seŵero likuru kwa Iyo. Iyo wakuseŵera ili.

⁷² Iyo wakiza ngati Mwana wa munthu, Muprofeti. Wakachita ndendende. Nanga ndi mwanakazi muchoko yura mu kwananga kwakhe kose, kula pa chisime, iyo wakamumanya Iyo. Iyo wakati, “Ise tikumanya Mesiya wakwiza, uyo wakuthyika Khristu, icho ndicho Iyo wazamkuchita.” Wonani, iyo wakamumanya chifukwa iyo wakaŵa Mbewu yakusankhikirathu. Ntheura iyo. . .

Uko, ŵanyakhe wose nthā ŵakachimanya Ichi. Iwo ŵakaŵavye chakuti ŵangamanyira. Iwo ŵakaŵa mu kwananga, kufuma pa kuyamba.

⁷³ Pakuti, pakuti milimo Yakhe, Iyo wakusintha kawonekero Kakhe. Pamanyuma Iyo wakiza mu kawonekero ka Mwana wa munthu.

Pakuti muwiro wa ŵakunozga vinthu, Wesley, Luther, na wose kula, pamanyuma ise tikusanga kuti iwo ŵakapanga bungwe ichi, ngati ndiumo ŵaIsrayeli ŵakachitira, kufikira kuti para Iyo wakuwonekera mu mazuŵa ghaumaliro, mu muwiro wa pentekoste, ngati Mzimu Mutuŵa, iwo ŵakuwukana Uwu. Iwo ŵakachita chinthu chenechira Israyeli wakachita.

Ndipo kasi Iyo wakuchita vichi sono? Wakwizaso nga ndi Mwana wa munthu. Ndipo ntheura, kufuma apo, Mwana wa David. Mukuwona umo ise tiriri kufupi? Mwana wa munthu, Mwana wa David, Mwana wa Chiuta. Iyo wakuvumbukwa mu mazuŵa ghaumaliro ngati Mwana wa munthu, kwakulingana na Malaki 4, mauchimi ghanyakhe ghose kurazganga ku ora ili. Kulijeso kuchita na mpingo para Iyo. . . Iwo ŵakamuŵika kuwaro Iyo; kuwaro, kukhung’uskanga pa chijaro. Mbewu yinyakhe yakusankhikirathu mula, yichalimo. Iyo wakwera kuti wafike kwa iwo.

⁷⁴ Ndipo Chiuta, mwa munthu, wakajikhutura Iyoyekha. Joel 2:28, ise tikusanga kuti, Iyo wakati, “Ine ndizamkupungura, mu mazuŵa ghaumaliro, Mzimu Wane.” Sono, usange imwe mungawona lizgu apo, lizgu la Chigiriki. Ine panji ningaŵa na ichi mwakunangiska, kweni limoza ilo ine nkhasanga. . .

⁷⁵ Imwe mukwenera kuti mughawone mazgu. Chingerezgi nyengo zinyakhe chikuŵa na ving’anamuro viŵiri. Kuyana waka lizgu ilo ise tikuti, “chiuta.” Chiuta wakalenga kuchanya na pasi, Genesis 1. Kweni sono, mu Baibolo, Ili likati, “Mu mtendeko Elohim.” Sono, Elohim, Chingerezi chikuti “chiuta,” kweni nthā wakaŵa nadi *Elohim*. Chirichose chingamanya kuŵa chiuta, ku lizgu lakuti *chiuta*; imwe mungapanga chikozgo kuŵa chiuta;

imwe mungamanya kupanga piyano uyo kuwa chiuta; imwe mungamanya kupanga chirichose kuwa chiuta.

⁷⁶ Kweni ichi ntha chiri ntheura mu lizgu lakuti *Elohim*; Ili likung'anamura, "Yumoza kajilengi." Mukuwona? Piyano yura ntha wangajilenga yekha, kulije chirichose chingamanya kujilenga chekha. Ntheura, lizgu lakuti *Elohim*, likung'anamura, "Iyo mweneuyo wakaŵako nyengozose." *Chiuta* chingamanya kung'anamura chirichose. Mukuyiwona mphambano mu lizgu? [Gulu likuti, "Amen."—Munozgi.]

⁷⁷ Sono, para Ili likayowoya apa kuti Iyo *wakajikhutura* Iyoyekha, panji *kujipungura*, sono, ise tingamanya kughanaghana ngati ichi, kuti Iyo "wakajibokora," lizgu mu chingerezezi lakuti *kujikhutura*, panji *kujipungura* kufuma mwa Iyo, wonani, chinyakhe chikafuma mwa Iyo icho chikaŵa chakulekana na Iyo. Kweni lizgu lakuti *kenos*, mu Chigiriki, ntha likung'anamura kuti Iyo "wakajibokora," panji chinyakhe... woko Lakhe likafumako, panji jiso Lakhe likafumako, munthu munyakhe.

⁷⁸ Ndiko kuti, Iyo wakajisinha Iyoyekha, Iyo "wakajipungula Iyoyekha mkati," (Amen!), mu chakuvwara chinyakhe, mu kawonekero kanyakhe. Ntha munthu munyakhe wakafuma mwa Iyo, wakuchemeka Mzimu Mutuŵa, kweni Ichi wakaŵa Iyo Iyoyekha. Imwe mukupulika ichi? [Gulu likuti, "Amen."—Munozgi.] Iyo Iyoyekha wakajipungula Iyoyekha mu ŵanthu. "Khristu mwa imwe!" Mwe kutowa, mwe uweme, kughanaghana, Chiuta kujipunguranga Iyoyekha mwa munthu, mwa wakugomezga. "Kujipungura!" Ili likaŵa gawo la seŵero Lakhe, kuti wachite ntheura.

Chiuta, uzali wose, Uchiuta wose muthupi ukaŵa mwa Munthu uyu, Yesu Khristu. Iyo wakaŵa Chiuta, ndipo Chiuta pera. Ntha munthu wachitatu panji munthu wachiŵiri, panji munthu wakudanga; kweni *Munthu*, Chiuta kubisika mu thupi la munthu.

⁷⁹ Timote Wakudanga 3:16, "Kwambura kususka chikuru ndi chamchindindi cha uchiuta; pakuti C-H-I-U-T-A, Elohim," malemba ghakuru C-H-I-U-T-A, mu Baibolo. Rutani kunyuma, waliyose. Ichi chikuruta ku, mu chiyambi, Ili likati, "Elohim." "Mu mtendeko, Elohim." Mukuwona? "Ndipo, Elohim, kwambura kususka chikuru ndi chamchindindi cha Elohim; pakuti Elohim wakazgoka thupi, ndipo ise tikumukhwaska Iyo." Elohim, kubisika mu thupi la munthu! Yehova mukuru uyo wakazura malo ghose, nyengo, na kulikose, wakazgoka munthu. Ise tikamukhwaska Iyo, Elohim. "Mu mtendeko, Elohim. Ndipo Elohim wakazgoka thupi, wakakhala pamoza nase."

⁸⁰ Vichi? Aka ndi kachitiro Kakhe, vigaŵa vya seŵero. Umo ndimo Iyo wachitirenge ichi, nthowa Yakhe kujivumbura Iyoyekha kwa ise nga ndi munthu munyakhe wachilendo. Ise tiri

mu thupi, ndipo Iyo wakumanya icho. Ndipo ise tikupulikiska ngati wa muthupi. Ise tikumanya waka nga wa muthupi. Ise tikumanya waka umo mamanyiro ghithu ghakutizomerezgera ise kumanya, ndipo vinyakhe vya ichi ise tikwenera kuti tigomezge mwa chipulikano. Ise tikwenera kuti tiyowoye kuti Chiuta waliko; kwali ise tikumuwona Iyo, panji chara, ise tikugomezga ichi, munthowa yiriyose. Mukuwona? Kwali chiriko panji kulije, ise tikugomezga ndithu ichi chifukwa Chiuta wakayowoya ntheura.

⁸¹ Ngati Abraham, ntha wakamanya kumuwona mwana yura, pakaŵavye vimanyikwirowo, pakaŵavye nthumbo ya—ya Sarah, pakaŵavye nyengo yiriyose ya mapiriyodi panji kalikose, kweni ndipouli Chiuta wakayowoya ntheura. Vigomezgo vyose, nanga ndi chakhe—chibabiro chakhe chikaŵa chakufwa, ndipo umoyo wakhe mwa iyo ukamara, ndipo—nthowa ya umoyo wakhe yikawuma, ndipo wakhe—umoyo wakhe ukawuma mkati mwa iyo. “Ndipo kweni iyo ntha wakagwedezgeka pa phangano la Chiuta kwizira mu kuwura kugomezga, kweni wakaŵa wakukhora, kuperekanga marumbo, pakumanya kuti Chiuta wakaŵa wamagomezgeko kuchita chirichose Iyo wakayowoya kuti Iyo wazamkuchita.”

Yiriko nthowa iyo ise tikwenera kuti tigomezgere Mazgu agho muhanyauno. Kasi ichi chizamkuchitika uli? Ine nkhumanya chara. Chiuta wakati ichi chizamkuŵa ntheura umo, ndipo icho mbwenu chakhazikika.

⁸² Kasi ndinjani Munthu mukuru uyu wambura kuwoneka? Kasi ndinjani Uyu mweneuyo Abraham wakawona mu mboniwoni? Nkhanira paumaliro, munthowa yiriyose, Iyo wakawoneka mu thupi, pambere mwana wakaŵa wandafike. Chiuta Iyoyekha wakiza kwa Abraham mu kawonekero ka munthu, pa nyengo yaumaliro. Wakawoneka! Iyo wakamuwona Iyo mu Kuŵara kuchoko nyengo yimoza; iyo wakamuwona Iyo mu mboniwoni; iyo wakapulika Lizgu Lakhe; mauvumbuzi ghanandi. Kweni pambere wakaŵa wandafike waka mwana waphangano, iyo wakamuwona Iyo mu kawonekero ka munthu, ndipo wakayowoya kwa Iyo, ndipo wakamuryeska Iyo nyama na chakumwa. Mukuwona? Wonani, Chiuta Iyoyekha kubisika mu thupi la munthu.

⁸³ Ili ndi gawo la kachitiro Kakhe. Iyi ndi nthowa umo Iyo wakujiwoneskera kwa ise, kuwoneskera Mazgu Ghamuyaya, Chiuta, Yehova wakazgoka thupi. Ngati ndi mu Yohane Mutuŵa 1, “Mu mtendeko mukaŵa Mazgu, ndipo Mazgu ghakaŵa na Chiuta, ndipo. . . Mu mtendeko mukaŵa Elohim, ndipo Elohim wakaŵa. . . wakazgoka Mazgu, ndipo Mazgu wakaŵa Elohim. Ndipo Mazgu ghakazgoka Elohim.” Mukuwona? Ndi chinthu chenechira, kuvumbukwanga waka.

⁸⁴ Nga ndi makhaliro, wonani, ichi chiri mwa Chiuta. Makhaliro ndi ghanoghano linu. Chiuta pa chiyambi, Wamuyaya, Iyo nthā wakaŵa nanga ndi Chiuta. Iyo wakaŵa Umuyaya. Iyo nthā wakaŵa nanga ndi Chiuta; Chiuta ndi chinthu chakusopeka, panji chinyakhe. Mukuwona? Ntheura Iyo nthā wakaŵa nanga ndi icho. Iyo wakaŵa Elohim, Wamuyaya. Kweni mwa Iyo mukaŵa maghanoghano Iyo wakakhumbanga kuti wazgoke chakukhwaskika. Ndipo kasi Iyo wakachita vichi? Ntheura Iyo wakayowoya Lizgu, ndipo Lizgu likazgoka chakukhwaskika. Icho ndicho chithuzithuzi chose, kufuma ku Genesis kufika ku Chivumbuzi. Paliye chirichose chakwanangika. Ndipo Elohim kuzgokanga wakukhwaskika mwakuti Iyo wangamanya kukhwaskika, kupapaskika. Ndipo mu Mileniyamu, muli Elohim wakhala pa Chizumbe, wonani, uwo mbunenesko, na ŵanthu Ŵakhe wose kumuzungulira Iyo, ndipo Iyo wakasankhirathu pambere charu chikaŵa chindaŵeko.

⁸⁵ Nga ndi munthu wakuwumba mabelu panji kupanga vyakulizgira mabelu, muwumbi. Belu waliyose wakwenera kuti walire mwakupambana na munyakhe. Vyakupangira vyakuyana, kweni simbi unandi ntheura, chisulo unandi ntheura, mukuŵa unandi ntheura, kuti wapange ili lipereke “kaliriro.”

⁸⁶ Umo ndimo Chiuta wakachitira. Iyo wakasazga chimoza ichi ku chimoza icho, ku chimoza ichi ku chimoza icho, ku chimoza ichi ku chimoza icho, mpaka Iyo wakapanga nkhanira ndendende icho Iyo wakakhumbanga. Umo ndimo Iyo wakizira pasi. Chiuta wakajivumbura Iyoyekha mu Laŵi la Moto mu nyengo ya ŵaprofeti, pamanyuma mu Mwana wa Chiuta, cheneicho, Iyo wakaŵa Chiuta. Wonani, ndi Chiuta mweneyura kuwonekeranga ndendende, kufuma ku kufikapo kuruta ku kufikapo, kufuma ku uchindami kuruta ku uchindami. Umo ndimo Mpingo ukwendera.

⁸⁷ Wonani, mu miwiro, kachitiro kenekala, na ŵaprofeti Ŵakhe, Iyo wali kujivumbura Iyoyekha. Iwo nthā ŵakaŵa ndendende ŵaprofeti, iwo ŵakaŵa ŵachiuta. Iyo wakayowoya ntheura. Pakuti, icho iwo ŵakayowoya ghakaŵa Mazgu gha Chiuta. Iwo ŵakaŵa thupi umo Chiuta wakakhalanga. Iwo ŵakaŵa ŵachiuta. Yesu wakayowoya, Iyoyekha, wakati, “Kasi imwe mukundisuska uli Ine para Ine nkhuoyowoya kuti Ine ndine Mwana wa Chiuta, ndipo dango linu likuyowoya kuti iwo ŵeneawo Mazgu gha Yehova ghakizirako ŵakaŵa ŵachiuta?” Mukuwona?

⁸⁸ Ntheura wakaŵa Chiuta kupangika mwa munthu wakuchemeka muprofeti. Mukuwona? Ndipo Mazgu gha Yehova ghakiza kwa munthu uyu, ntheura nthā wakaŵa muprofeti; muprofeti wakaŵa chidiko, kweni Mazgu wakaŵa Chiuta. Mazgu gha munthu nthā ghangachita ngati ntheura. Mukuwona

icho ine nkhung'anamura? Igho nthā ghangachita mu kachitiro ako. Kweni mu chigomezgo wakaŵa Chiuta. Wonani, Iyo wakaŵa Mazgu gha Chiuta mu kawonekero ka munthu, wakuchemeka "munthu."

Wonani, Iyo nthā wakasintha kaŵiro Kakhe, kawonekero Kakhe pera. Wahebere 13:8, wakati, "Iyo ndi mweneyura mayiro, muhanyauno, na muyirayira." Ntheura Iyo nthā wakasintha kaŵiro Kakhe para Iyo wakiza. Iyo nyengo zose ndi Muprofeti yura, mu miwiro yose, chinthu chenechira: Mazgu, Mazgu, Mazgu, Mazgu. Mukuwona? Iyo wangasintha chara kaŵiro Kakhe, kweni Iyo wakasintha kawonekero Kakhe. Wahebere 13:8, wakati, "Iyo ndi mweneyura mayiro, muhanyauno, na muyirayira." Iyo wakasintha waka chakuvwara Chakhe.

⁸⁹ Nga ndiumo ine nkhasinthira kufuma ku mufumu, para mwana wane wakati wababika, ntheura ine ndine dada. Para mzukulu wane wababika, ine ndine sekuru. Mukuwona? Kweni, ine nthā nkhusintha; apo ndichali—ndichali ine. Mukuwona? (Ndipo uyo ndi Chiuta.) Ndiko kuti waka ine nkhasintha lane. . . Wonani, chikusintha waka kawonekero kinu. Mukuwona?

Wonani. Ndipo kaŵiro kakusintha ichi kufuma ku mwanarumi mwanichi kufika ku wamsinkhu-pakatikati, kufika ku munthu mulara. Ndipo imwe muli apo, imwe wonani, imwe mukusintha waka kawonekero kinu.

⁹⁰ Sono, imwe nthā mungayowoya kwa munyamata muchoko wayimirira pamtunda apa, wa virimika sikisitini vyakubabika, kuyowoya kuti iyo ndi sekuru. Iyo wangaŵa chara. Kawonekero kakhe kakwenera kuti kasinthe. Virimika vichoko vikumusintha ichi, pamanyuma iyo wakuzgoka sekuru. Mukuwona icho ine nkhung'anamura?

⁹¹ Kweni ndi Munthu mweneyura nyengo zose, Munthu mweneyura, Chiuta nyengo zose. Mu nthowa iyi Iyo wakujivumbura Iyoyekha ku ŵanthu Ŵakhe, mu kuchita ichi. Wonani, mu muwiro wa Laŵi la Moto, Iyo wakajivumbura Iyoyekha ku ŵanthu Ŵakhe. Mu muwiro wa—wa Yesu, Iyo wakajivumbura Iyoyekha ku ŵanthu Ŵakhe. Mu muwiro wa Mzimu Mutuŵa, ngati Mwana wa Chiuta. Mwana wa David. . . Iyo nyengo zose wakujivumbura Iyoyekha mu nthowa iyo ku ŵanthu Ŵakhe, kupangiskanga ŵanthu kuti ŵamumanye Iyo. Iyo wali kubisika kuseri kwa chinyakhe, wonani, mu nthowa yenyira, panji kaŵiro kenekala, nyengo yiriyose.

⁹² Chiuta kubisika mwa Yesu, kuti wachite ntchito ya uwombozi pa mphinjika. Chiuta nthena wakafwa chara, ngati Mzimu. Iyo ndi Wamuyaya. Kweni Iyo wakayenera kuti waware chakuvwara na kuseŵera gawo la nyifwa. Iyo wakafwa, kweni Iyo nthena wakachita chara ichi mu kawonekero Kakhe ka Uchiuta. Iyo wakayenera kuchita icho mu kawonekero ka Mwana, ngati Mwana wa munthu, pacharu chapasi. Mukuwona?

Iyo wakayenera kuwa mu kawonekero ka Mwana. Ntheura para Iyo wakati wafika pa Pentekoste, Iyo wakaŵaso Mwana wa Chiuta. Mukuwona icho ine nkhung'anamura? Mukuyipulika fundo? Iyo wakaŵa . . .

⁹³ Iyo wakayenera kuti wanjire mu thupi la munthu, kuti . . . ndipo pakaŵavye, pakaŵavye chilakolako cha kugonana. Chifukwa icho chikusimikizgiraso mayowoyero ghithu pa mbewu ya serpente, wonani, “kugonana,” kugonana kweneko. Maapulo chara; kugonana! Uwo mbunenesko. Icho chikayenera kuwa ntheura. Wonani apa, wonani, kwa munthu waliyose wamahara . . . Wawonani waprofeti wara kunyuma kula, kweni Iyo wakayenera kuwa wakuruska muprofeti. Mukuwona? Kutu Iyo wachite icho, Iyo wakayenera kwizira mu kubabika na mwali, kurongoranga kuti kubabika na mwali kukasimikizgira . . . Iyo wakayenera kubadwa na kubabika na mwali, kuti wafumyepo nthembo, Kupereka Chipembuzgo. Mukuwona icho ine nkhung'anamura? Ntheura, ichi chikayenera kuwa kugonana. Iyo wakasimikizgira ichi mu Kwiza Kwakhe Yekha; Iyo wakiza nthu mu chilakolako cha kugonana, kweni kwizira mu kubabika na mwali. Ndipo Iyo wakasinthu chakuvwara Chakhe kufuma ku Yehova kufika ku Yesu, mwakuti Iyo watore ntchito ya uwombozi mu seŵero ilo Iyo wakachitanga, mwa Chiuta pa mphinjika.

⁹⁴ Wāgiriki wākakhumbanga kuti wāmuwone Iyo. Mu Yohane Mutuwa 12:20, wānandi wa imwe mukandipulika ine nkhupharazga pa icho kuyowoyanga, “Mabwana, ise tikukhumba kuti tumuwone Yesu.” Kasi imwe mukachiwona icho?

⁹⁵ Sono, Wāgiriki wākawā wākusambira, iwo wākawā wānthu wākuruwākuru. Ndipo iwo wākawā na—iwo wākawā na—kulingalira kukuru za Chiuta, umo Paulos wakapharazgira kwa iwo pa phiri la Mars. Ndipo iwo wākawā, iwo—iwo wākaronozga charu mu sayansi na—na masambiro, iwo wākawā wānthu wākuruwākuru. Kweni iwo wākasonanga na kugomezganga mu mizimu yakale na vinyakhe, mabuku gha vyakujambura na kafukufuku wa vyakujambura, na vinyakhe ntheura.

⁹⁶ Kweni iwo—iwo—iwo wākatimbanizgika na za Munthu uyu Mweneuyo wakamanyanga kuchizga warwari ndipo wakamany kuphalira nkhanira vinthu ivyo vikachitika, nkhanira ndendende. Ndipo iwo wākatimbanizgika, ntheura iwo wākiza kuzakamuwona Iyo. Sono, woneseskani mwacheru sono, kuchiphonya chara ichi. Mukuwona? Ndipo iwo wākiza ndipo wākayowoya kwa Filipu, uyo wākawā wa ku Betisida, “Bwana, ise tikukhumba kuti timuwone Yesu.” Ndipo Filipu na musambiri munyakhe wākamutorera iyo kwa Yesu, kuti wāmuwone Yesu.

⁹⁷ Sono wonani mazgu gheneghara agho Yesu wakayowoya kwa iwo, pakuti iwo wakiza kuzakawona Cheneicho Iyo wakaŵa, ndipo iwo ntha wakamanya kumuwona Iyo. Iwo wakawona kawonekero, kweni Iyo wakaŵa mu tempile Lakhe. Chiuta wakaŵa mu tempile Lakhe, kubisika mu thupi la munthu. Wonani mazgu agho Iyo wakayowoya, “Kwambura kuti njere ya tirigu yinjire mu dongo, wonani, na kufwa, iyi yikukhala yekha.” Mukuwona? “Ora lafika, mwasonosono wazamkuŵa Mwana wa munthu wakuchindikika, wonani, ndipo Iyo wakwenera kuti wafumemo mu charu ichi. Ndipo kwambura kuti ora ili lafika, imwe ntha muzamkuchiwona Ichi.” Mukuwona?

⁹⁸ Apa, ntchifukwa uli iwo ntha wakamanya kumuwona Yesu? Iyo wakabisika. Chiuta wakabisika. Wagiriki wakakhumbanga Chiuta, ndipo Iyo wakaŵa apa, kweni iwo ntha wakamanya kumuwona Iyo chifukwa cha chidiko. Ndipo icho ndi chinthu chenechira muhanyauno, iwo ntha wangamuwona Iyo chifukwa cha chidiko. Ichi chabenekerera chisko chawo. Wagiriki aŵa wakabenekerereka, panji Yesu wakabenekerereka ku waGiriki aŵa.

⁹⁹ Wonani, Iyo wakati kwa iwo, “Kwambura kuti njere iyi ya tirigu yinjire mu dongo, iyi yikukhala yekha.”

¹⁰⁰ Iwo, iwo ntha wakupulikiska kasi, chifukwa icho iwo ntha wakamanya kumuwona Iyo. Apo pakayimirira munthu. Iwo wakiza kuzakamuwona Chiuta, ndipo iwo wakawona munthu. Mukuwona? Iwo ntha wakamanya kumuwona Chiuta chifukwa Chiuta wakabisika kwa iwo. Sono sungirirani icho mu malingaliro ghinu, Chiuta wakabisika mwa munthu. Iwo wakamanyanga kuyowoya, “Kulije munthu wangamanya kuchita milimo iyi pokhapokha ichi waŵe Chiuta. Kulije munthu wangamanya kuchita ichi, ndipo kasi apa payimirira munthu ndipo kweni milimo ya Chiuta yikuwoneka mwa Iyo!” Wonani, iwo ntha wakamanya kupulikiska kuti Chiuta wakabisika.

¹⁰¹ Iyo wabisika mwa munthu, umo Iyo nyengo zose wakaŵa wakubisika. Kweni, Iyo wakabisika kwa iwo, Iyo wakaŵa mu tempile Lakhe munthu. Chiuta wakaŵa mu tempile munthu. Sono, woneseskani chomene, sono Iyo ndi mweneyura mayiro, muhanyauno, na muyirayira. Mukuwona? Chiuta kubisika, kujibisa Iyoyekha ku charu, kubisika mu thupi la munthu. Mukuwona? Apa pakaŵa Chiuta! waGiriki ŵara kuyowoyanga, “Ise tikukhumba kuti timuwone Iyo.”

¹⁰² Ndipo Yesu wakati, “Njere ya tirigu yikwenera kuti yiwe na kufwa.” Imwe mukwenera kuti mufwe ku fundo zinu zose. Imwe mukwenera kuti mufumemo mu maghanoghano ghinu.

Nga ndiumo wakaŵira wasambiri ŵara, iwo ntha wakamanya kurongosora za kuryanga thupi Lakhe na-na kumwanga Ndopa Zakhe, kweni, wonani, iwo wakaŵa kuti

ŵafwa ku vinthu vira. Iwo ŵakaŵa ŵakufwa kwa Chiuta, iwo ŵakaŵa ŵakufwa kwa Khristu. Paliŵe kanthu kwali ntchivichi, panji umo Iyo wakawonekera ngati wakaŵa wakutondeka, iwo ŵakagomezga ndithu Ichi munthowa yiriyose. Mukuwona? Iwo ŵakamanyanga kuwona mwa Munthu yura; Munthu uyo wakurya, wakumwa, wakaŵeja, wakagona tulo, chinyakhe chirichose, wakababikira kuno pa charu chapasi, ndipo wakayenda na iwo, wakadumba na iwo, wakavwara malaya nga ndi ŵanyakhe wose ŵa iwo, kweni yura wakaŵa Chiuta.

¹⁰³ Ntheura ŵaGiriki ntha ŵakamanya kumuwona Iyo, chifukwa Iyo wakabisika kwa iwo, mwa munthu. Wonani Mazgu Ghakhe kwa iwo, “Kwambura kuti njere iyi ya tirigu yiwe mu dongo.”

¹⁰⁴ Chiuta kubisika mu kawonekero ka munthu, wakajibisa Iyoyekha ku kalaŵiskiro kawo. Iwo ŵakawonanga waka munthu pera. Kweni ŵara Ŵakusankhikirathu ŵakamuwona Chiuta. Yumoza wakawona munthu, munyaike wakawona Chiuta. Mukuwona? Ndipo wakaŵa Chiuta kubisika mwa munthu, kuŵapanga wose ŵaŵiri ŵaneneska, kweni chipulikano chinu chiri mu icho imwe ntha mukuchiwona. Imwe mukugomezga ichi, munthowa yiriyose. Chiuta kubisika mwa munthu. Iyo wakaŵa mu thupi lira, ndipo thupi lira likaŵa chidiko Chakhe. Chidiko chikaparuka, wonani, mwakuti Chiuta wangamanya kuwoneka.

¹⁰⁵ Mu Chipangano Chakale, Chiuta wakaŵa wakubisika para Iyo wakaŵa pa mpando Wakhe wa chisungusungu; pa mpando wa chisungusungu, kubisika na chidiko. Mu Chipangano Chakale, Chiuta wakaŵa mu tempile Lakhe. Kweni ŵanthu ŵakizanga na kusopa ngati ntheura, kweni, kumbukirani, kukaŵa chidiko (amen) icho chikamubisa Chiuta. Iwo ŵakamanya Chiuta wakaŵako kula. Iwo ntha ŵakamuwonanga Iyo. Laŵi lira la Moto ntha likawonekaso kula. Kasi imwe mwanguwona? Ntha yikaŵako nyengo yimoza mu Malemba, kufuma pa nyengo apo Laŵi lira la Moto likati lanjira kuseri kwa chidiko, kuti Ili likawonekaso, mpaka Ili likiza kufuma kwa Yesu Khristu. Chiuta wakaŵa wakubisika!

¹⁰⁶ Para Iyo wakayimirira pa charu chapasi, Iyo wakati, “Ine nkufuma kwa Chiuta ndipo nkuruta kwa Chiuta.”

¹⁰⁷ Ntheura Paulos, (pamanyuma pa nyifwa Yakhe, kusungika, chiwuka), pa ulendo wakhe wakuya ku Damaseko, kukaŵaso Laŵi lira la Moto. Kasi Ichi chikaŵa chivichi? Kufumako kuseri kwa chidiko! Uchindami kwa Chiuta!

¹⁰⁸ Iyo wakaŵa mkati kuseri kwa chidiko. Sono Iyo wakaŵa kuseri kwa vichi? Chidiko cha chikumba. Wonani, “vikumba vya chiwuli,” kuseri kwa chidiko. Ndipo para chidiko chira chikati chaparuka pa zuŵa la kupayikika, chidiko icho Iyo

wakavungikamo chikaparuka pa zuwa la kupayikika, mpando wose wa chisungusugu ukawonekera pakweru.

¹⁰⁹ Sono, wa Yuda ntha wakamanya kupulikiska umo kuti Chiuta wakamanya kuwa na lusungu pa wakwananga, wanthu waheni ngati ndiumo ise tiriri. Kweni iwo ntha wakamanya kumuwona Yumoza uyu mweneuyo wakaperekanga lusungu, chifukwa Iyo wakabisika. Iyo waka wa kuseri kwa mpando wachisungusungu, mula mkati, na vikumba vya chiwuli kulendereranga pasi, kumubenereranga Iyo. Pambere . . .

¹¹⁰ Kale, usange munthu munyakhe wakanjira mkati kuseri kwa chidiko chira, yikawanga nyifwa penepapo. Amen. O, ise titorengapo chisambizgo apa mu miniti pera, wonani, usange imwe munga—imwe mungachipokerera Ichi. Kuyenda kuseri kwa vikumba vira . . . Nanga ndi yumoza wa wana wa wasofi wakayezga kuchita ichi nyengo yimoza, ndipo wakafwa. “Kuyako chara kuseri kwa chidiko chira.” Munthu uyo wakaruta kuseri . . . Chifukwa? Kuka wa kuti kulije uwombozi nyengo yira, mu icho. Chika wa waka chigomezgo. Ichi chika wa waka chigomezgo. Ndipo chirichose *mukugomezga* waka ntha ndi chinthu cheneko chiripo, wonani, kugomezga waka. Uka wa uwombozi . . . Kwananga kukabenekerereka, ntha kujumphirika . . . kukagowokereka, mphanyiko, ntha kukagowokereka. *Kugowokereka* ndikokuti “kupatika na kujaririka.” Ndipo ntheura ndopa za mberere na mbuzi nthena zikachita chara icho, ntheura Yehova wakabisika kuseri kwa chidiko. Sono, kunyuma kuseri kwa chidiko ichi uko Iyo wakabisika, kuti unjireko kula, munthu wakawanga pasi kufwa, kuti wayezge kunjiramo mu Ichi.

¹¹¹ Kweni kufumira pa Pentekoste, kufumira pa Kupayikika, para chidiko chira chikati chaparuka kufuma pachanya kufika pasi, ku muwiro ula . . . Yesu waka wa Chiuta yura, wakubisika. Ndipo para Iyo wakati wafwa pa Mphinjika, Chiuta wakatuma moto na leza, ndipo vikapalura chidiko chira kufuma pachanya kufika pasi, mwakuti mpando wose wa chisungusungu uka wa pakuwonekera pakweru. Kweni iwo waka wa wakuburumutizgika chomene kuti wawuwone Uwu. Umo Moses wakayowoyera, nangauli, panji . . . Paulos wakayowoya, kuwazganga za Moses, “Para Moses wakuwazgika, kweni, chidiko chira chichali ndithu pa mtima wawo.” O, m'bale, mlongosi, icho ndicho wa Yuda wakachita para chidiko chikati chaparuka ndipo chikamuwika Chiuta pakuwonekera pakweru, kulenderanga pa mphinjika. Iyo waka wa pakuwonekera pakweru, kweni iwo ntha wakamanya kuchiwona Ichi.

¹¹² Kasi chingawa chamachitiko kuti wa Mitundu wakachita chinthu chenechira? O Chiuta! Para iwo waka wa na miwiro ya mpingo, za Mwana wa Chiuta; kweni sono para chidiko ichi cha mabungwe ghasopisopi na vinthu, chidiko ichi cha mwambo icho ise tiri kuwa nacho kufuma Pentekoste, para mwambo wa

mpingo waparuka, vinthu ivyo wanthu wakati, “Mazuwa gha minthondwe ghali kujumpha, na vinthu ivi,” ndipo Chiuta wali kufumyapo chidiko cha Ichi, na kuchiwika Ichi pakuwonekera pakweru, ndipo iwo wakanozgeka kuchipayikaso Ichi, nkhanira waka ndendende.

¹¹³ Chiuta wakuvumbukwa, kuwonekera pakweru, iwo wakayenera kuti nthena wakamuwona Iyo wayimirira apo. Kweni Iyo wakazgoŵereka chomene, Iyo wakaŵa munthu wamba. Iwo nthā wakamanya kuchiwona Ichi. Wonani, apo pakayimirira munthu. “Inya,” iwo wakati, “munthu uyu, kasi Iyo wakafumira ku sukulu uli?” Kweni, kumbukirani, para mkondo ula ukati wavotora thupi Lakhe, Mzimu ula ukafuma mwa Iyo, tempile... mathebulo ghakuperekerapo sembe ghakagadabuka, ndipo leza wakakhirira pasi mu tempile ndipo wakaparura chidiko. Kasi chikaŵa chivichi? Apo pakaŵa Chiuta wawo wakulendera pa Mphinjika, ndipo iwo wakaŵa wakuburumutizgika chomene kuti wachiwone ichi.

¹¹⁴ Chikamutorera Iyo pakuwonekera pakweru, kweni ndipouli iwo nthā wakuchiwona Ichi! Iwo mbakuburumutizgika. Chiuta, kubisika mwa munthu!

¹¹⁵ Imwe mukukumbukira, Iyo wakiza kwa Paulos pamanyuma pa icho, na kwa Petros mu gadi, ngati Laŵi la Moto. Mukukumbukira icho? [Gulu likuti, “Amen.”—Munozgi.]

¹¹⁶ Kweni mu mazuwa ghaumaliro Iyo wakwenera kuti wizeso, kweni Laŵi la Moto likwenera kuti lifikeso kuti lizakawoneske Mwana wa munthu, wonani, kuti lirongore Mazgu, Kuwara. Myambo, yakhala yikuwako, yizamkumara petu. Ntha chiriko icho chizamkujandajanda Ichi; ichi chizamkuchitika, munthowa yiriyose. Chiuta bwangandulirani waka pasi mabungwe na myambo.

Kasi ndi Mzimu wa mtundu uli uwo Iyo wazamkuchitira ichi? Ngati ndiumo Iyo wakachitira pakudanga. Wonani icho Iyo wakachita mu mazuwa gha Elija, mu mazuwa gha Yohane. “Kasi imwe mukughanaghana chara kuti kuyowoya mkati mwinu mwaŵene ‘tiri na Abraham nga dada,’ chifukwa Chiuta ngwamagomezgeko ku malibwe agha kumuwuskira wana Abraham.” Mukuwona? Kasi imwe mukughanaghana chara, “Chifukwa ine ndiri ku *uwu* ndipo ine ndiri ku *uwo*.” Mukuwona? Chiuta kuparuranga chidiko, wonani, kuti warongore Icho Iyo wali. Wonani, chiwonani chidiko apo ichi chikuparuka sono, ise tachisanga sono.

¹¹⁷ Sono, ndipo nyengo yimoza, usange munthu wakayenda kunjira ku chidiko chira, yikaŵa nyifwa penepapo. Sono ndi nyifwa kuleka kunjira mu Ichi! Amen. Usange imwe mungabwangandura chara chidiko icho cha myambo, kuporota mu chipupa icho cha bungwe, kuti mumuwone Chiuta mu nkhangono Yakhe, ndi nyifwa. Kale apo yikaŵanga nyifwa

kunjiramo, sono ndi nyifwa kukhala kuwaro. Mpando wose Wachisungusungu uli pakuwonekera pakweru, waliyose wangamanya kuwuwona Uwu, chidiko chaparuka. Uchindami kwa Chiuta! Mpando wose wachisungusungu uli nkhanira pakuwonekera pakweru.

118 Umo Chiuta wakaŵira na lusungu pa ŵakwananga nga ndise, para Iyo wakati wajibisa Iyoyekha, chikaŵa chamchindindi. Ndipo sono Ichi chiri pakuwonekera pakweru, panji chose chikuwoneka, kuvumbukwa na Mazgu Ghakhe. Nyengo zose ndi Mazgu, rutaruta, uyo ndi Chiuta. Ndi Mazgu agho ghakuvumbura ichi. Usange ŵanthu ŵara ŵakaghamanyenge Mazgu gha Chiuta gha nyengo yira para Yesu wakati wafwa, iwo nthena ŵakawuwona Mpando Wachisungusungu, iwo nthena ŵakawona Icho Iyo wakaŵa.

119 “Kasi wakaŵa njani Yura kale? Ntchifukwa uli chidiko chikaparuka?” Kumbukirani, yikaŵa nyifwa kunjira mu Ichi. Pakaŵavye munyakhe wakamanya kuchiwona Ichi. Moses wakachiwona Ichi mu kawonekero, Ichi wakaŵa kavulu... ichi ukaŵa a—msana wa Munthu. Inya, Ichi chiri apa, msana wakusulura ndopa, Munthu mweneyura! Kasi Ichi chikaŵa chivichi? Chiuta wakakhumbanga kuti waŵarongore iwo Mpando Wachisungusungu. Chiuta wakakhumbanga kuti waŵarongore iwo Icho Iyo wakaŵa. Ntheura chidiko mu tempile, kufuma ku woko la Chiuta, kuchanya, chikaparuka kufuma pachanya kufika pasi, ndipo chikarongora Chiuta pakuwonekera pakweru. Wakaŵa Yesu Khristu kulenderanga pa mphinjika, Mpando Wachisungusungu. Ndipo kasi ichi chikaŵa chivichi? Ŵanthu ŵakaŵa ŵakuburumutizigika chomene kuti ŵachiwone Ichi.

120 Sono ichi chawerezgekaso, myambo yawo! Umo kukaŵira, kale, pa Zuŵa la Pentekoste, Mazgu ghakiza ndipo ghakaŵa mu kawonekero ka “Mwana wa Chiuta.” Ndipo iwo ŵakayamba kupanga bungwe pa Nicaea, Rome. Ndipo, chinthu chakudanga, iwo ŵakapanga Methodist, Baptist, Prezibetere, Pentekoste, na ŵanyakhe ntheura. Ndi mwambo wa bungwe kufikira munthu nthu wakumanya apo iyo wakwimirira.

Kweni, uchindami kwa Chiuta, Iyo wakalayizga mu mazuŵa ghaumaliro icho Iyo wazamkuchita. Iyo wawoneskerenge Mazgu Ghakhe pakuwonekera pakweru, kuvumbukwaso panthazi pithu, kuwona, kuvumbura Ichi.

121 Usange iwo ŵakaghamanyenge waka Mazgu, iwo nthena ŵakamanya Icho Yesu wakaŵa. Usange munthu wakamanyenge waka Mazgu gha Chiuta, iyo walimanyenge ora umo ise tikukhala na icho chikuchitika. Iwo ŵakukana waka kutegherezga ku Mazgu ghara. Myambo yawo! Kasi ntchichi chikapangiska ŵaYuda ŵara kuti ŵachiwone chira? Vichi?

Kukawoneka ngati kuti nthena wakachiwona nadi, chifukwa chinthu chikaparuka chikabenuka pa chakulinga.

¹²² Kasi ichi ndi chisisimuso uli chikuchitika sono? Kasi ichi chirutirirenge uli? Kasi ichi chitumbikikenge uli? Ine nkhopwerera chara kwali chiri na wakuyezgerera walinga, panji chinyakhe chirichose, icho ntha... Para Moses wakati waruta, pakaŵa gulu lakusakanikirana likaruta nayo. Kweni kasi ichi chachitikirachi? Ndi Yehova Iyoyekha kubenurungapo chidiko pa Chiuta, kuti warongore mphambano pakatikati pa chiweme na chiheni. Cheneicho ndi, Methodist, Baptist, Prezibetere, panji muneneska ndinjani? Mazgu gha Chiuta nganeneska! “Lekani lizgu la munthu liŵe litesi, ndipo Lane liŵe Unenesko.” Chiuta ntha wakukhumba wakumasulira. Iyo wakujimasulira Iyoyekha. Iyo wakuchiwoneskera Ichi, ndipo mu... ichi chikupereka kumasulira. Chiuta kujivumburanga Iyoyekha. O, mwe! Nkhanira pakati pithu, ise tikuliwona woko Lakhe likuru kutiphaliranga vinthu ivi, kuchitanga vinthu ivi.

¹²³ Ndiri na chinyakhe pa icho usikuuuno, wonani, umo ise tingaliwonera woko la Chiuta, icho Ili likuchita, umo Ili likujivumbulira ilolekha. Mukuwona?

¹²⁴ Ndipo wanthu wakuti, “O, Uwo mbuchindere. Uko nkugomezga mwakunyanya. Kulije kalikose ku Icho. Uwo mbuchindere. Uyo ndi Berezebule. Uyo ndi dyabulosi. Uko ndi kuwukwa. Icho ndi *ichi*.” Wonani, chinthu chenechira iwo wakayowoya za Iyo.

¹²⁵ O mpingo, ndipo usange tepi iyi yikuruta, imwe mukuwona chara, wapharazgi wa Ivangeli, kasi imwe mukukhala nkhu? Kasi imwe mungawona chara ora umo ise tikukhala? Chiuta, kujirongoranga Iyoyekha, wakhala palwandi... Wonani, Iyo wakatora chidiko chira cha tempile na kuchiparura ichi mu viduswa, mwakuti iwo wangamanya kumuwona Chiuta pakuwonekera pakweru, ndipo iwo wakawā wakuburumutizgika chomene kuti wachiwone Ichi. Ndipo Iyo wachita chinthu chenechira muhanyauno, kuwikinga Mazgu Ghakhe nkhanira panthazi, icho Iyo wakalayizga. Phangano lirilose mu Mazgu, liri nkhanira panthazi pithu, pakuwonekera pakweru!

¹²⁶ Imwe mukumanya icho mpingo wa wa Mitundu ukuchita? Chinthu chenechira mpingo wa chiYuda ukachita, wakuburumutizgika chomene kuti wachiwone Ichi. Mbweni kwamara. Ichi chizamkuwa pa mitima yawo nga ndiumo icho chikaŵira mu nyengo yira.

¹²⁷ Wonani, nyifwa, kukhala kutali na Ichi sono. Imwe mukwenera kuti munjire mu Ichi kwizira mu chidiko ichi, panji imwe mutondekenge. Umo Chiuta wakaŵira na lusungu pa iwo, kweni kumbukirani kasi chira chikaŵa chivichi, kuti Chiuta wakuwoneskera icho chikaŵa kuseri kwa chidiko chira.

Wonani icho chikaŵa kuseri kwa chidiko chira, Mazgu! Kasi ichi chikabisa vichi? Mazgu! Kasi chikaŵa chivichi? Ichi chiri mu likasa. Ghakaŵa Mazgu agho chidiko chira chikabisa. Mukuwona? Ndipo Yesu wakaŵa Mazgu ghara, ndipo Iyo ndi Mazgu ghara, ndipo chidiko cha thupi Lakhe chikabisa Ichi.

¹²⁸ Ndipo muhanyauno chidiko cha mwambo chikughabisaso Mazgu, kuyowoyanga, “Ntha chiri nthaura.” Kweni Ichi chiri nthaura! Chiuta wakuyowoya za Ichi, kuŵaranga Iyoyekha nkhanira ngwee ngati zuŵa, panthazi pa waliyose, ndipo iwo ŵakutondeka kuchiwona Ichi. Chiuta, mutilengere lusungu ise.

¹²⁹ Mu chilinganizgo, Moses kwiza kufuma Panthazi pa Chiuta, na Mazgu gha Chiuta gha muwiro ula. Sono wonani, ise sono tiri mu Exodus 19. Kuchiphonya chara ichi sono. Exodus 19, Moses wakwiza kufuma Panthazi pa Chiuta, panji 20 na 21, 19:20 na 21. Moses wakwiza kufuma Panthazi pa Chiuta. Iyo wanguŵa mu Mazgu. Mazgu ghali kulembeka. Ndipo iyo, Panthazi pa Chiuta, na Mazgu, iyo wakaŵa na Mazgu gha muwiro ula. Kuli Mazgu gha muwiro uliwose. Ndipo Moses pakwiza, chisko chakhe chikaŵara chomene! Mukuwona? Mazgu ghakaŵa mwa iyo, kunozgeka kuti ghawonekere, kuperekeka ku ŵanthu.

¹³⁰ Mazgu ghaneneska, Chiuta wakalemba Ichi, ndipo Ichi chikaŵa na Moses. Wonani, Ichi chikaŵa na Moses ndipo chikanozgeka kuti chiwonekere. Iyo wakaŵa Mazgu kwa iwo, iyo wakaŵa Mazgu ghamoyo, ghakubisika. Wakajibisa Iyoyekha, Moses wakayenera kuti ŵaŵikeko chidiko kubenekerera chisko chakhe. Chifukwa? Iyo wakaŵa Mazgu ghara. Amen. Kufikira Mazgu ghara ghakavumbukwa, Moses wakayenera kuti wajibenekerere iyoyekha. Amen!

Kasi imwe mukuchiwona ichi? Kulikose uko kuli Mazgu, Igho ngakubenekerereka.

¹³¹ Moses wakaŵa na Mazgu. Sono kumbukirani, para Mazgu ghakati ghawonekera, Moses wakaŵaso Moses. Mukuwona? Kweni apo Mazgu ghara ghakaŵa mwa iyo kuti wakaghapereke, iyo wakaŵa Chiuta; inya, iyo ntha wakaŵaso Moses. Iyo wakaŵa na Mazgu gha Yehova ku muwiro ula. Pakaŵavye chirichose chikamanya kumukhwaska iyo kufikira chira chikachitika chikamara; Mazgu ghara ghakaŵa na iyo. Nthaura, ipo, para iyo wakati wafika, ŵanthu ŵakang’anamura mitu yawo; iwo ntha ŵakapulikiska. Iwo ŵakasinthika. Iyo wakaŵa munthu wachilendo. Iyo wakiza na Mazgu ghara. “Ndipo iyo wakaŵika chidiko,” Babilolo likayowoya, “kubenekerera chisko chakhe,” pakuti iyo wakaŵa na Mazgu. Ndipo iyo wakaŵa Mazgu kwa iwo.

¹³² Sono wonani, usange Moses...O m’bale, apa paŵenge chitusi. Kweni usange Moses...Umo Paulos wakayowoyera apa mu Ŵakorinte Wachiŵiri, chipatulo 3. Usange Moses wakachita kubenekerera chisko chakhe na Uchindami wa

mtundu ula pa iyo . . . wonani, chifukwa ula ukaŵa uchindami wa kuthupi, lira likaŵa dango la kuthupi. Ndipo usange Moses, pakumanya kuti dango lira likayenera kuti limare, kweni Uchindami ukaŵa ukuru chomene mwakuti uwu ukaburumutizga ŵanthu, nthaura iwo ŵakachita kuŵika chidiko kubenekerera chisko chakhe. Kasi chizamkuŵa chakofya chomene uli Ichi? Ŵanthu ŵakuburumutizgika ku uzimu! U-nhu. Uchindami ula ukayenera kumara, kweni Uchindami Uwu uzamkumara chara. Mukuwona? Moses wakaŵa na marango gha kuthupi, ghakususka, ghambura uchizi, ghambura kalikose; ichi chikamususkani waka imwe. Kweni Ichi cheneicho ise tikuyowoya . . . Chira chikaŵavye kuphepiska, chira chikamuphalirani waka imwe icho imwe mukaŵa. Ichi chikumupasani imwe nthowa yakuphokwera.

¹³³ Ndipo para Mazgu ghara ghavumbukwa, o, mwe, kasi Ighe ghazamkuŵa na chisko cha mtundu uli? Ighe ghakwenera kuti ghabenekerereke. Ighe ghakwenera kuti ghabenekerereke. Sono wonani. Nthaura Mzimu wabenekerereka mu tempile munthu, wonani, Iyo kuti wayowoye mazgu ghakuthupi na chidiko cha kuthupi.

¹³⁴ Sono, Paulos wakuyowoyanga apa sono, ndipo mu ichi—kapulikiro aka, Mazgu Ghauzimu, “Ise ndise ŵapharazgi, nthā ŵa lemba, dango; kweni ŵapharazgi ŵamagomezgeko ŵa Mzimu,” kuti Mzimu ukutora lembo na kuchiwoneska Ichi.

¹³⁵ Lira likaŵa waka dango, imwe mukayenera kuchita kuruta na kukachilawiska ichi, kuti, “Iwe ungaleŵanga. Iwe ungibanga. Iwe ungatetanga. Iwe nthā ungachitanga *ichi*, *icho*, panji *chinyakhe*.” Mukuwona? Imwe mukayenera kuti muchilawiske ichi.

¹³⁶ Kweni uwu ndi Mzimu uwo ukwiza pa Mazgu ghakulayizgika ku muwiro *uwu*, ndipo ukupereka na kuwoneskera, nthā vipapati viŵiri vya libwe, kweni Uŵapo wa Chiuta wamoyo. Nthā ghanoghano lakale ilo munyakhe wakapanga zuŵa linyakhe, panji Houdini munyakhe, uryarya; kweni phangano leneko la Chiuta lakuvumbukwa na lakuwonekera nkhanira panthazi pithu. Kasi ndi chidiko cha mtundu uli chizamkuŵa kuseri? Ndipo kuti—kuti mutaye icho . . .

¹³⁷ Wonani, chira chikaŵa chikuru chomene kufikira kuti nanga ndi ŵanthu ŵakayowoya, iwo ŵakayowoya para iwo ŵakati ŵawona Yehova wakukhira pasi mu Laŵi ili la Moto, na kuyamba kusunkhunya charu chapasi, na—na vinthu ivyo Iyo wakachita, ndipo phiri likagolera moto. Ndipo nanga munyakhe wakayezgenge kuruta ku phiri lira, wakafwanga. Ichi chikaŵa chikuru chomene kufikira nanga ndi Moses wakawopa kundindima. Nthaura, usange nyengo yira Iyo wakasunkhunya waka phiri, nyengo iyi wasunkhunyenge kuchanya na pasi.

138 Kasi kuli uli na Uchindami Uwu? Usange chira chikabenekerereka na chidiko cha kuthupi, ichi ndi chenechira...chakubenekerereka na chidiko chauzimu. Ntheura lekani kuyezga kulaŵiska pa chakuthupi; njirani mu Mzimu ndipo muwone apo imwe muli, muwone ora uli ise tikukhalamo.

139 Kasi Ichi chikupulikikwa kwa imwe? Wonani, Ichi ndi chidiko chauzimu icho chabenekerera ŵanthu, ŵakuti, “ine ndine wa Methodist. Ine ndiri muweme nga ndi waliyose. Ine ndine wa Baptist. Ndipo ine ndine wa Pentekoste.” Kasi imwe mukuchiwona chara ichi, chinthu icho ndi chidiko cha mwambo? Ichi chikumubisa Chiuta kwa imwe. Ivyo ndi vinthu ivyo vikumutondeskanani imwe kunjoyanga vyose. . .

O, imwe mukuti, “ine nkhukokomoka na kudukamuchanya-na-pasi.”

140 Iyo wakati, “Lizgu lirilose!” Eva wakagomezga Lizgu lirilose kupaturako limoza. Mukuwona? Ndi Mazgu ghose gha Chiuta, phangano la ora ili kuwonekera. Mukuwona?

141 Wonani sono apo ise tikurutirira. Ndiri na vinandi apa vyakuti ine ndiyowoye, ine ndiri waka na mapeji pafupifupi twente, kweni ichi. . .gha—gha manotisi, kweni ine—ine nthu ndiyowoyenge vyose. Wonani, ine ndifulumirenge.

142 Iyo ngwakubenekerereka na chidiko cha kuthupi pambere iyo wandayowoye Mazgu ku ŵanthu. Sono, Chiuta wakayenera kuti wajibenekerere Iyoyekha, umo Iyo wakalayizgira, mu thupi la munthu. Chiuta! Kasi imwe mukupulika ichi? [Gulu likuti, “Amen.”—Munozgi.] Chiuta wakwenera kujibenekerera Iyoyekha mu thupi la munthu, na kuŵika chidiko chauzimu pa iwo, (ŵayowoye, “Inya, ine ndine *ichi* ndipo ine ndine *icho*”), mwakuti wayowoye ku ŵanthu. Para chidiko icho, cheneicho ndi chidiko cha mwambo, chaparuka, ntheura a . . .icho ndicho iwo ŵakuyowoya, “Chifukwa, mazuŵa gha minthondwe ghali kumara.”

143 Munthu wakayowoya kwa ine zuŵa linyakhe, a—mupharazgi muchoko wa Baptist kudera kula, wakiza kwa ine, M’bale Green, ndipo iyo wakati, “M’bale Branham, apa pali chinthu chimoza ine nkhukususkira iwe.” Iyo wakati, “Iwe ukuyezga kuŵapanga ŵanthu. . .” Kukaŵa kusika ku Ramada Inn, para ise tikaŵa na ungano kusika kula. Wakati, “Iwe ukuyezga kuŵapanga ŵanthu ŵagomezge mu muwiro wa upostoli, kuti ŵakhale umoyo muhanyauno ngati iwo ŵakaŵa mu muwiro wa upostoli.” Wakati, “Muwiro wa upostoli ukamalira na ŵapostole.”

Ine nkhati, “Uwu ukachita?”

“Inya.”

Ine nkhati, “Kasi mupharazgi wakaŵa njani mu muwiro wa upostoli?”

Iyo wakati, “Wapostole thweluvu mu chipinda cha muchanya.”

¹⁴⁴ Ine nkhati, “Ipo Paulos pakaŵavye.” Ine nkhati, “Mupharazgi wakaŵa Petros. Ndipo Petros wakati, pa Zuŵa la Pentekoste, para iwo ŵakawona chose ichi chikuchitika, ndipo Mzimu Mutuŵa ukateŵetanga, iyo wakati, ‘Phangano nda imwe, na ku ŵana ŵinu, na kwa iwo awo ŵali kutali, nanga ndi ŵanandi awo Yehova Chiuta withu wachemenge.’ Usange Iyo wachali kuchema, ipo Chinthu chenechira chiri pano. Kasi muwiro wa upostoli ukamara pauli ntheura? Muwiro wa upostoli ukumara para Chiuta waleka kuchema.” Iyo ntha wakayowoyaso kanthu kweni wakatora waka chipewa chakhe ndipo wakaruta.

¹⁴⁵ Ichi chikutorera Mazgu kuti ghachite ichi. Ndi Mazgu. Yesu wakamuphalira Satana, “Kuli kulembeka.” Mukuwona? Ndicho ichi, “Kuli kulembeka.”

¹⁴⁶ Ine nkhati, “Petros wakayowoya kuti ichi chizamkumara chara. Wose awo Yehova wakachema, Thumbiko ili likaŵa la iwo. Sono iwe ukuti, ‘Iyo wakalekeza.’ Pauli?”

“Palije kuŵinya kwachitika?”

Ine nkhati, “Chara, bwana, napachoko pose. Rutirirani.” U-nhu. Viri makora. Mukuwona?

¹⁴⁷ Petros wakayowoya kuti ichi chikaŵa cha waliyose uyo Chiuta wakachema, wapokerenge thumbiko lenelira la upostoli. Agho—agho ndi Mazgu gha Yehova. Mukuwona?

¹⁴⁸ Sono chidiko cha kuthupi. Chiuta, Mazgu, kubisika mu thupi la munthu. Kasi chikaŵa chivichi? Chiuta wakabisika mwa Moses. Chiuta wakaŵa mwa Moses, wakabisika, ndipo Uŵapo wa Chiuta ukaŵa mwa iyo. Iyo wakaŵa wakufikapo nkhanira na Mazgu ghara mwa iyo ngati ntheura, kufikira iyo wakayenera kubenekerera chisko chakhe. Ndipo wakaŵa muprofeti wakukhozgeka uyo wakavumbura Mazgu ndipo wakaŵaphalira iwo, “Imwe ntha! Imwe a! Ndipo imwe ntha!” Mukuwona?

¹⁴⁹ Kutu wapereke Mazgu Ghakhe ku muwiro ula, Iyo wakajibisa Iyoyekha mu thupi la munthu, panji Mazgu nthena ghakaburumutizga nanga ndi ŵakuchemeka. Mukuwona? Nanga ndi ŵanthu awo ŵakaŵako kula, iwo nthena ŵakayima kuti ŵachiwone icho. Mu—mu Exodus ise tikusanga kuti, iwo ŵakati, “Lekani Moses wayowoye, Chiuta chara.” Mukuwona chifukwa icho Laŵi la Moto ntha likuwoneka kaŵirikaŵiri? Mukuwona?

¹⁵⁰ Chiuta wakati, “Ine—Ine—Ine ndichitenge icho. Ine ndizamkuŵawuskira iwo Muprofeti.” Amen! “Ine ndizamkuŵawuskira yumoza iwo.” Ndipo iyo wakiza nkhanira

ndendende. “Ine ndizamkuwawuskira, ndipo Iyo wazamkuwa, kuwa Mazgu.”

¹⁵¹ Iyo wakati, “Usange iwo wakukhumba kuti wawone icho Mazgu ghali...” Wakati, “Sono, Moses, Ine nkhawoneka kwa iwe kula mu chivwati chakugolera.” Wakati, “Ine ndikhirenge pasi ndipo ndiwotchenge phiri ilo na moto.” Wakati, “Iwo wawonenge kuti iwe wayowoya unenesko. Ine ndizamkuwoneka umo mu—mu—nthowa yenyera yakugolera moto. Ine ndiwonekerenge kuno na kusimikizgira ku wanthu, Ine ndikhozgenge utumiki wako.” Ndicho Iyo wakaphalira Moses apa, mazgu ghanandi chomene.

¹⁵² Wonani, Iyo wakati, “Sono Ine nkhuruta kuti—Ine ndikuchindikenge iwe panthazi pa wanthu.” Wakati, “Sono, iwe ukawaphalira iwo kuti Ine nkhakumana na iwe kuworo kula mu chivwati chakugolera; sono Ine ndikhirenge pasi, Moto weneula, ndipo Ine ndiwapangiskenge wanthu kuti wawone kuti iwe ukateta chara za Ichi.” Imwe mungamanya kusimikizgira Ichi mwasayansi, munthowa yiriyose, usange imwe mukukhumba kuchita. Mukuwona? “Ine ndikhirenge nkhanira pasi na kuwapanga iwo kuti wamanye.”

¹⁵³ Ndipo para Iyo wakati wayamba kududumira, para Yehova wakati wayamba kududumira, wanthu wakati, “Yayi! Yayi! Yayi! Kumuzomerezga yayi Yehova wayowoye; ise ti—ise tifwenge.”

¹⁵⁴ Wonani, Iyo wakayenera kuti wabisike, nthura Chiuta wakajibisa Iyoyekha mwa Moses ndipo wakapereka Mazgu kwa Moses. Ndipo Moses wakiza ndipo wayowoya Mazgu gha Yehova, mu chidiko kubenkerera chisko chakhe. Mbunenesko uwo? Yehova kubisika mu kawonekero ka muprofeti, chifukwa ichi nadi nthenda...Ndipo Chiuta wakati Iyo ntha wazamkuyowoyaso kwa iwo ngati nthura. Iyo wayowoyenge kwa iwo kwizira mwa muprofeti. Ndiyo nthowa yekha pera Iyo wakamanya kuyowoyera kufuma kale na kunthazi. Ndiyo nthowa yekha pera Iyo wakuyowoyeramo. Uwo mbunenesko. Ntha yiriko nthowa yinyakheso. Iyo wakuteta chara.

¹⁵⁵ Wonani, yekha pera Moses wakaŵa na Mazgu. Sono, ntha kukaŵa a—gulu likiza, ntha kukaŵa waka ŵaFarisi, panji ŵaSaduki, panji ntha kukaŵa a—chigaŵa chinyakhe panji fuko. Wakaŵa Moses! Iyo wakatora munthu yumoza. Iyo ntha wangatora ghaŵiri panji malingaliro ghatatu ghakupambanapambana. Iyo wakutora munthu yumoza. Moses wakaŵa na Mazgu, ndipo Moses yekha. Nanga ndi Joshua ntha wakaŵa nacho Ichi. Pakaŵavye munyakhe wakaŵa nacho Ichi. Amen! Joshua wakaŵa a—mulara; Joshua wakaŵa chirongozgi wa nkondo; Joshua wakaŵa wakugomezga, Mukhristu. Kwani Moses wakaŵa muprofeti! Mazgu ntha ghangiza kwa Joshua; Igho ghakwenera kuti ghafikire kwa Moses. Iyo wakaŵa

muprofeti mukuru wa ora. Wonani, Mazgu nthā ghakizira kwa Joshua kufikira Moses wakafwa. Chara, bwana. Chiuta wakuchita na yumoza pa nyengo. Chiuta njumoza. Mukuwona? Sono, Moses pera wakaŵa na Mazgu, gulu chara.

¹⁵⁶ Wonani, Chiuta wakachenjezga munthu waliyose kuti nthā wangayezganga kumurondezga Moses mu chidiko chira; ŵakuyezgerera. Mukuwona? Mwanakazi, mwanarumi, musofi, kwali iyo wakaŵa njani, wauchiuta uli, mwanarumi uli, kwali ngwakuchindikika uli, kwali iwo ŵakaŵa vichi; Iyo wakachenjezga, “Lekani Moses wafike yekha! Ndipo usange munthu munyakhe, nanga ndi chinyama, chikhwaske ichi, chikwenera kukomekera nkhanira penepapo.” Nthā mungaporotanga chidiko chira. Chidiko icho ntcha munthu yumoza. Uthenga uwo ngumoza. Mukuwona? Mu tempile, mwanarumi yumoza wakanjiranga kamoza pa chirimika, wakuzozgeka ndipo wakunozgeka kunjiramo; nthā kuti wakapharazge Mazgu, kweni kuti wakapereke ndopa. Nanga nkunhijira waka mula kunthazi kwa Ichi, kamoza pera. Munthu munyakhe waliyose wakafwanga. Mukuwona?

¹⁵⁷ Iwo ŵakufwa ku uzimu sono. Ichi ndi chidiko chauzimu. Mukuwona? Chira chikaŵa chidiko cha kuthupi. Ichi ndi chidiko chauzimu. Mukuwona? Iwo ŵakurutirira kutimbanizganga kunyuma kula, iwe ungamanya kuŵaphalira iwo. “O, ine nkhumanya! Ine nkhumanya icho, kweni ine . . .”

Ine nkhati, “Rutirirani, chiri makora, ichi chikuyowoya waka . . .” Imwe mukukumbukira, muliri wa umaliro mu Egupto yikaŵa nyifwa, pambere ŵakaŵa ŵandafume. Muliri wa umaliro pa charu chapasi ndi nyifwa ku uzimu, pambere kundachitike kufuma. Ntheura iwo ŵazamkuwotcheka na kuweraso ku dongo, ndipo ŵarunji ŵazamkuyenda pa vyoto vyawo. Kweni chinthu chaumaliro ndi nyifwa ya kuuzimu, kughakana Mazgu.

¹⁵⁸ Sono wonani, Chiuta wakachenjezga munthu waliyose kuti waleke kuyezga kumurondezga Moses kunjira mu chidiko cha Moto. Moses wakayenera kuti wabenekerereke, iyo wakayenera kuti wafumemo mu icho. Moses wakanjiranga ngati Moses, wakanjira mu Laŵi la Moto; ndipo para iyo wakafumanga kuwaro, iyo wakabenekerereka. Pakuti, iyo wakanjira mkati Mula, wambura miyambo yakhe, miyambo ya ŵalara. Iyo *wakaliwona* Laŵi la Moto, kweni sono iyo wakunjira *mu* Laŵi la Moto. Mukuwona? Amen! Ndipo iyo wakufuma, wakubenekerereka. Mazgu gha Chiuta mwa munthu, wakubenekerereka! Apa iyo wakwiza wakwenda wakufuma, o, mwe, ine nkhumanya kuchiwona ichi. Wakachenjezga waliyose kuti waleke kuyezga, kulije munthu wangayezgerera Icho. Ntchiweme imwe muleke. Mukuwona? Nanga ndi musofi panji munthu mutuŵa, kwali iyo wakaŵa njani, kadinolo, bishopu, chinyakhe chirichose, kuyezganga kunjira mu chidiko chira,

wakafwa. Chiuta wakaŵachenjezga iwo. Ise nthā tizamkuŵa nawo ŵakuyezgerera.

¹⁵⁹ Mazgu Ghakhe ghakwiza kwa yumoza. Nyengo zose kukaŵa nthēura, muprofeti wakiza na Mazgu gha Yehova, muwiro uliwose, nyengo yiriyose, mose mu Malemba. Mazgu ghakwiza kwa yumoza. Mu muwiro uliwose, chenechira, nanga ndi mu miwiro ya mpingo, kufuma ku wakudanga kufika ku waumaliro. Ŵanyakhe ŵali nagho malo ghawo, uwo mbunenesko, wonani, kweni khalani kutali na Laŵi lira la Moto. Mukuwona? Ndi chisambizgo uli ise tikusambirapo apa! Wonani, waliyose kukhumbanga kuti waŵe Moses, ndipo waliyose. . .

¹⁶⁰ Imwe mukukumbukira icho Dathan na iwo ŵakayowoya kuwaro kula? Iwo ŵakati, “Sono, Moses, lindizga apa miniti pera! Iwe ukujiwikamo chomene wekha, wona. Sono, ŵaliko ŵanthu ŵanyakhe kuno awo Chiuta wali kuŵachema.”

¹⁶¹ Uwo ndi unenesko. Iwo, waliyose, wakayendanga makora malinga iwo ŵakayenderanga pamoza, kweni para yumoza wakayezga kujiŵikamo na kutora malo gha Chiuta agho Chiuta wakapereka kwa Moses, uyo wakasankhikirathu na kwimikikirathu ku ntchito yira, wakayezga kuti wayitore iyi, moto ukiza na kujura charu na kuŵamirimitizgira iwo nkhanira mu ichi. Mukuwona? Mukuwona? Chenjerani. Mukuwona? Khalani waka muweme, Mukhristu wakopa Chiuta, kugomezganga Mazgu. Mukuwona? Khalani kutali na Laŵi lira. Chisambizgo uli!

¹⁶² Chiuta wakawoneka pakudanga kwa Moses mu chivwati chakugolera, Chiuta wakabisika mu Laŵi la Moto. Sono tegherezgani mwatcheru chomene sono miniti pera. Chiuta, pakudanga kwiza kwa Moses, Iyo wakabisika. Chiuta wakaŵa mu Laŵi la Moto, wakabisika kunyuma mu chivwati, wonani; ngati kunyuma kwa vikumba, wonani, kunyuma kwa mpando wa chisungusungu pa guwa. Mukuwona? Iyo wakabisika. Iyo nyengo zose ngwakubisika. Ndipo para Iyo wakiza kwa Moses, Iyo wakaŵa mu Laŵi la Moto, kubisika mu Laŵi la Moto. Kweni apa, panthazi pa ŵanthu, Chiuta wakamukhozgera iyo na Laŵi lenelira la Moto. Mukuwona? Moses wakati. . .

¹⁶³ Sono wonani. Kasi imwe mukuŵazga? [Gulu likuti, “Amen.”—Munozgi.] Kasi imwe mukuzomerezga malingaliro ghinu ghagenukire kuwaro? Mungachita imwe? Kasi. . . “Iyo mweneuyo wali na makutu, lekani iyo wapulike.” Mukuwona?

¹⁶⁴ Para Chiuta wakawoneka kwa Moses, mukaŵa mu Laŵi la Moto, para Iyo wakamuchemera iyo ku utumiki wakhe. Ndipo Moses wakiza ndipo wakaŵaphalira ŵanthu za ichi. Iwo nthā ŵakomezga ichi, kweni iyo wakachita minthondwe na vinthu. Kweni, nyengo iyi, Iyo pakweru, mwasayansi wakawonekera ndipo wakakhozgera utumiki wa Moses kuŵa Chiuta mweneyura uyo wakayowoya kwa iyo, chifukwa Iyo

wakawonekera mu kawonekero ka Laŵi la Moto ndipo wakabuska phiri na moto. Ndipo Ili likiza kwa Moses mu chivwati, likayowoya kwa iyo. Viri makora.

¹⁶⁵ Chiuta kuwonekeranga pakudanga, kwa Moses, mu chivwati chakugolera, wakubisika. Panthazi pa ŵanthu, Chiuta wakabisikaso ndipo wakamukhozgera Moses, na chidiko, pakuchita kujibenekerera Iyoyekha na Moto weneula, Laŵi lenelira la Moto likiza. Kufumira—kufumira kale...Kufumira kwa iwo, iwo ŵakapulikanga Mazgu gha Chiuta pera. Imwe mukuchipulika ichi? Mazgu pera, iwo ŵapulika Lizgu Lakhe. Pakuti, Moses wakaŵa, kwa iwo, Mazgu ghamoyo. Moses! Wonani, Chiuta wakasimikizgira nkhanira chira kwizira mwa Moses! Wonani, Moses wakati...Chiuta wakayowoya kwa Moses, “Ruta kusika kula. Ine ndizamkuŵa nawe. Iyo ndi... Ntha chiriko chinyakhe chizamkuyimirira kunthazi kwa iwe. INE NDINE UYO INE NDINE”

¹⁶⁶ Moses wakiza, ndipo wakati, “Imwe panji mugomezenge chara ichi, panyakhe, kweni Chiuta wakawoneka kwa ine mu Laŵi la Moto ndipo Iyo wakandiphalira ine vinthu ivi.”

¹⁶⁷ “O, ise tiri na mtundu wose wa vinthu vyantheura kuchitikanga.” Faro wakati, “Chifukwa!” Mliiska Faro wakati, “Inya, iwe uli na mayere ghapusu. Chifukwa, ine ndiri nawo ŵamayere kuno awo ŵangamanya kuzgora njoka kuŵa... ndodo—ndodo kuzgoka njoka. Zanginge kuno, ŵamayere.” Ndipo iwo ŵakiza kudera kula ndipo ŵakachita chinthu chenechira.

¹⁶⁸ Moses wakamanya. Ntha chikaŵapo chirichose chikamutangwaniska iyo. Kwali iwo ŵakaŵa na ŵakuyezgerera ŵalinga, ntha chikapanga mphambano yiriyose. Moses wakayimirira waka penepapo. Chinthu chakudanga imwe mukumanya, izi zikakhwaŵa penepara pa kanyengo, ndipo, mwakusimikizga, njoka ya Moses yikarya waka zinyakhe zose. Mukuwona? Chifukwa? Nga ndi ŵapostole ŵara, iwo ntha ŵakamanya kurongosora Ichi. Moses ntha wakamanya umo Chiuta wachitirenge ichi, kweni Iyo wakati wachitenge ichi.

¹⁶⁹ Kumbukirani, Iyo wakati Yambre na Yane ŵazamkwizaso mu mazuŵa ghaumaliro, wonani, ŵakuyezgerera. “Ndipo ŵangamanya kuzakupuruska Ŵakusoreka usange kungachitika,” Mateyu 24:24. Mukuwona? Nkhanira ndendende vinthu vyenevira, kuchita mtundu weneula wa minthondwe na chirichose. Wonani Mazgu agho! Wonani Mazgu agho! Munthu wakuyowoya kuti iyo wakuchita minthondwe kweni ndipouli wakukhumba kugomezga ndithu kuti kuli Ŵachiuta ŵatatu, ndipo kuli mitundu yose iyi; imwe fumaniko ku mtundu uwo. Ise tikumanya uko—uko ndi kwananga, wonani, kulije chinthu chantheura. Mukuwona? Lizgu, Lizgu lililose, Lizgu lililose ilo likufuma mu mlomo wa Chiuta! Genesis, Lizgu limoza! Padera apa, likati, “Ntha mungafumyangako panji kusazgako

lizgu limoza.” Wonani, Ichi chikwenera kuŵa Lizgu lenelira. Mukuwona?

¹⁷⁰ Wonani, ŵanthu ŵakawona chinyakhe icho chikachitika. Moses wakabisika nga ndiumo a...Iyo wakaŵa muprofeti, ndipo Chiuta wakakhozgera Mazgu Ghakhe sono, wakaruta kwenekula. Ndipo iyo wakawona vimanyikwiwo na vyakuziziswa. Ndipo nthura, vyose makoraghene, ŵanthu aŵa ŵakajipatura iwoŵekha, mpingo. Wonani, *mpingo* chikung’anamura “ŵakuchemeka.” Mukuwona? Para iwo ŵakati ŵachemeka kufuma ku charu ndipo ŵakazgoka ŵanthu, wonani, nthura Chiuta wakajipanga Iyoyekha kumanyikwa kuti Iyo wakaŵa Laŵi lira la Moto. Iyo wakasimikizgira uthenga wa Moses. Mukuwona? Iyo wakaŵa Laŵi la Moto. Iwo panji ŵakajambura chithuzithuzi cha Ili, ine nkhusachizga, usange iwo ŵakaŵa a-ŵakaŵa nagho makamera, chifukwa lose likaŵa mu Moto. Kweni iwo—iwo ŵakasimikizgira icho, Chiuta kusimikizgiranga kuti Uthenga ukaŵa waunenesko. Uthenga ukaŵa pafupi, chirichose chikaŵapo, iwo ŵakaŵa kuti ŵafumiskikenge kale. Wakamubisa muprofeti Wakhe ku ŵanthu aŵa ŵakufumanga.

¹⁷¹ Ŵanthu, ŵakughanaghana, ŵakawona chinyakhe chikachitika kwa iyo. Iyo sono wakaŵa wakulekana na ŵanyakhe wose ŵa Israyeli. Iyo wakaŵa wakulekana, uthenga wakhe ukaŵa wakulekana, iyo wakaŵa wakulekana na ŵasofi, iyo wakaŵa wakulekana na chirichose. Wonani, iyo wakaŵa munthu munyakhe. Ŵanthu ŵakawona chinyakhe chikachitika. Chiuta wakajibisa Iyoyekha mwa muprofeti Wakhe, kuti wayowoye Mazgu Ghakhe kwa iwo. Ndicho Iyo wakachita. Moses wakaŵa Mazgu ghamoyo ghara ku ŵanthu, kubisika na Laŵi la Moto, kuyowoyanga icho chikati chizakaŵenge chakubisika kuseri kwa vikumba vya chiwuli. Mukuwona?

¹⁷² Mazgu ghakayenera kuti ghafikire kwa Moses, chakudanga. Mukuwona? Moses wakaŵa na Mazgu. Igho ghakalebeka na Chiuta, pakaŵavye munyakhe wakamanya kughamasulira Igho, Moses wakayenera kughamasulira Igho, chakudanga. Ndicho chifukwa iyo wakabenekerera chisko chakhe, chifukwa iyo... Kasi imwe mukuchiwona ichi? [Gulu likuti, “Amen.”—Munozgi.] Mukuwona?

Ichi chiri *apa*, [M’bale Branham wakutora Baibolo lakhe—Munozgi.] Ise tingamanya kutora Ili, kuyegha Ili, na chinyakhe chirichose uko, kweni Ichi chikwenera kuti chivumbukwe. Kuti ichi chivumbukwe, Moses wakayenera kuti waŵe Chiuta ku ŵanthu.

Imwe mukuti, “Uwo mbuchindere.”

¹⁷³ Chifukwa, Iyo wakaphalira, wakaphalira nanga ndi Moses, Iyomwene, “Iwe uŵenge Chiuta, ndipo Aaron waŵenge muprofeti wako!...?...” Mukuwona? Nthura apo Iyo

wakwiza, wonani, Iyo wakayenera kujibisa Iyoyekha, chifukwa Chiuta nyengo zose wali kuseri kwa chidiko. O, mwe! Kasi imwe mukuchiwona ichi? [Gulu likuti, "Amen."—Munozgi.] Chiuta ngwakubisika ku mzinda.

¹⁷⁴ Wakati, "Wadada, Ine nkhumuwongani Imwe, Imwe muli kuchibisa Ichi ku wavinjeru na wamahara, ndipo mwavumbura Ichi ku wanichi, kwa iwo weneawo wakukhumba kusambira." Mukuwona?

¹⁷⁵ Chiuta wakabisama kuseri kwa chidiko. Moses wakabenekerera chisko chakhe. Moses wakaŵa Mazgu ghamoyo ghakubenekerereka nyengo yira. Wanthu wakawona Laŵi lira la Moto, wakati, "Sono ise takhorwa." Mukuwona? "Lekani Moses wayowoye." Mukuwona? "Ntha mungazomerezganga Chiuta wayowoye, mzire ise tifwe." Moses wakayenda nkhanira kunjira mu Laŵi lira la Moto. Mukuwona?

¹⁷⁶ Ndipo wakayowoya sono, Iyo wakati, "Sono Ine—Ine ntha ndiyowoyengeso kwa iwo ngati ntheura. Ine ndiwapenge iwo muprofeti." Mukuwona? Ndipo umu ndimo Iyo nyengo zose wakachitiranga ichi. Mukuwona? Wakati, "Sono lekani iwo wakwere mtunda." Kweni muprofeti uyu wakwenera kuŵa na Mazgu agha. Usange iyo ngwakubenekerereka na mwambo, Chiuta ntha wakamutuma iyo. Usange iyo ngwakubenekerereka na Mazgu, Chiuta wakhozgerenge Ichi. Chiuta wakumasulira Mazgu Ghakhe Yekha. Moses wakaghayowoya Igho; Chiuta wakaghamasulira Igho. Amen.

¹⁷⁷ Moses wakati, "Yehova wakati ntheura!" Ndipo Yehova wakachita waka icho Iyo wakayowoya. Icho chikapanga Ichi chaunensko.

¹⁷⁸ Sono Iyo wakati, "Sono, Moses, iwe pulikiska. Wanthu wapulikiska sono. Wona, Ine ndakurongora iwe, Ine ndakukhozgera iwe." Chiuta wakajibisa Iyoyekha mwa muprofeti uyu, kuti wayowoye Mazgu Ghakhe ku wanthu. Moses wakaŵa Chiuta wamoyo kwa iwo, Mazgu ghamoyo gha Chiuta ghakuwonekera. Ndicho chifukwa chisko chakhe ntchakubenekerereka. Mukuwona?

¹⁷⁹ Ndipo kasi imwe mukumanya chinthu cheneichi mwa Mukhristu mweneko ngwakubisika muhanyauno, ku wambura kugomezga? Iwo wakuŵawona wanakazi awo na sisi litali na vinthu, wakuti ichi ndi. . . "Laŵiskani pa chiyerezgero chakale icho." Wanakazi wakugoŵeskerera sisi lawo muchanya kurazga kunyuma, wakuti, "Ndiri na chidiko chakupapatala, chidiko chakupapatala padera pachanya apo." Wonani, Icho chose ntchakubisika. Iwo mbakuburumutizgika. "O," iwo wakuti, "ine ndiri na Ph.D.L. . ." Ine nkhopwerera chara ivyo imwe muli navyo, imwe muchali waburutu ku Mazgu. Nkhanira ndendende. "O, icho, icho ntchinyakhe waka chichoko. Ine. . ." Torani visambizgo vichokovichoko chakudanga.

180 Kuli uli na wanthu awo wakuyowoya kuti iwo wali kubenekerereka mu Uwapo wa Chiuta, ndipo wakupharazga mwambo unyakhe wa mpingo? O, lusungu, koto! Icho chikusazgako na kufumyako, na chinyakhe chirichose, pakuchita kunjizgamo visambizgo vyawo wékha na maghanoghano ghawo, ndipo ntha Mazgu gha Chiuta, wonani, kasi ndi mtundu uli wa chidiko? Uyo wavwara chidiko cha upharazgi. Chiuta wali kuparura chidiko ichi nkhanira pwanthu!

181 Iwo wakati, “Kulije chinthu chanthuera ngati waprofeti. Kulije chinthu chantheura, mu mazuwa agha ghaumaliro, ngati waprofeti na waprofeti. Kulije chinthu chantheura ngati machirisko Ghauzimu. Kulije chinthu chantheura ngati waroski, kulijirethu. Kulije chinthu chantheura ngati Marko 16 kukwaniriskika. Muwiro wa upostole uli kumara.” Iwo wachibisa Ichi ku wanthu. Kweni Chiuta wakiza nkhanira na Mzimu Wakhe wa Moto, ndipo wakaparura chinthu chira kufuma pachanya kufika pa-... [Pa tepi palije mazgu—Munozgi.] Chiuta wali kuparura chidiko.

182 Moses waka wa chidiko, Mazgu ghamoyo gha Chiuta kubisika kuseri kwa thupi la munthu. La wi la Moto lika wa mwa Moses, nkhumanya, nkhuwoyoya za icho chikayenera kuzakabisika kunthazi kunyuma kwa vikumba, imwe wonani.

183 Sono, kuti, Mazgu, Mazgu ghakayowoyeka, pamanyuma Igho ghakalebeka, pamanyuma Igho ghakawikika kuseri ndipo ghachali ghakubisika, pakuti Chiuta nyengo zose waka wa mu Mazgu ghara. Amen! Iyo ndi Mazgu, nyengo zose. Iyo waka wa mu Mazgu ghara. Ndicho chifukwa Mazgu ghara ghakayenera kuti ghabisike.

184 O, m'bale, mlongosi, kasi imwe mukuchipulika Ichi? [Gulu likuti, “Amen.”—Munozgi.] Wonani! Kasi imwe mukuchiwona chara? Ichi chakhala chakubisika mu miwiro yose iyi, kwakulingana na icho Chiuta wakayowoya, ndipo Ichi chizamkuvumbukwa mu mazuwa ghaumaliro, Vididimizgo Seveni vira vizamkuvumbukwa, ndipo Chinthu chose chizamkufika pakuwonekera pakweru ku wanthu, icho chikachitikanga nyengo yose. Ora la Uthenga wa mungelo wa nambala seveni, vyamchindindi vyose vya Chiuta vikwenera kumanyikwa mwa Elija yura, ora ili laumaliro; umo kuti Khristu wali kuwikika kuworo kwa mpingo Wakhe, Mwana wa Chiuta; umo Iyo wakuvumbukwiraso nga ndi Mwana wa munthu; umo kuti Mpingo uzamkuwikikira mu dongosolo, na chirichose ku nyengo yaumaliro, kwambura chigomezgo chakuchita kupanga, kwambura bungwe, nkhanira Mazgu ghekha kukhalanga mwa waliyose payekhapayekha. “Ine ndizamkutora yumoza, na kumuleka yumoza. Ine ndizamkutora *ichi*, na kuleka *icho*.” Mukuwona? Pali waka... Kulije kukokana, kulije mabungwe,

kulije kukakamizgana panji chinyakhe; ndi mtima na Chiuta, ndipo Iyo pera. Mukuwona?

¹⁸⁵ Wonani, kubisika mu thupi la munthu. Moses na Mazgu ghara, kuyowoyanga icho kunthazi chikwenera kuzakaŵikika kuseri kwa chikumba cha chiwuli. Ntheura mwakuti. . . Ntheura Khristu ndi Moses withu. Khristu ndi Moses withu. Iyo wakaŵa Chiuta kubisika mu thupi la munthu, kubisika mu umunthu, mu thupi. Uwo mbunenesko. Ndipo Iyo ndi mweneyura mayiro, muhanyauno, na muyirayira. Iyo wakabisika na vikumba vya chiwuli. Iyo wakabisika. Ndipo nyengo iyi Iyo wakabisika mwa munthu. Mukuwona? Sono wonani, “mweneyura mayiro, muhanyauno, na muyirayira,” wakalayizga Mazgu Ghakhe ku muwiro *uwu*. Iyo ndi Khristu ndipera, Mazgu ghakulayizgika ku muwiro uwu, kubisika mu thupi la munthu. Mazgu ndi Chiuta.

¹⁸⁶ Kuzozga ndi munthu. Lizgu lakuti *Khristu* likung’anamura wakuzozgeka, wonani, “wakuzozgeka.” Ntheura, Moses wakaŵa Khristu mu mazuŵa ghakhe, iyo wakaŵa wakuzozgeka. Yemiya wakaŵa Khristu mu mazuŵa ghakhe, na chigaŵa cha Mazgu gha zuŵa lira.

¹⁸⁷ Kweni para Yesu wakati wiza, Iyo wakiza ngati Yumoza Muwomboli Wakuzozgeka; ndipo yura wakaŵa vyose Moses na vyose ivyo vikaŵa mwa Moses, na Mazgu ghose, ndipo Uchiuta wose muthupi ukaŵa mwa Iyo. Ndicho chifukwa chidiko chose cha tempile chikaparuka, ndipo mpando wachisungusungu ukafika pakuwonekera pakweru, Iyo wakaŵa Mweneyura wakuzozgeka.

¹⁸⁸ Wonani sono, chidiko mu thupi la munthu, Mazgu ghakulayizgika ku muwiro uwu naghoso ghakwenera kubisika. Wonani. Mamembara gha mpingo ghakutemwa kwananga ndipo ŵakwananga ntha ŵangamanya kuchiwona Ichi chifukwa cha munthu chidiko.

¹⁸⁹ Ndicho chifukwa iwo ntha ŵakamanya kumuwona Iyo. “Chifukwa, Iyo ndi munthu. Kasi Iyo wakafumirankhu? Kasi Iyo wali na kadi uli la wenenawene? Kasi Iyo ngwa mpingo uli?” Ine nkhuumba kuti ndizakayowoye pa icho usikuuno, “Kasi Iyo ngwa mpingo uli?” Mukuwona? Ndipo ntheura, wonani, sono, “Kasi Iyo ngwa mpingo uli, kasi—kasi ngwa gulu ndi? Kasi Iyo wakaŵa na masambiro uli? Kasi Iyo wakatorankhu masambiro Ghakhe? Inya, Munthu uyu wakababika, kwakulingana na mwambo, panji kwakulingana na—na mudauko wa Iyo kudera kuno, Munthu uyu wakababikira kuwaro kwa nthengwa yituŵa. Chifukwa, Iyo, nadi, Iyo ngwa dyabulosi. Wonani, Iyo ndi— Iyo ngwa dyabulosi. Iyo wakababikira kuwaro kwa nthengwa yituŵa, ndipo Yosefe wakamutora waka iyo kumuthaska waka iyo ku kubwanyika na mawe, chifukwa iyo wakaŵa muzaghali. Ndipo Munthu yura wakiza ndipo wakatiphalira ise ŵasofi chakuti tichite?”

¹⁹⁰ Ndipo apo pakaŵa Chiuta wakayimirira apo, kuvumburanga Mazgu ghara, kuliranga, “Chiuta Wane, kasi Imwe mwandisidirachi Ine?” Sumu zenezira iwo ŵakayimbanga mu tempile, izo David wakaŵapangira iwo virimika vyakale, kuyowoyanga za Khristu. “Viwangwa Vyane vyose vikundilawiska Ine. Iwo ŵakavotora mawoko Ghane na marundi Ghane.” Ndipo iwo ŵakayimirira apo, kwimbanga yira, ndipo Munthu mweneyura wakafwanga pa mphinjika. Ndipo para iwo ŵakati ŵamara ndipo. . .

¹⁹¹ Para Iyo wakati wafwa, Chiuta wa Kuchanya wakiza, nga ndiumo Iyo wakachitira pa Phiri la Sinai, na Moto Utuŵa, ndipo wakawotcha chidiko cha tempile lira kufuma pachanya kufika pasi, wakapalura ichi pakatikati. Ndipo kasi iwo nthena ŵakachita vichi? Kulaŵiskira nkhanira pa windo la tempile kuwaro kula, pa Mphinjika, ndipo apo pakaŵa Chiuta pakuwonekera pakweru, Sembe.

¹⁹² Kweni iwo nthu ŵakuchiwona Ichi, muhanyauno. Chiuta mu nyengo iyi yaumaliro wali kuparura miyambo yira, ndipo wapereka Mazgu gha muwiro uwu nkhanira pakuwonekera pakweru, ndipo iwo nthu ŵakumanya Ichi. Iwo nthu ŵakumanya Ichi. Ichi ndi—ichi ntchipusu chomene. Wonani, ichi ntchipusu chomene. Ichi chiri kutali chomene na vinthu vya charu.

¹⁹³ Ine nkapharazga zuŵa linyakhe pa nkhumano yinyakhe, za, “Pakuŵa nati.” Limoza la mazuŵa agha ine nkhuKhumba kuti ndizakayowoye pa icho, “Pakuŵa nati.” Ise tose ndise manati kwa munyakhe, nthaura—nthaura ine ndiŵenge yimoza ya Khristu. Paulos wakati iyo “wakaŵerengeka kuŵa chindere.” Nadi, iwe ukwenera kuŵa nthaura. Wonani, chikutorera nati kuti yikakirire vinthu pamoza. Mukuwona? Uwo mbunenesko.

¹⁹⁴ Nthaura wonani chidiko, thupi la munthu. Yayi, sono, ŵanthu ŵakutemwa kwananga nthu ŵakamanya kuchiwona icho. Ŵanthu ŵasopisopi ŵara ŵa myambo, iwo nthu ŵakamanya kuchiwona icho, chifukwa Iyo wakaŵa munthu. Chifukwa? Thupi la munthu lira likabisa Chiuta.

¹⁹⁵ Sono, usange Iyo wakaŵa Laŵi likuru la Moto ilo likiza, wonani, Laŵi likuru la Moto likiza ndipo likaŵarongora chira icho Iyo wakaŵa, kuti Iyo wakaŵa Laŵi likuru ili la Moto, iwo panji nthena ŵakagomezga icho; usange Yehova ŵakamumanyenge.

Kweni imwe wonani icho Iyo wakachita, mwakuti Iyo wangamanya kuŵaruska wose ŵakusambira, ŵanthu ŵa vinjeru, Iyo wakajivumbura waka Iyoyekha nga ndiumo Iyo wakamulayizgira Moses, wonani, “Ine ndiyowoyenge kwa iwo kwizira mwa Muprofeti.” Ndipo Iyo wakaŵa Mwana wa munthu, Muprofeti. Ndipo ŵanji ŵa iwo ŵakachimanya Ichi, pakunji wanu handiredethi peresenti pa wanu handiredi mu charu, iwo

ŵakagomezga Ichi; ŵanyakhe wose ŵa iwo ntha ŵakagomezga. Kweni, Iyo wakaŵako, chimozi.

¹⁹⁶ Kweni apo pakaŵa Chiuta Mwenkhongono kwimiranga pakuwonekera pakweru, Mpando Wachisungusungu! Iyo wakafwa apo ŵana Ŵakhe Yekha ŵakayowoyanga... Ŵana Ŵakhe Yekha kula, ŵakayowoyanga, "Ise tikumukhumba chara Iyo! Tikumukhumba chara Iyo!" Ŵakamuthunyira Iyo.

¹⁹⁷ Chilinganizgo, kale chomene, para David wakafumanga mu tempile, fumu yakukanika. Wakayenda kukhira na msewu, ndipo muchoko, munthu mulara chikhwaŵi wakizanga wakukhwaŵa, ntha wakamutemwa iyo, iyo wakamuthya iyo "mupusikizgi wakale" panji chinyakhe, wakamuthunyira nkhanira ku maso kwakhe. Ndipo mlonda yura wakasorora lupanga, wakati, "Ine ndizomerezge mutu wa ntchewe yira ukhale pa iyo; na kuthunyira pa fumu yane?"

¹⁹⁸ David wakati, "Muleka yekha iyo, Chiuta wakamuphalira iyo nthaura." Ndipo David pakunji ntha wakamanya icho iyo wakayowoya. Wakaruta wakakwera phiri, kulaŵiskanga kunyuma, kuliranga.

¹⁹⁹ Virimika eyiti handiredi kufumira apo, Mwana wa David wakakweranga phiri lenelira, kulaŵiskanga, kuliriranga Yerusalemu, Fumu yakukanika. Ndipo iwo ŵakamuthunyira ku maso Kwakhe.

²⁰⁰ Kasi imwe mukuwona chara? Ndi chinthu chenechira. Wonani Mazgu agho ghakurutirira kwiza, kurondezanga kunyuma muhanyauno? Nyengo zose kukanika na ŵanandi, wonani, na kugomezgeka na ŵachoko.

²⁰¹ Sono, wonani, iwo ntha ŵakagomezga Ichi. Ŵagiriki ŵara, iwo ntha ŵakamanya kumuwona Iyo, Iyo wakaŵa mu tempile Lakhe munthu. "Chifukwa," iwo ŵakati, "zina la muntu uyu ndi Yesu; Iyo wakufuma ku Nazarete."

²⁰² Sono, iwo ŵakaŵa na zina limoza pera kula mu mazuŵa ghara. Ngati, "John, Jim," iwo ŵakuti, "John kufuma ku Jeffersonville, Jim kufuma ku New Albany," panji chinyakhe ngati icho, imwe wonani.

²⁰³ Iyo wakati, "Uyu ndi Yesu wa ku Nazarete. Kukagomezgeka chomene kuti mama Wakhe wakapika nthumbo na msirikali." Mukuwona? Ndipo pamanyuma icho ndi nkhanira ndendende icho iwo ŵakagomezga. Nadi! Ndipo iwo ŵakati, sono, "Ndipo uyu ndi Yesu wa ku Nazarete." Imwe mukuwona? "Kasi Iyo ndinjani?" Wonani, iwo ntha ŵakamanya kuchipulikiska Icho.

²⁰⁴ Kweni, chifukwa, Mazgu agha nyengo yira, para Iyo wakapharazganga, wakati, "Sandani Malemba. Mwa Igho imwe mukughanaghana kuti muli na Umoyo Wamuyirayira, ndipo Igho ghakuyowoya Uyo Ine ndiri. Usange imwe mungandigomezga chara Ine; ruwaniko za Ine, ngati chidiko,

gomezgani Mazgu agho ghakuyowoyeka. Wawiri mbukaboni,” Iyo wakati, “Ine nkhuoyoya ndipo Wadada wakundiowoyera Ine.” Amen. Uwo mbunenesko.

²⁰⁵ Ine nkhuoyoya za Mazgu gha nyengo iyi, ndipo Wadada wakukhozgera Ichi. Sono kasi icho ndi ukaboni kwa imwe? [Gulu likuti, “Amen.—Munozgi.] Ndi ukaboni, wonani. Umo ndimo ichi chikukwaniriskira.

²⁰⁶ Wonani mu Wakorinte Wachiwiri sono, a . . . mu Wakorinte Wachiwiri, chipatulo 3, vesi 6, tempile lakale likabisa Chiuta kuseri kwa vikumba vyakale, ku waYuda. Para chidiko chakale chikati chaparuka, ndipera waYuda . . . wakaburumutizgika ku Icho Iyo wakaŵa, na Icho Iyo wachali. Ndipo pamanyuma Pentekoste wakavumbura Uyo wakaŵa muneneska na Chiuta wamoyo, para chidiko chira chikadumulika paŵiri, na Chiuta, kufuma pachanya. Kasi ntchifukwa uli chidiko chira chikachita ntheura? Kasi ntchifukwa uli ichi chikachita ichi?

²⁰⁷ Kasi ntchifukwa uli kukiza Uthenga wantheura muhanyauno kuti uchite icho Uwu wachita? Ntchifukwa uli Uwu ukiza? Chifukwa?

²⁰⁸ Kukaŵa munyakhe uyo wakati wandichemenge ine, zuŵa linyakhe kuno kale chomene chara, wakakhumbanga kuti wasuskane nane za—za muwiro wa mpingo, kuti, “Chiuta wakaŵa mu mpingo Wakhe utuŵa,” na vinthu ngati ivyo. Ndipo ine nkhasanga kuti wakaŵa mupharazgi munyakhe mwanakazi, ndipo ine mbwenu nkharuwako waka za ichi. Wonani, usange wakaŵenge mwanarumi munyakhe icho chikati chiwenge makora waka, wakaŵenge a-munyakhe. Kweni, ntheura, kweni kasi phindu ndivichi kuruta kukanjira mu charu chinyakhe kula, apo ine nkhuoyenera kuti ndileke unganu kuno kuti nkchite ichi, imwe mukuwona? Ntheura ine nkhuŵaleka waka ŵekha. Wachiburumutira kurongozga wachiburumutira, iwo—iwo wose ŵakuwa mu mbuna.

²⁰⁹ Ntheura, ntheura sono mu muwiro uwu, apo bungwe lakale na chidiko cha mwambo viri kuparuka, kufuma ku Mazgu gha Chiuta, ntheura Ichi ntha chingawonekera! Imwe mukuwona icho ine nkhung’anamura? Mwambo ukuti, “Vinthu vyose ivyo ndi vyakale.” Lekani Ichi chinjire chomeniko. “Vinthu ndi vyakale.” Kweni, mu nyengo iyi yaumaliro, chidiko chira cha mwambo chiri kuparuka pakati, ndipo apa payimirira Laŵi la Moto. Mukuwona? Uyu wali apa, kuwoneskeranga Mazgu gha nyengo iyi. Chidiko chaparuka.

Sono, charu, ndipouli iwo ntha wakugomezga Ichi. Kwali paŵe vichi, iwo ntha wakuchiwona Ichi. Iwo ntha wakuchiwona Ichi. Ichi ntha chikatumba kwa iwo.

²¹⁰ Kumbukirani, Mwana wa Chiuta ntha wakavumbukwa ku Sodom; kukaŵa mathenga ghaŵiri. Uwo mbunenesko.

211 Kweni, ichi, Chiuta Iyoyekha mu thupi la munthu wakavumbukwa kwa Abraham, Wakusoreka. Ndipo wonani icho Iyo wakachita kuti wajivumbure Iyoyekha. Ndipo sono Abraham wakamanya, para Iyo wakati wamanya ivyo vikaŵa mu maghanoghano gha Sarah kunyuma kwa Iyo, iyo wakati, wakamuchema Iyo, “Elohim! Muteŵeti Winu. . .”

212 Wonani sono, ntheura ichi chingamanya kuwonekera. Mazgu ghakaŵa na chidiko pa Ighe virimika vyose ivi, ku ŵanthu, “Ichi chingachitika chara.”

213 Imwe mukukumbukira upharazgi ine nkapharazga mlenji para ine nkhati ndafuma kuno nyengo yakudanga, za Goliyati na David? Ine nkhati, “Muwonani murwani kuwaro uko, wakyowoya kuti ‘mazuŵa gha minthondwe ghali kumara.’”

Wonani matepi agho apo ighe ghakuruta ku kumara, wonani yiriyose yimozayimoza, umo Ichi chikwizira pakuwonekera pakweru na pakweru; usange imwe muli na makutu kuti mupulike, kulaŵiska, maso kuti muwone.

Vichi? Ine nkhati, “Apo payimirira charu chikuru cha ŵaliska kuwaro uko, ŵakyowoya mu muwiro uwu wa sayansi, kuti ichi chingachitika chara.” Kweni ine nkhati, “Chiuta. . .” Mu Kuŵara kula, pambere Ichi chikaŵa chindajamburike, kweni kale; nthā chikaŵa chindajamburike nyengo yira. Kukaŵa kusika pa mronga kula; iwo nthā ŵakajambura chithuzithuzi cha Ichi. Mukuwona? Ine nkhati, “Iyo wakandiphalira ine kuti ichi chizamkuchitika; Iyo wazamkupanga ntchemo ndipo ichi chizamkufalikira mu vyaru.”

214 Ndipo nanga nkha Doctor Davis, wakati, “Iwe, na masambiro gha ku purayimare, wafika waka mu giredi seveni, uzamkuromberanga mafumu na ŵakuruŵakuru, ndipo uzamkuyambiska chisisimuso icho chizamkukura vyaru?”

Ine nkhati, “Icho ndicho Iyo wakayowoya.”

215 Ndipo ichi chiri kuchitika. Mukuwona? Wonani, ichi chiri kuchitika. Icho ndi chinthu cha ichi, chakuti, Iyo nthā wakuhumba kumasulira. Iyo wachita ichi. Wonani, Iyo wachita kale ichi, icho chikujimasulira ichochekha, wonani, kuchemanga Ŵakusoreka Ŵakhe, wonani, kufuma—kufuma ku mitundu yose ya ŵanthu. Sono ichi chawonekera.

216 Ine nkhayowoya kuti David wakayimirira kuwaro kula, muchoko, mwana, munthu wakughanda na msana wakhe wose wakugoŵekera mkati, fyata mu woko lakhe. Ndipo, chifukwa, Sauli wakamulaŵiska iyo, mulara wa gulu la ŵapharazgi, wakati, “Chifukwa, iwe, iwe nthā uli kusambizgika!” Iyo wakati, “Leka ine ndiwone usange ine ningakupa iwe Ph.D. panji chinyakhe.” Wakamuvwarika homwa iyo, ichi. . .Iyo wakasanga kuti ichi nthā chikamuyana munthu wa Chiuta.

217 Wakati, “Wuskaniko chinthu ichi kwa ine.” Wakati, “ine ntha nkhumanya kalikose za icho.” Wakati, “Lekani ine ndirute umo ine nkhumanyira, icho ine nkharwera na nk Haramu, icho ine nkharwera na nk Haramira.” Iyo wakaŵa ngati munthu wa muthengere. Iyo wakati, “Lekani ine ndirute mu nthowa iyi.”

218 Ndipo Goliyati wakale uyu wakati, “Kasi imwe mukutuma ntcheŵe uko kuti yizakarwe na ine?” Wakati, “Ine ndikupikulirenge iwe ku umaliro wa mkondo wane na kupayika thupi lako pachanya apo na kuti viyuni virye ili petu.”

219 David wakati, “Iwe ukukumana na ine ngati Mufilisiti, ndipo na homwa na mkondo, ndipo ine nikumanenge na iwe mu Zina la Yehova Chiuta wa Israyeli.” Muwonani muprofeti, David, wakati, “Muhanyauno ine nkhumumura mutu wako kufumyapo pa mapewa ghako.” Amen! O, mwe! Iyo wakamanya icho iyo wakaŵa nacho, uyo iyo wakagomezga, ndipo wakaŵa wakukakamizgika mwakukwanira kuti Iyo wakaŵa wamagomezgeko kusungirira chira cheneicho iyo wakapereka kwa Iyo. Mukuwona? Ntheura ichi chikachitika munthowa yiriyoŵe.

220 Kayowoyero kakale, “Mazuŵa gha minthondwe ghali kumara,” vipupa vyabwangandulikira pasi! Yehova wachali kwimirira pakuwonekera pakweru, kuwoneskeranga Mazgu Ghakhe, Yumoza wakuvumbukwa. Uwo mbunenesko. Wonani.

221 Mpingo wa ŵa Mitundu nawoso uli kuburumutizgika ku chidiko, pamanyuma pakuti ichi chikati chabenurika ndipo chikawoneska Chiuta, chidiko cha upharazgi. Uli? Pakuchita kuŵikaso Mazgu mwa munthu. Icho ndicho nkhanira ndendende Israyeli wakatondeka kuwona. Usange wakaŵenge Mungelo munyakhe panji chinthu chinyakhe, Israyeli nthena wakagomezga Ichi. Kweni pakuŵa kuti ichi nthwa wakaŵa Mungelo, ichi wakayenera kuŵa munthu. Amen!

Chiuta wangatimbanizga chara Mazgu Ghakhe. Mu mazuŵa ghaumaliro icho chikwenera kuŵa chinthu chenechira kuwerezgekaso. Mukuwona? Kasi ntchichi chikaburumutizga Israyeli? Munthu yura. “Iwe ndiwe Munthu kujipanganga Wamwene Chiuta.” Ndicho iwo ŵakamukomera Iyo, ndipo, muhanyauno, pakuti Uthenga ukizira mwa munthu ndipo nthwa Wangelu. Mukuwona? Chiuta wangasintha chara nthowa Yakhe, kusintha Mazgu Ghakhe. Iyo wakati Iyo wakasinthwa chara. Mukuwona? Wonani, wakalayizga! Ndipo ŵa Mitundu mbakuburumutizgika nkhanira muhanyauno ngati ndiumo Israyeli wakaŵira, chifukwa (chavichi?) chidiko. Chiuta kubisika mu thupi la munthu, chikaburumutizga Israyeli.

Wonani, chiri kuburumutizgapo kale yumoza. Yumoza, Ichi chimuburumutizgenge; munyakhe, Ichi chimuvumbulirenge Unenesko. Ichi chijarenge maso gha ŵanji, na kujura maso gha ŵanyakhe.

222 Wonani, Yesu wakayimirira ndipo wakati, “Inya, zina lako ndi—ndi—ndi Simon, ndipo zina la adada wako ndi Jonas.”

Iyo wakati, “Fumu Chiuta!” Mukuwona? Filipu . . .

Iyo wakati, “Kasi Imwe mukamanya pauli?”

Iyo wakati, “Wonani mu Israyeli, mwa mweneuyo mulije upusikizgi!”

Ndipo iyo wakati, “Musambizgi, kasi Imwe mukandimanya pauli ine?”

223 Iyo wakati, “Pambere Filipu wakaŵa wandakucheme iwe, para iwe ukaŵa kusi kwa khuni, Ine nkhuwona iwe.”

224 Iyo wakati, “Musambizgi, Imwe ndimwe Mwana wa Chiuta. Imwe ndimwe Fumu ya Israyeli.”

225 Inya, apo pakayimirira ŵara apo, ŵakati, “Iyo ndi Berezebure.” Mukuwona? Kasi Ichi chikachita vichi? Chikajura maso gha yumoza, chikaburumutizga munyakhe. Kasi musofi wakayowoya vichi? “Chifukwa? Munthu yura ndi Berezebure!”

226 Mwanakazi muchoko wakati, “ine nkhumanya Mesiya wizenge, uyo wakuchemeka Yumoza Wakuzozgeka. Wonani, Yumoza Wakuzozgeka wizenge. Ise nthā tiri kuŵapo nawo ŵaprofeti . . . Imwe mukwenera kuti ndimwe Muprofeti. Kweni Yumoza wakuzozgeka wizenge. Ise tikupenja Iyo. Agha ndi mazuŵa ghaumaliro gha ŵa Mitundu . . . panji ŵa Yuda.” Wakati, “Iyi ndi nyengo yaumaliro.” Wonani, wose ŵa Samariya na ŵa Yuda ŵakapenjanga Mesiya. Mukuwona? Wakati, “Iyi ndi nyengo yakuti Iyo wawonekere. Ise tikumanya, para Iyo wafika, Iyo wazamkuchita vinthu ivi. Iyo wazamkutiphallira ise vinthu ivi.”

Yesu wakati, “Ine ndine Iyo.”

Maso ghakhe ghakajurika; polisi, ŵasofi ŵakaburumutizgika.

227 Icho ndicho Ivangeli likuchita nyengo zose. Ili likujura maso gha ŵanji, likuvumbulira Unenesko ku ŵanji, apo Ili likuburumutizga ŵanji; liri na ving’anamuro viŵiri. Ŵanji ŵangamanya kumutora Mwana yura na kulaŵiska kurunjika mu Ichi, na kukhala ŵachiburumutira; ŵanji ŵangamanya kutora Ichi na kuyenda na Ichi. Ichi chikulekana.

228 Umo ichi chikachitikira mu muwiro uliwose, Chiuta kubisika mu thupi la munthu. Wonani, Iyo wakachita. Ŵaprofeti wakaŵa Chiuta, ŵakubisika. Iwo ŵakaŵa Mazgu gha Chiuta (ndi unenesko uwo?) kubisika mu thupi la munthu. Ntheura, iwo nthā ŵakamumanya Moses withu ng’o, wonani, Yesu.

229 Wonani wakabisika kuseri kwa vikumba vyakale vya chiwuli mu tempile lakale, wakaŵa Mazgu, wakaŵa Mazgu ghakawonekera pa vipapati vya libwe.

²³⁰ Sono, ine ndiyezgenge kuti ndimalizge mu maminiti pafupifupi twente sono, usange ine ningafiska, kumalizga pa hafu pasiti eleveni. Wonani, usange imwe mukuwona, ine ndajumpha mapeji ghanyakhe apa, imwe wonani, kuti ndileke kutora. . . nthaura ine ndileke kudumurizga. . . kupanga ichi kutalika chomene. Ine nkhumanya imwe mwaphya, mwavuka.

²³¹ Kuseri kwa tempile lakale, mu chidiko, kasi kukaŵa vichi kuseri kula? Kasi Yehova wakaŵa njani? Kasi ntchichi chikabisika kuseri kula? Kasi chidiko chikabisanga vichi? O, haleluya! Kasi chidiko chikabisanga vichi? Ichi chikabisanga Mazgu. Chidiko, vikumba vyakale vya chiwuli, vikabisika, vikabisanga Mazgu ku maso ghawo, kuthupi. Kuseri kula, nakoso, kukaŵa chingwa cha m'kachisi. Kuseri kula, nakoso, kukaŵa Uŵapo wa Uchindami. Kweni chose Ichi chikabisika kwa iwo. Chose ichi chikabisika. Uchindami wose wa Chiuta ukaŵa nkhanira kuseri kwa chikumba cha chiwuli, uwo mbunenesko, chose kubisika ku jiso lakuthupi.

²³² Ichi chiriko muhanyauno, nakoso. Ichi chikuchemeka “gulu la ŵatuŵa ŵakuzenthuka, ŵakugomezga mwakunyanyira,” kweni iwo ŵakumanya chara icho chiri kubisika kuseri kula. Ndicho iwo nthā ŵakumanya. Mukuwona?

²³³ Nthaura para Chiuta, mu lusungu, wakati waparura chidiko kuti iwo ŵawone, iwo ŵakabundirizgika chomene mu miyambo yawo iwo. . . ichi chikaŵa chakubisika ndithu kwa iwo, nanga nkhuŵika ku zuŵa ili.

²³⁴ Chenechira sono! Uchindami, Nkhongono ya Mzimu Mutuŵa, Uŵapo wa Uchindami uwo ukwiza pa wakugomezga, sono ine nkhung'anamura wakugomezga mweneko, uyo wakupangiska milimo ya Chiuta na chipulikano kuti vinjire mwa iyo, kuti wagomezge Mazgu gha Chiuta, chose ichi ntchakubisika ku maso kwawo. Iwo ŵakuti, “Vinthu ivyo viri kujumpha.” Imwe wonani, iwo ŵachali kukhala kuseri kwa chidiko.

Imwe nthā muli kuseri kwa chidiko chira, Ŵana ŵachokoŵachoko, Chiuta wafika pa kuwonekera pakweru kwa imwe.

²³⁵ Zuŵa linyakhe, M'bale Fred Sothmann, M'bale Tom Simpson. . . Ine nkhumanya chara kwali iyo wakizako kuno panji chara. Ŵanandi ŵa ise tikaŵa kumtunda ku mpingo wa Baptist, ndipo mupharazgi wakayowoya chinthu chinyakhe icho chikawoneka chiweme chomene. Ise tose tikati, “Amen!” Waliyose mu tchalitchi wakayinuska singo lakhe ndipo wakalaŵiska kunyuma. Mukuwona? Mukuwona? Ise tikasanga chingwa icho chikiza kufuma kuseri ku Uŵapo wa Chiuta kula, imwe mukumanya, ndipo ise tikaŵa ŵakukondwa kuti tikachisanga ichi. Ise tikayowoya, mu kayowoyero kanyakhe, “Tikumuwongani Imwe, Fumu!” Mukuwona? Ndipo,

para iwo wakatani wachita, wanthu awa wakaburumutizgika chomene iwo wakaseka waka ichi. Iwo ntha wakamanya kasi ichi chikang'anamura vichi. Mukuwona? Iwo wachali wakubenekerereka. Ntheura, waliko wanjani mkati wanjani kuwaro. Ndipo ntheura... Kweni Chiuta wali pakuwonekera pakweru kwa ise, wakabisika. Chenechira sono!

²³⁶ Ntheura para Chiuta, mu lusungu Lwakhe, wakati waparura chidiko, Iyo wakiza pakuwonekera pakweru. Kweni, iwo wakaŵa wakubundirizgika chomene mu myambo yawo, Iyo wakaŵa wakubisika ndithu kwa iwo.

Chenechira sono! Uchindami wose ula, ukabisika, ndi wakubisikira ise mwa Khristu, Mazgu, Uyo ndi Tempile lithu.

²³⁷ O, sono, ine nkhuenera kuti ndinjire pasi nkhanira mu ichi pachoko waka. Mundigowokere ine pa vichitochito vyane mlenji uwo, kweni, o, ine ndiri—nkhakumba kuti ndichipereke kale chomene ichi, ine... ichi chikurundikana waka mwa ine. Mukuwona?

²³⁸ Wonani, Uchindami wose uwo uli mwa Chiuta uli mu Mazgu. Vitumbiko vyose ivyo viri mwa Chiuta viri mu Mazgu. Ichi ndi chakubisika, ku wambura kugomezga, na miyambo. Mukuwona icho ine nkhang'anamura? Kweni chose Ichi chiri mwa Khristu. Chose icho Chiuta wakaŵa, Iyo *wakajikhutura* Iyoyekha, "kenos," ndipo wakiza mwa Khristu; ndipo ise, mwa Khristu, tiri kuseri kwa chidiko.

²³⁹ "Inya, ine ndiri mwa Khristu," imwe mukuyowoya. Ndipo pamanyuma mukugomezga kuli Wachiuta watatu? Mukubapatiza mu zina la "Dada, Mwana, na Mzimu Mutuŵa"? Mukugomezga mu miyambo yose iyi na vinthu ivyo imwe mukugomezga, vya walaraŵalara? Chara, imwe muchali kuseri kwa chidiko. Mukuwona? Njirani mu chidiko. Iyo, Khristu, ndi Mazgu.

²⁴⁰ "Uli? Ine ntha nkhuomezga mu machirisko Ghauzimu. Ine ntha nkhuomezga mu minthondwe iyi na vinthu ngati Icho."

²⁴¹ Inya, imwe wonani, imwe muli—imwe ntha muli mkati, mkati mu chidiko. Imwe ntha mukamanya kalikose za Ichi. Mukuwona? Khristu ndi Mazgu! Ndipo para ise tiri mu Mazgu, ise tiri mwa Khristu. Ndipo kasi ine ningaŵa uli mwa Khristu, kumukananga Khristu? Wakaŵa Iyo uyo wakati, "Ntha lizgu limoza lizamkusazgikako panji kufumiskikako." Kasi imwe mungafumyako uli na kusazgako, ntheura? Wonani, ichi chikurongora chidiko icho chamutchingani imwe. Mukuwona?

²⁴² Ise mwa Iyo! Ntheura ise, pakuŵa mwa Iyo, ise tichali wakubenekerereka ku usopisopi na ku wakusambira ŵa charu. Wonani, Uchindami withu uwo ise tiri nawo ndipo tikunjoya, ise tichali ndithu wakubenekerereka ku ŵara wakuwaro. Iwo wakughanaghana kuti ise ndise "wakuzenthuka, vindere," kuwerezgapo. Mukuwona? Mukuwona? Uwo mbunenesko.

Kweni ise taŵene ise tiri muno, mwa Khristu, kubapatizikira mwa Iyo, (Ŵakorinte Ŵakudanga 12), mwa Iyo, ise ndise ŵahaliri ŵa Uchindami uwu. Mukuwona? Kweni nthā kuwaro; imwe muchali kulaŵiskanga mkati, kuchikananga Ichi. Mukuwona?

²⁴³ Ntheura sono ise tikuchemekera mwa Iyo, kuti tiŵe ŵahaliri ŵa chose icho Iyo wali. Ise tikuchemekera mwa Iyo, cheneicho ntchakubisika ku ŵambura kugomezga, na chidiko cha thupi la munthu. Mukuwona? Iwo ŵakumanya kuti Uchindami, iwo ŵakuŵazga za Uwu, Uwu uli mu Mazgu umu, “Uchindami wa Chiuta” na vinthu ngati ivyo, ndi mazgu waka kwa iwo. Kwa ise, ndi kuwonekera! Mukuwona? Ntha ndi mazgu; ndi chenicheni! Amen!

²⁴⁴ Chiuta wakati, “Kuŵeko kungweruka,” ghara ghakaŵa mazgu. Kweni sono kuliko kungweruka. Ntha ndi mazgu; ndi kungweruka. Mukuwona icho ine nkhang’anamura?

²⁴⁵ Sono ichi nthā ndi Mazgu waka ghakulembeka kwa ise, ndi chenicheni. Ise tiri mwa Iyo. Sono ise tikunjoya. Sono ise tikumuwona Iyo. Sono ise tikumuwona Iyo, Mazgu, kujiwoneskeranga Iyoyekha. Ichi ntchakubisika, kuwaro uko, chifukwa (chavichi?) Ichi ntchakubisika mu thupi la munthu. Mukuwona?

²⁴⁶ O, iwo ŵakuti, “Gulu lira la ŵanthu, kasi iwo ŵakaruta ku sukulu nkhu? Kasi—kasi iwo ŵali na masambiro uli? Nkhu, kasi—kasi iwo ŵakafumira nkhu? Kasi—kasi—kasi iwo ŵali ku gulu uli?” Mukuwona? Nhu! Wonani, iwo nthā ŵakuchipulikiska Ichi.

²⁴⁷ Mwanarumi wakayowoya kwa mwanarumi munyakhe, zuŵa linyakhe, wakati, “Iwe ukwenera kuŵa na mpingo kuti uŵe Mukhristu.”

²⁴⁸ Iyo wakati, “Ine ndine Mukhristu; ine nthā ndiri mu uliwose wa iyo.” U-nhu. Wakati, “Chiuta wakafumyamo kansa iyi mwa ine,” wakati, “sono kasi iwe ukughanaghana vichi za icho?” Wakaŵa dokotala. Iyo wakati, “Ndirongore ine mipingo iyo yikuchita ichi.” Mukuwona? Viri makora. Mukuwona? Ichi chichali chakubisika.

²⁴⁹ Ise tiri mkati mwa Khristu. Sono, nga ndi kale, ŵakugomezga wose ŵaneneska ŵakumuwona Iyo, Mazgu gha phangano gha zuŵa ili, kuwonekera pakweru. Ilo ndi lizgu likuru usange imwe mungachipulika ichi. Mukuwona? Mukuwona? Ŵakugomezga wose ŵaneneska, awo ŵali mu Mazgu, ŵakumuwona Chiuta pakweru. Chidiko chiri kuparuka, ndipo Chiuta wayimirira pakweru panthazi pinu, wakuwonekera. Mukuwona? Chiuta, wakawonekera, pakweru.

²⁵⁰ Kutu tichite ichi, chidiko chithu chakale cha bungwe la mwambo chikwenera kuti chiparukesu. Kutu tiwone nkhanira kasi Ichi ntchichi, imwe mukwenera kuti mufumepo pakati pa vinthu ivyo. Mukuwona? Imwe nthā muzamkuchita ichi;

iwo warutirirenge kuguziranga chidiko chira pa imwe, nyengo yiriyose, “O, kulije kalikose ku Icho.” Kweni Ichi chiri kulembeka apa, ndipo apa Ichi chikuwonekera, imwe wonani. Mukuwona?

²⁵¹ Sono, uli usange munthu wakukana kuti wawone zuwa, wakuti, “O, kula, ine nkhumanya Chiuta wakati, ‘Kuweko kungweruka,’ kweni kulije chinthu chantheura. Ine nk huruta pasi nkhanira. Ine—ine nk hukunirathu waka kuchiwona ichi?” Munthu ngwakuzenthuka. Chilipo chinyakhe chakwanangika na iyo.

²⁵² Chilipo chinyakhe chakwanangika na mwanarumi panji mwanakazi, wakumanya kuliwona phangano la Chiuta ndipo, wakuchiwona Ichi chikuwonekera, ndipo pamanyuma wakukana kugomezga Ichi chifukwa bungwe likuguzira chidiko pasi. Wonani, wakubenerereka!

²⁵³ Kutu tichite ichi, vidiko vithu vya mwambo wa mabungwe vikwenera kuti vibwangandulike, na Mzimu wa Chiuta wa Moto na Lupanga, cheneicho ndi Mazgu gha Chiuta. Nyengo zose Mazgu Ghakhe ndi Lupanga Lwakhe. Mukuwona? Ndipo Iyo wakatora Lupanga Lwakhe zuwa lira, lakuzura na Moto, ndipo wakaparura chidiko chira kufuma pachanya kufika pasi. Iyo wakuchita chinthu chenechira na Lupanga lwenelura muhanyauno! Ntha “chigomezgo chane, buku lane la vigomezgo, wane—katekisima wane.” Kweni Lupanga Iwa Fumu, wonani, likuparura chidiko, ndipo imwe mukumuwona Chiuta wayimirira pakweru pakuwonekera, kuwonekera mu Mazgu Ghakhe. Mawonekero ghaweme gha uchindami uli kughalawiska! Mukuwona? Viri makora. Mzimu Mutuwa wa Chiuta na Moto, Lupanga Lwakhe, lukuparura ichi. Mazgu ghakuparura chidiko cha bungwe.

²⁵⁴ Inya, usange imwe mukayowoya waka, “Mazgu,” ndipo Mazgu ntha ghakugwira ntchito? Kasi phindu liwenge lakuti uli kuti Lupanga liwe pano, na kuti, “Ili lingaparura chara?” Mukuti, “U,” ndipo ichi chingaparuka chara?

²⁵⁵ Kweni para imwe mukuwikapo Lupanga lira la Chiuta pachanya apo na kuliwona ili likuparura, ili li—ili liri mu woko lakwimikika latumika kuzakachita ntheura. Wonani, likuparura ichi pwankhu, ndipo Iyo wali apo. Apo ichi chikurongora Chiuta pakuwonekera pakweru, Yehova mukuru. Agho ndi Mazgu Ghakhe ghakuwonekera, chigawa icho chiri kulayizgikira nyengo iyi. Kasi imwe mukuchipulika Ichi? Mukuwona? Para Lupanga, phangano la muhanyauno, mu nyengo iyi, kasi ili likwenera kuwa vichi, ndipo Chiuta wakutora Lupanga Lwakhe na kuparura chidiko cha bungwe lisopisopi na kuwuskapo ichi, na kujiwoneskera Iyoyekha na kurongora kuti Iyo wali apo, Lawi lenelira la Moto. Wonani, agho ndi Mazgu ghakuwonekera gha malayizgano gha muhanyauno.

256 Ise tikuchiwona Ichi nga ndiumo Petros wakachitira para iyo wakati, “Fumu, kasi nkhwa njani uko ise tirutenge, tati tawona Ichi?” Kasi ise tiyenge nkhu? Kasi ise tijoyinenge mpingo uli, apo ise tiri kubabikira mu Umoza? Mukuwona? Kasi imwe munga. . . Kasi ndi bungwe uli lisopisopi ilo imwe mungamanya kujoyina mwati mwaghamanya Maunenesko agha, wonani, apo iwo (waliyose yumozayumoza) wakukana Ichi? Waliyose yumozayumoza wa iwo! Ine nindamusange yumoza uyo wayowoyenge panji kuchitira chinthu Ichi. Inya. Uwo mbunenesko.

257 Ine nkhamyamuka pa maulendo agha kusika kukhirira kuno, uko mipingo fote ku malo ghamoza yikandilipirira; para ine nkhati ndafika kula, ine nkhaŵavye waliyose. Waliyose yumozayumoza wa iwo wakati, “Iyo wakugomezga mu chivikiriro Chamuyaya.” Icho chikufumya wakusunga dango kuwaro. Yumoza wakati, “Iyo wakubapatiza mu Zina la Yesu.” Icho chikupangiska ŵanyakhe wose ŵa iwo kufuma kuwaro, wonani. Yumoza wa iwo wakati, “Iyo wakugomezga mu mbewu ya serpente. Serpente walije mbewu!” Icho chikupangiska. . .

258 Baibolo likati, “Ine ndiŵikenge urwani pakatikati pa mbewu Yakhe na mbewu ya serpente.” Mukuwona? Mukuchiwona uko?

259 Ichi, a—chidiko, chiri kubenurikapo pa Mazgu. Mukuwona? Uwo mbunenesko. Ichi chikuvumbukwa ku ŵana. Ichi chiri—ichi chiri kubenurika. Iwo ŵakuchiwona Ichi. Ndipo kuzamkuŵa, umo kukayowoyekera kale. . . Uwo mbunenesko. Ntheura ichi chizamkuŵako, umo kukayowoyekera kale, “Para imwe mukuwona,” para chidiko ichi chafumusikikapo pa Mazgu, miyambo yafumiskikapo pa Mazgu, umo Yesu wakayowoyera kale, “para imwe mwawona Ine, imwe mwawona Wadada.” Mukuwona? Chiuta na Mazgu Ghakhe njumoza. Sono imwe mukupulikiska? Para Mazgu ghawonekera, kasi ntchichi Ichi? Mukuwona?

260 Yesu wakati, “Sandani Malemba, imwe mukughanaghana kuti imwe muli na Wa-. . . Imwe muli kugomezga mwa Chiuta, gomezganiso mwa Ine. Usange ine nthā nkchuchita milimo ya Wadada Wane, ipo kundigomezga chara Ine. Kweni usange Ine nkchuchita milimo, Ine na Wadada Wane tiri yumoza. Para imwe mwawona Ine, imwe mwawona Wadada.”

261 Ndipo para imwe mukuwona Mazgu ghakuwonekera, imwe mukuwona Wadada, Chiuta, chifukwa Mazgu ndi Wadada. Mazgu ndi Chiuta. Ndipo Mazgu, ghakuwonekera, ndi Chiuta Iyoyekha kutoranga Mazgu Ghakhe Yekha na kuwoneskeranga Ichi pakati pa ŵakugomezga. Kulije chinyakhe chingaghapanga Igho kukhala ghamoyo kweni ŵakugomezga, ŵakugomezga pera. Ichi nthā ndi. . . Ichi nthā. . .

262 Imwe mungamanya kutora tirigu na kumupanda uyu mu a—mtundu unyakhe wa dongu, uyu nthā wakurenge. Kweni, vichi,

mukwenera kuwa fetereza munyakhe mu dongo kuti wakuzge tirigu. Ndipo usange mulije—usange muli . . . usange fetereza mu dongo ntha—nthu, tirigu nthu wakumera kukumana na fetereza yura, uyu wakurenge chara. Ntheura palije kanthu uko Mazgu ghawa, usange Ighe nthu ghakuwa mu mtima wakwenerera . . .

²⁶³ Yesu wakayowoya ntheura. “Zinyakhe zikawa mumphepete mwa nthu, pa dongo linonono, ndipo viyuni vyamudera vikiza ndipo vikarya iyi.” Ndipo pamanuma Iyo wakati, “Zinyakhe zikawa mu minga na mikwakwazu, izo zikakura ndipo zikafyorongara mwaluwiro,” miyambo, mabungwe ghasopisopi, vyakukhumba vya charu vikayifyorongariska iyi. Kweni wakati, “Zinyakhe zikawa mu dongo liweme ndipo zikapambika vinandi,” wakati, “uwo ndi Ufumu wa Chiuta.”

Ndi chinthu chenechira, wonani, wanjini nthu wagomezenge ng’o.

²⁶⁴ Wanjini wagomezenge pa kanyengo kachoko, ngati ndi wasambiri. Iwo wakamurondezga Iyo, wanandi wa iwo, sevente wakamurondezga Iyo pa virimika, kuti wamanyisiske; pafupifupi chirimika na hafu, panji viwiri; kuti wamanyisiske waka, kufikira iwo wakasangamo chinyakhe mwa Iyo, wanjini . . . ngati muntho wanyakhe Iyo waka na mazaza kuchita vinthu ivi, panji ngati chikandiro cha kalulu, ngati wamayere ntheura, icho Iyo wakachitanga kuti wapange vinthu ivi, umu Iyo wakamanyiranga ivyo vika na mu mtima wa wanthu na ivyo iwo wakaghanaghananga. Ndipo paumaliro iwo wakamanya kuti Iyo wakayowoya kuti Iyo “wakiza kufuma Kuchanya,” Iyo “waka na Mazgu Iyoyekha.” Ndipo para iwo wakati wachita chira, chira chikawakulira chomene iwo. Iwo wakati, “Kulije munthu wangapulikiska Ichi.” Ndipo iwo wakamuleka Iyo. Izo ndi zenezo zikawa mu minga.

²⁶⁵ Ichi chikutiwezgera ku chinthu chenechira, mu mpingo uliwo, imwe muli na wakujipangiska kugomezga, wambura kugomezga, na wakugomezga. Ichi chiri kuwako mu mpingo uliwo. Imwe mukuwasanga iwo nyengo zose. Wanjini wa iwo wakukhala ngati iwo mbakugomezga, uwo ndi mtundu uheni chomene. Ndipo ntheura iwo wali na iwo weneawo mbambura kugomezga nadi; iyo wamutangwaniskeninge chara imwe, iyo wafumengepo waka na kupukunya mutu wakhe. Kweni iwo weneawo wakujipangiska kugomezga, wakuti iwo mbakugomezga, uwo ndi mtundu, uwo ndi mtundu uwo imwe mukwenera kuchenjera nawo, ndi wana wakujipangiska kugomezga. Ndipo ntheura walipo wanjini wakugomezga nadi. Mwaawona watatu awo uko?

²⁶⁶ Kula kuka na wambura kugomezga. Para Iyo wakati wayowoya waka, “Iryani Thupi la Mwama wa munthu,” o, munthu, kanthu ako!

267 W̄anji w̄akaŵa w̄akujipangiska kugomezga. Iwo w̄akakhalirira, nga ndiumo Yudas wakachitira, nkhanira mpaka ku umaliro.

268 Kweni ntheura w̄akugomezga w̄eneko, iwo nthā w̄akamanya kuchirongosora Ichi, kweni iwo w̄akagomezga Ichi, munthowa yiriyose. Iwo w̄akarutirira makora.

269 Chidiko, mwambo wa w̄ambura kugomezga, chafumiskikapo, imwe mukumuwona Chiuta. Para chidiko cha mwambo chafumiskikapo, imwe mungamanya kuwona kuti Chiuta ndi Chiuta ndithu wa Mazgu Ghakhe. Iyo wakusungirira ndithu Mazgu Ghakhe. Iyo ndi—Iyo ndi Chiuta, Chata wa Mazgu Ghakhe.

Icho ntchakubisika kuseri kwa vidiko vya vikumba, ku w̄anji. Inya, uwo ndi unenesko. Kwa iwo w̄eneawo nthā w̄angamanya kuruta kuseri kwa chidiko, Iyo wachali ndithu kuseri kwa vidiko vya vikumba.

270 Wonani. Ntheura, ise, ntheura ise tikuzgoka gawo la Iyo, apo imwe ndimwe chidiko icho chikumubisa Iyo. Imwe ndimwe gawo la Iyo, malinga Khristu wali mwa imwe, umo Khristu wakaŵira wa Chiuta. Chifukwa Chiuta wakaŵa mwa Iyo, wakamupanga Iyo Chiuta. Ndipo umo Khristu waliri mwa imwe, chigomezgo cha uchindami, imwe mukuzgoka gawo la Khristu. “Iyo mweneuyo wakugomezga pa Ine, milimo iyo Ine nkchuchita wati wachitenge nayoso.” Mukuwona? Imwe mukuzgoka gawo la Khristu malinga Khristu wakubisama mwa imwe. Ntheura ichi ntchakubisika ku wambura kugomezga, kweni imwe mukumanya Iyo wali mwa imwe. Imwe ndimwe tempile mukusunga Khristu uyo wali kuseri kwa chidiko, chikumba. Ntheura ise, chifu- . . . Kuseri, chifukwa cha chidiko ichi, chidiko mu thupi la munthu kuwerezgeka, chikubisa Chiuta (Mazgu) ku wambura kugomezga.

271 Umo kuli kulembekera, wonani, “Kulembeka, imwe ndimwe w̄akalata w̄akulembeka,” Baibolo likayowoya. Sono, *kalata* ndi vichi? Ndi “mazgu ghakulembeka.” Ndipo imwe ndimwe “w̄akulembeka.” Mayowoyero ghanyakhe, imwe mungamanya kuŵazga Ichi ngati ntheura, “Imwe,” Ili likati, “imwe ndimwe makalata ghakulembeka,” panji, “imwe ndimwe Mazgu, agho ghali kulembeka, ghakuwonekera,” kulije kalikose kangamanya kusazgikako ku Ichi. Imwe nthā mungayowoya, “Ine ndine kalata wakulembeka,” na kukhalanga umoyo wa mtundu unyakhe wa chinthu chinyakhe kweni icho *Ili* liri kulemba kale, [M’bale Branham wakupamantha Baibolo lakhe—Munozgi.] chifukwa kulije kalikose kangamanya kusazgikako panji kufumiskikako.

272 Umo Doctor Lee Vayle wakulembera buku ili la lumbiri, ine nkchukhumba kuti muzakaliwone ili para pajumpha kanyengo. M’bale Vayle wali muno, wakhala pasi pa malo ghanyakhe.

Ine nangumuwona iyo kuwaro. Ine nkhekayika usange iyo wanjira. Kweni iyo wakulemba buku kula, ndipo—ndipo ndiweme chomene, la Muwiro wa Laodikeya. Ndipo ine nkhekumba imwe... Ili liwenge kuti wamalizga kudinda nkhanira mwasonosono. Ntheura, ise tikuliwazga kaumaliro ili sono. Ndipo wakalembanga, ndipo ise tikadumbirananga Ichi mkati kula, wonani, za . . .

²⁷³ Waliyose yumozayumoza nyengo zose wakiza kwa ine, wakati, “M’bale Branham, vidududu seveni vira ivyo lizgu likadudumira, ndipo Iyo wakati, ‘Kulemba yayi Ichi, wona, kweni jara Ichi,’” wakati, “ivyo vizamkuwa vidududu seveni ivyo vizamkuvumbukwa mu mazuwa ghaumaliro, wonani, vidududu seveni ivyo vizamkutiphallira ise?” Sono, kasi icho chikupulikikwa makora chomene chara? Mukuwona? Kweni wonani ivyo imwe mukuyowoya para imwe mukuyowoya icho.

Iyo wakati, “Woneseska kuti iwe nthu ukulemba Ichi.” Mukuwona? Vidududu seveni ivi vikadudumira mazgu ghawo, wonani, ndipo Iyo wakati, “Kulemba yayi icho, wona, kweni Ichi chikwenenera kuti chididimizgike mu Buku mpaka mazuwa ghaumaliro.”

²⁷⁴ Sono munyakhe wakhala waku, wanandi wakhala wakuyowoya kwa ine, ndipo wakusambira vyauchiuta wakati, “M’bale Branham, usange Fumu Chiuta . . .” Wakati, “Usange—usange . . . Na kumanya kwako, uko Chiuta wali kukupa iwe pa wanthu Wakhe,” mwakujikhizga nkhuwoyoya ichi, wakati, “iwe mbwenu ulembenge a—Baibolo iwewekha, Mazgu ghako, usange Chiuta wawonekera.”

²⁷⁵ Ine nkhati, “Uwo panji unga wa unenesko.” Wonani, iyo wakayezganga kuti wandipulike ine. Mukuwona? Ndipo ine nkhati, “Kweni, imwe wonani, ine ningachita chara icho.”

Iyo wakati, “Kasi iwe ungatonderachi? Iwe uli navyo vyose vyakukuyenerezga.”

²⁷⁶ Ine nkhati, “Kweni, imwe wonani, lizgu limoza nthu lingasazgikako panji kufumiskikako.” Mukuwona?

²⁷⁷ Ndipo iyo wakati, “Inya, ipo, vidududu seveni vira, iwe wona,” wakati, “kasi kududumiranga kwa vidududu seveni kula, kasi ula nthu ukati uenge Uvumbuzi kuperekeka kwa munthu munyakhe?”

²⁷⁸ Ine nkhati, “Chara, bwana, uku kuwenge kusazgako chinyakhe ku Ili panji kufumiyako Chinyakhe ku Ili.”

²⁷⁹ Chose ichi chiri kuvumbukwa Mwenemula, ndipo Vididimizgo Seveni vikajura uvumbuzi wa Icho chira chikawa. Ichi ndicho chikawako. Wonani, ichi chichali ndithu mu Mazgu. Imwe wonani, imwe mungafumako chara ku Mazgu ghara. Ichi chingaghaleka chara Mazgu. Ndipo Mzimu wa Chiuta uzamkughaleka chara Mazgu ghara. Ichi chikhalege nkhanira

na Mazgu; kuburumutizganga wânji, na kujura maso gha wânji. Ichi nyengo zose chichitenge icho.

²⁸⁰ “Imwe ndimwe makalata ghakulembeka, ghakuwazgika na wânthu wose.” Panji, imwe ndimwe. . . Ine nkhumasulira Icho, kuching’anamulira ichi kudera uku, wonani, ching’anamurani waka Ichi muchizwetiske, “Imwe ndimwe makalata agho ghali kulembeka,” chifukwa imwe nthā mungasazgako ku Ichi, “agho ghakuwazgika na wânthu wose; Mazgu ghakuwonekera gha Chiuta,” mu kayowoyero kanyakhe.

Ndipo Petros na Yohane, kuti wawoneske ichi, para iwo wâkati wâruta kumtunda kula, iwo wâkawona kuti iwo wâkaŵa wâjira na wambura kusambira, iwo wâkaŵavye masambiro, kweni iwo wâkawona kuti iwo wâkaŵa na Yesu. Mukuwona? Iwo wâkaŵa wâjira na wambura kusambira, kweni iwo wâkaŵa makalata ghakulembeka, wonani, wakuwazgika kuti iwo wâkaŵapo na Yesu. Chifukwa, Yesu wakajiwoneskanga Iyoyekha mwa iwo, Khristu kubisika mu mathupi ghawo; kuwonekera, kuzgoka wamoyo.

²⁸¹ Nga ndiumo Iyo wakaŵira mwa Moses. Para Mazgu ghakaŵa mwa Moses, iyo wakaŵa Chiuta mu thupi. Para Igho ghakaŵa mwa Yesu, Igho wakaŵa Chiuta mu thupi. Mukuwona? Chinthu chekha pera Iyo wakachita kukaŵa kusintha chakuvwara Chakhe, nthā Mazgu Ghakhe, nthā kaŵiro Kakhe. Iyo ndi mweneyura mayiro, muhanyauno, na muyirayira. Iyo wakasintha waka kawonekero Kakhe. Iyo wakasintha kufuma Nowa kuŵa Moses; Iyo wakasintha kufuma Moses kuŵa David, Joseph; kurutirira nthēura mpaka Iyo wakafika mu uzari wose wa Uchiuta mu thupi. Mukuwona?

²⁸² Ndi Chiuta mweneyura pera! Amen. Amen. Ine nkhuomezga icho chikupulikikwa. Mukuwona? Ndi Chiuta mweneyura, kweni Iyo wakuvwara waka chidiko chinyakhe. Wonani, Iyo wakuvwara chidiko chinyakhe.

²⁸³ Iyo wakachita ichi mu wâkusintha vinthu, wakavwara chidiko, wakavwara chidiko. Mpaka, paumaliro, Ichi chikafika mu muwiro wa Luther, kukhirira mu muwiro unyakhe, nthēura paumaliro Ichi chikufika mu Uzari wose. Pambere Ichi chindafikepo, muprofeti wakwiza. Icho ichi chikuchita, ichi chikuwoneska Mazgu, kurongoranga kunyuma kula, kuvumburanga ivyo viri kuchitika, ivyo viri kulekeka, kuti Mpingo uzamkuŵa wambura. . . nthā wambura kapulikiskiro. Nthēura para ichi chajumphā, pamanyuma, nga ndiumo Yohane wakayowoyera, “Ine nkhuayenera kuti ndikhire, Iyo wakwenera kuti wakure,” nthēura vyose-mu-vyose vikwiza mwa Iyo. Iyo wawonekera kwathunthu, mwa Luther, Wesley, na muwiro wa Pentekoste, na kurutiriranga, kurutiriranga. Iyo wawonekera kwathunthu, imwe wonani, kukhiranga, kuwonekeranga waka, Chiuta kuvumbukwanga: Tikumuwona Iyo (Sono, wonani.)

wakukwaniriskika mu mapangano Ghakhe gha nyengo *iyi*, umo *iwo* wakaŵira nagho.

²⁸⁴ Sono Moses wakaŵa Mazgu nyengo yira, chifukwa Mazgu ghakaperekeka kwa iyo gha nyengo yira; Moses. Joseph wakaŵa Mazgu mu nyengo yakhe, kuwoneskeranga Khristu ndendende. Wonani, waliyose yumozayumoza wa iwo wakaŵa Mazgu.

²⁸⁵ Ndipo para Yesu wakati wafika, Iyo wakaŵa Mazgu mu uzari Wakhe, chifukwa ndondomeko yose ya uwombozi yikaŵa mwa Iyo. Ndondomeko yose ya uwombozi ntha yikaŵa mwa Moses, ntha yikaŵa mwa Joseph, ntha yikaŵa mwa Elija. Wonani, iwo wakaŵa waka gawo la Mazgu, kurongoranga ku Ichi. Mukuwona? Sono wonani, sungirirani ghanoghano linu; apa Ichi chikwiza, umo ine nkhuoyoyera. Wonani, ndondomeko yose ntha yikaŵa mwa iwo. Iwo wakarongoranga ku Ichi.

²⁸⁶ Ipo, pamanyuma pa Iyo, Uzari wose, ise ntha tingarongora ku chinthu chinyakheso. Ichi chikurongora kwa Iyo, Mazgu. [M'bale Branham wakunyamura Baibolo lakhe—Munozgi.] *Ili* ndi Uvumbuzi wose; kulije chirichose chingamanya kusazgikako panji kufumiskikako ku Ili. Apo pali Uvumbuzi wose. Chose icho, muzgezge wa Iyo wafikenge; kweni para Iyo wakati wafika, Iyo wakaŵa Wakufikapo. Waheberere 1, “Chiuta mu nyengo zakale wakayowoya ku wawiskewo mu nthowa zakupambanapambana kwizira mu waprofeti,” Chiuta wakayowoya kwizira mu vidiko, waprofeti, “kweni mu mazuŵa ghaumaliro agha kwizira mu Mwana Wakhe, Yesu Khristu.” Apo imwe muli. Wakavumbukwa kula pa Mphinjika, Mwana wa Chiuta, kuvumbukwa.

²⁸⁷ Wonani, “kuzgoka wamoyo.” Ndipo, muhanyauno, para Mazgu ghakuwonekera mu wanthu vitewetero, vidiko, ndi ndendende Mazgu ghakukwaniriskika mu nyengo yira, cheneicho chikuwereraso kwa Chiuta. Pakuŵa wakubapatizikira mwa Iyo, kwakulingana na Wakorinte Wakudanga 12, ise tikuzgoka wakumanyikwa pamoza na Iyo. Amen.

²⁸⁸ Ine nanguti hafu wa ora, kweni kasi ine ningatalikiskako waka pachoko? [Gulu likuti, “Amen.”—Munozgi.] Mukuwona? Wonani, ine ningachileka chara ichi nkhanira chiri apa. Wonani, kumanyikwa pamoza na Iyo!

²⁸⁹ Sono wonani. Kasi ndi winakaya walinga wa mu America wali muno? Kwegani muchanya mawoko ghinu. Viri makora, imwe ndimwe mwiniyaka wa Amerika, nthaura imwe mukumanyikwa pamoza na charu ichi. Chirichose icho charu ichi chiri, imwe mukwenera kuŵa nthaura. Kasi mbunenesko uwo? Imwe mose ndimwe wa uchindami wakhe ndipo imwe ndimwe wa soni zakhe. Imwe mukumanyikwa pamoza na ichi. Imwe ndimwe mwina America, nthaura imwe mukuchita vya mwina America. Haleluya!

²⁹⁰ Ine nkhaŵa na George Washington para iyo wakayambuka Delaware. Ine nkhumanyikwa pamoza na iyo. Uwo mbunenesko. Ine nkhaŵa na Abraham Lincoln pa Gettysburg Address. Ine nkhayimirira penepara. Ine nkhaŵa na ŵasirikali pa Guam, imwe ŵanyamata, para imwe mukakwezga ndembera yira. Ine nkhaŵako kula. Ine ndine mu America; ine nkhumanyikwa pamoza na ichi. Amen. Sono, kuŵa mu America, chirichose icho ndi soni zakhe mu Nkhondo, ine nkhozomera ichi, chifukwa ine ndine mu America. Uwo mbunenesko.

²⁹¹ Ndipo ngati Mukhristu, ine nkhumanyikwa pamoza na Iyo. Amen! Ine nkhaŵa na Nowa para iyo wakanjiranga mu ngaraŵa. Ine nkhaŵa na Moses para iyo wakafumanga mu Egupto. Amen! Ine nkhaŵa Elija pa phiri Karmel. Inya, bwana! Uchindami kwa Chiuta! Ine nkhaŵa na iyo para Iyo wakachita icho. Ine nadi nkhaŵa na Iyo, ine nkhamanyiska ndamwene mu nyifwa Yakhe kula pa Mphinjika para ine nkhaŵa ku vinthu vya charu, kwa ndamwene na ku miyambo yose. Ine nkhamanyikwa pamoza na Iyo. Ine nkhamanyikwa pamoza na Iyo pa mlenji wa Easter para Iyo wakawuka ku ŵakufwa. Ine nkhamanyikwa pamoza na Iyo pa Zuŵa la Pentekoste, apo Mzimu Mutuŵa wakiza nga ndi mphepo yikuru yakuputa. Ine nkhamanyikwa pamoza na Iyo. Chose icho Iyo wakaŵa ine ndiri, chose icho ine ndiri Iyo wakaŵa; amen, pakuŵa wakufwira mwa Iyo ise tikumanyikwa pamoza na Iyo. Icho Iyo wali ine ndiri. Amen!

²⁹² Icho charu ichi chiri ine ndiri. Ine nkhunyadi kuŵa nthaura. Ine ndanozgeka kunyamura soni zakhe. Ine ndanozgeka kunyamura nthombozgo zakuŵa mu America. Uwo mbunenesko. Kweni ine ndiri kaŵiri icho kwa Yesu Khristu! Chose icho Iyo wakaŵa ine ndiri. Ine nkhutemwa kumanyikwa pamoza na Iyo.

²⁹³ Ŵapostole ŵara, para iwo ŵakati ŵawerako, iwo ŵakaghanaghana... iwo ŵakasekeka, ndipo ŵakachemeka chinyakhe chirichose, iwo ŵakaghanaghana kukaŵa kuchindikika kukuru kunyamura nthombozgo za Zina Lakhe.

²⁹⁴ Ine ndiri wakukondwa muhanyauno kuŵa yumoza wa iwo, kuŵa wakumanyikwa pamoza na Mazgu, cheneicho ndi Khristu. Kumanyikwa pamoza na Iyo! Kuŵa wakubapatizikira mwa Iyo, ise tikuzgoka ŵakumanyikwa; kumanyikwa mu chilinganizgo Chakhe, kumanyikwa pamoza na Mazgu Ghakhe, cheneicho ndi Iyo. Usange ine ndiri mwa Khristu, ine ndine Mazgu Ghakhe; pakuti Iyo ndi Mazgu, ndipo icho Iyo wali ine ndiri. Amen! Kasi imwe mukuchipulika Ichi? [Gulu likuti, "Amen."—Munozgi.] Viri makora.

²⁹⁵ Mazgu ghakuwonekera, panji kuvumbukwa mu Uvumbuzi ula mkati mula, pamanyuma kasi icho chikundipanga vichi ine? Usange Iyo ndi Uŵapo wa Uchindami ula, ine ndiri gawo la

Ichi. Amen! O! Amen! Uwo mbunenesko. Mazgu Ighoghene kuvumbukwa, ghakujivumbura Ighoghene.

Ghanaghanani! Vyamchindindi vya Chiuta kuvumbukwa kwa ise mu nyengo iyi na Thenga lenelira la Kuchanya ilo likavumbukwa kwa iwo mu mazuwa ghara; wonani, Laŵi lenelira la Moto ilo likatuma Moses; Laŵi lenelira la Moto ilo likaŵa pa Moses uyo wakalemba Baibolo; Laŵi lenelira la Moto ilo Paulos wakakumana nalo pa ulendo wakhe wa ku Damaseko.

²⁹⁶ Ndipo Paulos wakalemba Chipangano Chiphya. Kumbukirani, Mateyu, Marko, Luka, na Yohane, iwo wakalemba waka ivyo iwo wakawona; kweni Paulos wakaŵa na Uvumbuzi. Iyo wakasororamo Ichi, pakuti iyo wakakumana na Laŵi la Moto, iyoyekha. Ndipo ghanaghanani, chenechira . . .

²⁹⁷ Kula, Joseph, wose iwo wakalemba ivyo vikachitikanga, waliyose wakalemba vya mu nyengo yira. Kweni para Moses wakati wafika pa malo, iyo wakaŵa na Uvumbuzi. Iyo wakakumana na Laŵi la Moto, ndipo Ichi chikavumbukwa kwa Moses umo Genesis. Iyo wakalemba mabuku ghakudanga ghanayi gha Baibolo. Moses wakachita? Asi uwo mbunenesko? Pakuti iyo wakakumana na Chiuta mu kawonekero ka Laŵi la Moto, kubisika mu Laŵi la Moto.

²⁹⁸ Para Paulos wakati wakumana na Iyo pa msewu. . . Ŵasambiri wakalemba waka ivyo iwo wakawona Iyo wakuchita, kweni Moses wakaŵa na Uvumbuzi; wakaruta mu Egupto pa virimika vitatu ndipo wakasambira, ndipo wakawona kuti Chiuta wa Chipangano Chakale wakaŵa Yesu wa Chiphya, Uvumbuzi! “Ine nthā nkhaŵa wambura kupulikira ku mboniwoni ya Kuchanya.” Uwo mbunenesko. Inya!

²⁹⁹ Ndipo ghanaghanani za Ichi! Laŵi lenelira la Moto ilo likiza pa ŵanthu ŵara awo wakalemba Baibolo, ndi Laŵi lenelira la Moto apa, muhanyauno, kumasuliranga Baibolo. Amen! Umo ise tikumuwongera Iyo pa icho! Chenechira! Chipembuzgo uli! Kumanyikwa uli! Ine ndiri wakukondwa chomene kuŵa wakumanyikwa mu icho, ine nkhumanya chara chakuti ine ningachita! Ine ntchiweme ndiŵe wakumanyikwa mu Icho kuruska ŵa Baptist wose, Methodist, Prezibetere, Lutheran, na ŵanyakhe wose ŵa iwo. Kumanyikwa mu Mazgu ghara uko Uŵapo wa Uchindami ula na Uvumbuzi vikukhala!

³⁰⁰ Laŵi la Moto kuwonekeranga pakweru pakati pithu, kumanyiskanga kuti Uthenga ngwaunenesko, nga ndiumo Iyo wakachitira pa Phiri Sinai. Kumbukirani, pambere Uthenga waunenesko ukaŵa undafike, Moses wakapharazga ndipo wakaŵarongozga iwo kufuma mu Egupto; kweni kula, pambere marango gheneko ghakaŵa ghandalembeke (Vididimizgo vikasambizgika), Chiuta wakiza panthazi pa ŵanthu ndipo wakasimikizgira kuti Moses wakatumba kufuma kwa Iyo,

(mbunenesko uwo?) mu Laŵi la Moto ilo Moses wakawona mu chivwati ndipo wakayowoya kwa iyo.

³⁰¹ O, mu mazuŵa ghaumaliro agha, kuwona Laŵi lenelira la Moto nkhanira pakati pithu, kuyowoyanga Mazgu gheneghara; apo pera chara, kweni kumasuliranga Ichi na kupanga Ichi kuwonekera, na kusimikizgiranga Ichi, Ichi ndi Unenesko.

Ntheura, ŵanthu ŵaliye nthowa yimoza yakuti ŵaleke kugomezga, mzire panji iwo ŵakukhumba waka kuchita. Ndipo, ntheura, “Iyo mweneuyo wakwanangira dara pamanyuma pakuti wamanya Unenesko, nthwa kwakhalaso sembe yinyakhe ya kwananga.”

³⁰² Wonani, Laŵi la Moto lenelira ilo likatumika kwa Moses na kwa Paulos, awo ŵakalemba Baibolo, sono latumika kuzakavumbura Ichi. Uchizi wa Chiuta, Chiuta wambura kusintha, kukwaniriskanga mapangano gha Mateyu 28, “Wonani, Ine ndiri namwe nyengo zose”; kukwaniriskanga Yohane Mutuŵa 14:12, “Milimo iyo Ine nkhuchita, imwe namweso”; kukwaniriskanga Luka Mutuŵa 17:28-29, “Mu mazuŵa ghaumaliro Mwana munthu wazamkuvumbukwa,” wonani, wonani; Malaki 4, “Wonani, Ine nkhumutumira imwe Elija muprofeti, uyo wazamkuwezgereska chipulikano cha ŵanthu kuwerera ku Mazgu ghapakudanga.” Mukuwona? Umo ichi. . . Mukuwona? O, mwe!

³⁰³ Iyo wakafwa, kuti wajivumbure Iyoyekha kwa ise. Sono tiyeni ise tifwe kwa taŵene, kuti timuvumbure Iyo ku ŵanji. Tiyeni ise tifwe ku miyambo na vinthu, kuti timuvumbure Iyo ku munyakhe. Ifwani ku mabungwe ghasopisopi, kuti mumuvumbure Iyo ku ŵanji.

³⁰⁴ Wonani, tempile lakale mkati mwa ili mukaŵa Uŵapo wa Uchindami, na Kuŵara kwa Uŵapo wa Uchindami pa Mazgu. Mazgu ndi Mbewu; Igho ghakapereka Chingwa cha m’kachisi ku ŵakugomezga pera. Ndopa nazo zikaŵa pa phangano; ndipo Ndopa ndi maji, maji agho ghakupereka umoyo ku njere, tirigu, mbewu, cheneicho ndi Mazgu.

³⁰⁵ Nga ndiumo Yesu wakayowoyera, “Umo Moses wakakwezgera muchanya njoka ya mkuŵa,” ndipo ntheuraso Iyo wakati, “Chiuta wakatempa chomene charu kuti Iyo wakapereka Mwana Wakhe yekha wakubabika; uyoyose wakugomezga pa Iyo waleke kutayika.” Moses wakatimba jarawe mu mapopa, kuti waponoske ŵanthu ŵakutayika, panji kupereka maji. Chiuta wakatimba Yesu, kuti wafumye Mzimu mwa Iyo, chifukwa cha ŵanthu ŵakutayika. Ndopa zikafuma mwa Iyo, cheneicho ndi, “Maji gha kuchapira na Mazgu.” Cheneicho, Maji ghakupereka Umoyo ku Mbewu. Ndipo ichi chikapanga Uŵapo wa Uchindami; ukaŵara pa Mazgu, icho chikapanga chingwa cha m’kachisi. Ndipo chingwa cha

m'kachisi chikaŵa waka cha ŵanthu ŵachoko ŵakusoreka. U-nhu. Mbunenesko uwo? [Gulu likuti, "Amen."—Munozgi.]

³⁰⁶ Sono kunjiranga mu chidiko, mu chidiko, mu Uŵapo Wakhe, uko kuli Mazgu (ntha chigomezgo), Mazgu; mkati mula kuwonanga Uŵapo wa Uchindami, uŵapo, Nkhongono, Mzimu Mutuŵa kuŵaranga pa Mazgu, kuperekanga phangano, chikurongora imwe muli kuseri kwa chidiko. Amen!

Ine najumpha vidiko vyakuparuka uko
Uchindami ntha ukutondeka, (U!)

Haleluya, haleluya; Ine nkhuKhala Panthazi pa
Fumu.

Ine najumpha vidiko vyakuparuka uko
Uchindami ntha ukutondeka,

Ine nkhuKhala Panthazi pa Fumu.

³⁰⁷ Chikumba chakale cha chiwuli, mabungwe ghasopisopi, vyaparuka. Ine napankhula naporota ichi, nanjira mu Uŵapo wa Uchindami, ndipo ine nkhuwona Mazgu. Ine nkhuwona Laŵi la Moto likwenda. Ine nkhuwona Mazgu ghakuwonekera. Icho Iyo wakayowoya kuti Iyo wazamkuchita mu mazuŵa ghaumaliro agha, ine nkhuChiwona ichi chikukwaniriskika. Ine nkhuŵawona ŵana ŵakurya Chingwa chira cha mu Uŵapo kwizanga kufuma mu kukhwima kwa Mazgu ghara, awo ŵakugomezga Ichi. Amen! Ndi ora liweme uli umo ise tikukhala! Wonani, Uŵapo ukaŵa pa Mazgu; ndipo kusi kula kukaŵa Chingwa. Ndipo mula mukaŵa Ndopa, zikawazgika, izo zikupereka maji ku Ichi. Mzimu ukupereka Umoyo ku Mazgu. Ndipo. . .

Kasi mbalinga ŵakaŵazga, ŵakayipulika tepi pa *Mlandu*? Inya. Ŵanandi ŵa imwe muli kuyipulikapo. Imwe mukuwona apo, ichi chikutorerera. . .

Mazgu ghara ghakwenera kuti ghakure. Kuti ghakure, Igho ghakwenera kuŵa mu mtundu wakwenerera wa dongo. Mukuwona? Ndipo Chiuta wakupanga phangano, ndipo ichi chikutimba mtima ula, ichi chingatondeka chara.

³⁰⁸ Nowa wakalindizga virimika handiredi na twente. Abraham wakalindizga virimika twente-fayivi, pa mwana. Chiuta wakayowoya ntheura, ndipo icho chikakhazikiska ichi. Mukuwona? Kasi chikaŵa chivichi? Mazgu gakaŵa kwenekula kuthiririkanga na chipulikano, kugomezganga Ichi, ichi chikapambika vipambi. Ichi chikapambika mwana; ichi chikapambika vura; ichi chikapambika chigumura; ichi chikapambika mwali uyo wakatora nthumbo.

³⁰⁹ Muprofeti wakati, "Mwali wazamkutora nthumbo." Kwambura nkhayiko kweni kuti msungwana waliyose muchoko wakaruta ndipo wakanozgera vyakuvwara vya bonda wakhe. Inya, muprofeti uyu Yesaya wakaŵa muprofeti wakumanyikwa, wakakhozgeka na Chiuta. Ndipo Yehova wakati, "Mwali

wazamkutora nthumbo. Ine ndiwapenge iwo chimanyikwirowo chazimu, chimanyikwirowo chikuru; mwali wazamkutora nthumbo.”

³¹⁰ Kula, wanthu wose wara, wakugomezga wara, nga ndi imwe mose. Ndipo iwo wakamupulika muprofeti yura wakuyowoya icho, msungwana waliyose muchoko. . . Mwanarumi waliyose wakati, “Uyo wawenge mwana wane mwanakazi. Inya, bwana.” Waliyose wakaruta ndipo wakagura tumabuti na mathewera na chirichose, kunozgekeranga, chifukwa iwo wakamanya kuti iyo wawenge nayo uyu. Muwiro ula ukajumpho, ndipo iwo wakaghanaghana, “Muprofeti wakumanyikwa yura, wakukhozgeka na Chiuta, kasi iyo wakayowoya uli chinyakhe icho chikaŵa chakwanangika? Ichi chikwenera kuŵa nthaura!”

³¹¹ Icho chikaŵako pakati pajumpho virimika eyiti handiredi, kwani iyo wakababa mwana. “Kuchanya na charu chapasi vimarenge, kwani Mazgu Ghane ghamarenge chara.”

³¹² “Ndipo kuzamkuchitika mu mazuŵa ghaumaliro,” wakuyowoya Chiuta. Wonani, ise tiri apa, a—Kuŵara pa Mazgu. Umo kuŵara kwa Zuŵa kukusinthira mbewu kufuma ku uchindami kufika ku uchindami, ise nateso tikaŵa—tikuŵa chomene nga Ndiyo apo ise tikukhala Panthazi Pakhe; nga Ndiyo, kuŵa wakulinganizgika ku chikozgo Chakhe chakutumbikika apo ise tikwenda na Iyo.

³¹³ Wonani icho zuŵa likuchita. Imwe mukupanda mbewu, kasi chikuchitika ntchichi? Mbewu yira yikuvunda. Mkati mu mbewu muli umoyo. Umoyo ukumera ndipo ukupanga muthibiri. Sono, icho ntho chikuwoneka ngati chapakudanga.

Kuli Luther. Ichi wakaŵa muthibiri. Viri makora.

Muthibiri ukarutirira ndipo, chinthu chakudanga imwe mukumanya, ichi chikapanga mphunga. Wonani, chira chikaŵa chisisimuso cha Wesley; ntho chikaŵa chakuyana na chinyakhe.

Ntheura mwakurondezgana kukiza chisisimuso cha Pentekoste, wonani, chikapanga ubapatizo wa Mzimu Mutuŵa. Viri makora.

Kasi kukachitikachi? Ise tikusanga nyevulira pa mgwedu. Ichi chikuyamba kuwoneka mwaujira. Chinthu *ichi*, chinthu *icho*, ichi ntho chikuwoneka ngati Mazgu. Ichi ntho chiri ngati vinyakhe vya Ichi. Ichi ntho chiri ngati ndi Njere ya pakudanga iyo yikapandika.

³¹⁴ Kwani Chiuta wachaliko uko kuti wapange kuti—kuti chiŵe waka chenechira. Wonani, kasi iyi yikuchita vichi? Iyi paumaliro yikuwereraso ku Mbewu ya pakudanga. Para Iyo wakati wafika mu kawonekero ka Martin Luther; para Iyo wakati wafika mu kawonekero ka Wesley; para Iyo wakati wafika mu kawonekero ka Pentekoste; Iyo wakwenera kuti wajivumbureso Iyoyekha nga ndi Mbewu yenyira yikapandika, Mwana wa munthu. Iyo

wakajivumbura Iyoyekha ngati Mwana wa Chiuta, mu muwiro wa muthibiri na yinyakhe ntheura, kweni mu muwiro waumaliro uwu Iyo wakwenera kuti wajivumbureso Iyoyekha ngati Mwana wa munthu. Mukupulika ichi? [Gulu likuti, "Amen."—Munozgi.] Viri makora, ngati pachiyambi, kulinganizgika!

³¹⁵ Ndipo kasi muthubiri ula ukukura kurazga nkhu? Uwu ukukura nyengo zose. Muthibiri uchoko ula ukukura, kweni uwu ntha ukuŵa ngati ndi njere ya pakudanga. Nesi ukachita uthenga wa Luther; chara, mwakurondezgana kukiza a—mauthenga ghanyakhe, Finney, Sankey, Knox, Calvin, kurutiriranga, pakaŵavaye umoza wa igho. Igho ghakaŵa mauthenga ndithu kweni, icho chikaŵako, iwo ntha ŵakapokera Uvumbuzi wose wa Ichi chifukwa iyi ntha yikaŵa nyengo yakhe. Imwe ntha mungaŵikapo mugwedu pa mbewu ya chingoma pambere yindakwane nyengo. Mukuwona? Ndipo ntheura, paumaliro, apo yikwizaso Mbewu ya pakudanga iyo yikanjira mu dongo.

³¹⁶ Wonani Chiuta wakurondezga chilengedwe ndendende. Wonani, Iyo wakababika mwanamberere, ndicho chifukwa Iyo wakababikira kuwaro mu chakuryeramo viŵeto. Ŵanamberere ntha ŵakubabikira mu mabedi. Wonani, Iyo *wakarongozgekera* ku Mphinjika. Mwanamberere, mberere zikurongozgekera. Uwo mbunenesko. Mbuzi zikujirongozgera ku kakomekera, imwe mukumanya icho, nyumba yakukomeramo nyama. Mbuzi yikuzirongozga izo, kweni izi zikwenera kurongozgekera. Nhu! Uwo mbunenesko. Ntheura Iyo wakarongozgekera ku kakomeka, wonani, chifukwa Iyo wakaŵa Mwanamberere.

³¹⁷ Chirichose chikamumanyiska Iyo mu chilengedwe. Ndicho chifukwa Iyo wakababika mu Marichi panji Epuleru, ntha mu Disembara; Iyo nthena wakachita chara, kuli twente-fiti ya chiwuvi kudera kula nyengo yira ya chirimika. Ntha chiuta-zuŵa, kweni Iyo wakaŵa Mwana wa Chiuta. Mukuwona? Chiuta-zuŵa wa Roma mpha twente-fayivi Disembara, apo zuŵa likutumizga nkhangono yakhe kwenekula ndipo iwo ŵakaŵa na viwoneskero vya Chiroma, ndipo ŵakachema kuti zuŵa la kubabika kwa chiuta-zuŵa, ndipo iwo ŵakupanga ichi kuŵa Mwana wa Chiuta. Chara, chara. Iyo wakaŵa Mwana wa Chiuta. Zuŵa la kubabika Kwakhe likaŵa na chilengedwe chose. Ndendende.

Sono wonaniso sono apo ise tikurutirira, ise tiri na nyengo yichoko yakhalako.

³¹⁸ Sono chikuruta ku kufikapo. Para muthibiri wapangika; para mphunga zapangika; para njere zafika ku chigamu; ntheura ichi chikwenera kwiza pa kufikapo, kuweraso ku njere yeneyira.

Ndipo, kumbukirani, njere yikwenera kuti yimere. Mukuwona? Usange iyi yikumera chara, iyi ntha yikhalenge

yamoyo. Mukuwona? Kulije umoza wa agho ghakaŵa kuwaro pa mauthenga ghara ghazamkufika ku Umoyo. Ichi chikwenera kukulira ku Ichi. Kweni, kumbukirani, Umoyo weneula uwo ukaŵa mu muthibiri uli mu njere. Iyi yikukhwima kuwereraso waka ku chiyambi, wonani. Iyo wakajivumbura Iyoyekha, (vichi?) Mwana wa munthu, njere iyo yikanjira mu dongo. Mukuwupulika Uthenga? [Gulu likuti, "Amen."—Munozgi.]

Ŵa Giriki ŵakati kwa Iyo, "Ise tikukhumba kumuwona Yesu."

³¹⁹ Iyo wakati, "Kwambura kuti njere ya chingoma yinjire mu dongo." Mukuwona? Viri makora.

³²⁰ Sono kasi Iyo wakajivumbura Iyoyekha kuŵa vichi pamanyuma? Mu kawonekero kanyakhe; muthibiri na mphunga, na vinyakhe nthaura, na mahamba ghose na chirichose. Iyo wakajivumbura Iyoyekha pamanyuma, (vichi?) Mzimu weneula, kweni mu kawonekero kanyakhe. Mukuwona? Kweni kasi chaumaliro ntchivichi ku mbewu yira ya chingoma? Iyi yikuwereraso ku njere ya pakudanga. Ndi unenesko uwo? [Gulu likuti, "Amen."—Munozgi.]

³²¹ Ndipo utumiki Wakhe ukwiza, kufuma ku ŵakusinthavinthu ŵara, kuwereraso ku Mazgu ghapakudanaga. Mazgu ghakwiza kwa muprofeti. Ndipo Iyo wakalayizga ichi, mu Malaki 4, "Na kuwezgereska Chipulikano cha ŵanthu kuwerera ku njere ya pakudanga." Icho chikanjira mu dongo chiri apa chenechira. Njere yakura kujumpha umu. Iyi yikiza ngati Mwana wa Chiuta, sono Iyi yikujivumbura Iyoyekha ngati ndi Mwana wa munthu, ndipo pamanyuma Iyi yikujivumbura Iyoyekha ngati ndi Mwana wa David pa Chizumbe. Wonani, ŵana ŵatatu ŵara, nkhanira ndendende. O, mwe, kuwonekaso ngati ndi pakudanga!

³²² Sono ku utumiki wakufikapo wa Iyoyekha; nthu munthu munyakhe, nthu bungwe linyakhe lisopisopi, umo iwo ŵali kachighanaghanira mu muwiro ula kula, wonani; kweni Iyoyekha wakawonekera, wakujiwoneskera Iyoyekha ku phangano, kumupanga Luka 17:28, Malaki 4, na ghanyakhe nthaura, Ŵaheberi 13:8, nkhanira waka ndendende. Pa nyengo yira, kasi iyi yikwenera kuŵa nyengo uli? Para Mbewu yaufumu ya Abraham yikupenja Mwana wa phangano. Ndipo vilinganizgo vyose vikwenera kuti vikwaniriskike. Ndipo Chiuta Iyoyekha wakawoneka mu kawonekero ka munthu, ku mbewu yakuthupi ya Abraham, pambere kuparanyika kukaŵa kundachitike, ndipo Yesu wakati ichi chizamkuŵa chinthu chenechira ku Mbewu iyi yaufumu pambere Mwana wa phangano wandizeso.

³²³ Wonani chidiko chakale icho chikabisa Uchindami. Vikumba vyakale vya chiwuli, pakaŵavye kutowa uko kukamanya kudokereka pa ichi; nesi thupi Lakhe. Ndicho chifukwa

wanthu wakati, “Munthu mulara pachoko wakulandama ngati yura?” Pakunji wa virimika sate-firi, ndipo wa nyivwi, ndipo mwembe Wakhe wa nyivwi, ntha wakaŵa wakutowa pakumulaŵiska. Baibolo likati, “Pakaŵavye kutowa uko ise tikamanya kudokerako kwa Iyo.” Iyo ntha wakawoneka ngati Fumu, chikumba chakale cha chiwuli, kweni, o, icho chikaŵa mkati!

³²⁴ Ndipo gulu lichoko la “ŵatuŵa ŵakuzenthuka” lakhala pamoza mu nyumba yakotcha ngati iyi, iwo ŵakuŵachema iwo, ŵaliye kutowa kukuru kwakuti kungadokereka, kweni icho chiri mkati! Ine nkhubomezga ichi chiri kubisika ku mitima yinandi, imwe wonani. Imwe mukuwona? Viri makora.

³²⁵ Kuwaro Ichi chikaŵa kanthu chara, kweni vyose vikaŵa mkati. Malinga muli mkati mu Ichi, ntheura imwe mukuchiwona Ichi. Kasi imwe mukunjira uli mu Ichi; kukorana mawoko, kujoyinanga? Chara. Kubabikira mu Ichi. Kufwa, kutaya chikumba chinu chakale cha chiwuli, wonani, imwe winu wakale, kuti munjire mu yumoza muphya. Mukuwona? Tayani chikumba chakale cha chiwuli.

³²⁶ Kuŵara kwa Uŵapo ntha ku . . . Tegherezgani, ŵapharazgi! Ŵapharazgi! Ine nkhuKhumba kuti imwe mutegherezge ku Ichi. Para muli mkati . . . Sono ine ndichitorenge ichi mwakuphweka chomene, ntheura imwe nadi kuti muchipulikiskenge Ichi. Para muli mkati mu chidiko, pasi pa Uŵapo wa Uchindami, Kuŵara kwa Uŵapo ntha kukutora Mazgu gha Chiuta na kumuvumbura Yesu kuŵa “muwukwi,” chara, ngati ndiumo ghakuchitira mabungwe ghasopisopi muhanyauno, “kumanya malingaliro gha m’mutu, mutuŵa wakuzenthuka, Berezebure.” Uŵapo wa Uchidami ntha ukumuvumbura Iyo za icho.

³²⁷ Kweni Uŵapo wa Uchindami ukukhomeska Mbewu iyo yiri kulayizgikira ora lira, ya Mazgu, kuwoneskanga Iyo kuŵa ndithu Luŵazoto la M’dambo. Ichi chikuyiwoneska pakweru Mbewu yira, Luŵazoto la M’dambo, Chingwa cha Umoyo, Alpha na Omega, mweneyura mayiro, muhanyauno, na muyirayira. Iyo ndi gawo la ŵakugomezga. Uŵapo wa Uchindami ukuvumbura, ku wakugomezga, Iyo ndi mweneyura mayiro, muhanyauno, na muyirayira.

³²⁸ Ntha, “Mazuŵa, Iyo wali kumara, ndipo Iyo wakafwa ndipo kuli kumara.” Ntheura mubwezi, usange iwe ukugomezga icho, usange iwe ukugomezga icho, iwe undafike ku Uŵapo wa Uchindami. Kasi Uŵapo wa Uchindami ungamuvumbura uli Iyo mu wanthu ŵatatu? Mukuwona? Kasi Uŵapo wa Uchindami ungamuvumbura uli Iyo kuŵa ŵakubapatizika, wanthu, mu zina la “Dada, Mwana, na Mzimu Mutuŵa,” apo ntha wali kuŵako munthu mu Baibolo wakabapatizika mu nthowa yantheura? Kasi Uŵapo wa Uchindami nthena ukamalira uli

pa mupostole, apo Iyo ndi mweneyura mayiro, muhanyauno, na muyirayira? Mukuwona?

³²⁹ Uwapo wa Uchindami ukumuwoneska Iyo. Uwu ukuwoneska Mazgu gha phangano, nkhanira kwa imwe. Ndicho chifukwa Iyo wakayenera kubisa chisko cha Moses, chifukwa mwa iyo mukaŵa Mazgu. Iyo wakabisa Yesu, ngati Munthu muchoko wakujikhizga, kuŵajanda iwo kuti ŵaleke kumuwona Yehova. Ndipo Iyo wakujibisa Iyoyekha muhanyauno, mu viteŵetero vya pacharu chapasi, na Uwapo. Kuwaro kukuwoneka nga ndi gulu la ŵatuŵa ŵakuzenthuka, vikumba vyakale vya chiwuli, kweni chamkati chikubisa Uwapo wa Uchindami.

Ndipo Uwu ukukhomeska Chingwa cha m'kachisi icho ise tikurya, na kwenda kujumpha mu mizi, mitunda mahandiredi, wonani. Ndi Chakurya cha ŵakugomezga. Ichi ntcha wakugomezga pera. Kumbukirani, Chingwa cha m'kachisi chikaŵa cha wakugomezga pera, wonani, Mbewu ya Chingwa cha m'kachisi. Wonani. Kasi Ichi chikuchita vichi? Uwapo wa Uchindami ula, pa Chingwa cha m'kachisi, ukachisungirira Ichi kuleka kwanangika.

³³⁰ Kumbukirani, mana agho ghakiza kufuma Kuchanya, igho ghakakhalanga mu Uwapo wa Uchindami, kufuma ku muwiro umoza kufika ku unyakhe. Kuwaro, mukanjira mphorozi mu agha, usiku umoza, agha ghakanangika. Asi mbunenesko uwo? [Gulu likuti, "Amen."—Munozgi.]

³³¹ Kuwaro kwa Uwapo wa Uchindami, "Mazuŵa gha minthondwe ghali kumara. Wonani, chose ichi ndi kunyanyira." Kweni mkati. . .

³³² Wonani, iwo ŵakatora mbewu yinyakhe ya mpendazuŵa kufuma mu nkhekwe za mu Egupto iyo yikaŵikika mula mu mazuŵa gha Joseph, virimika foru sauzandi, pafupifupi, kale. Joseph wakaziŵika izi mu nkhekwe. Iwo ŵakazipanda izi. Izi zikaŵa zamoyo. Chifukwa? Izi zikaŵa na umoyo.

³³³ Kasi Uwapo wa Uchindami uwu ndi vichi muhanyauno? Kuti uporote kujumpha chidiko, kuti muwone Chiuta Uyo wayimirira panthazi pinu, muwone Chiuta Uyo wayimirira muno panthazi pithu, a—Laŵi la Moto. Iyo wabisika mu thupi la munthu. Kweni kasi Uwapo ukuchita vichi, kasi uwu ukachita vichi? Mbewu ya Chingwa cha m'kachisi, Mazgu agho ise tikwenera kuti tikhalirenge umoyo mu nyengo iyi, na mapangano agha, Uwapo wa Uchindami ukukhomeska Chingwa chira cha m'kachisi, kuchipanga ichi kukwaniriskika, kuchipanga ichi kuŵa Chingwa kwa wakugomezga; icho chikagoma mu mapeji gha Baibolo, chirimika na chirimika, Mazgu gha muwiro uwu.

³³⁴ Ku mabungwe ghasopisopi, Ichi ntchikhuŵazgo. Ku mabungwe ghasopisopi, iwo ŵakukhuŵara pa Ichi. Virimika

vyakale, Luther, Wesley, Martin Luther, na wose, Sankey, Finney, John Smith, Knox, wose wakakhuwara pa Ichi.

³³⁵ Kweni kasi ntchichi icho chikwenera kuti chichitike mu mazuwa ghaumaliro? Kasi ntchichi “*kwumbura*”? “Kuwoneska pakweru!” Kasi Malaki 4 ngwakuti wachite vichi? Kuti wang’anamure wanthu kufuma ku chikhuwazgo chira, kuti wabwangandulire pasi miyambo, na kuti wavumbure Chingwa na Uwapo wa Uchindami. Wonani Ichi chikukhoma na kupanga nkhanira ndendende icho Ichi chikayowoya kuti Ichi chizamkuchita, o, mwe, Chingwa cha m’kachisi cha muwiro uwu. Ku bungwe lisopisi, chikhuwazgo, “gulu la wakunyanyira.” Kweni, ise taŵeneise tikugomezga!

³³⁶ Kweni sono umo Chivumbuzi 10 wali kulayizgira, “Vyamchindindi vyose vya Chiuta, ivyo vyakhala vyakubisika mu mapeji gha virimika vyose vira, vifikenge pa kukhwima, kupharazgika mu muwiro wa Uthenga wa mungelo wa nambala seveni.” Asi uwo mbunenesko? [Gulu likuti, “Amen.”—Munozgi.]

Kasi Iyo wakayowoya vichi, chirimika na myezi sikisi yajumpha, pafupifupi virimika viwiri sono? “Ruta ku Tucson; ukakhale ku mpoto kwa Tucson, kupuntha kukuru,” ndipo kasi kwamkuchitika vichi, “Vididimizgo vyamkujurika,” Vididimizgo ivyo vikuvumbura vinthu ivi. Nkhukumbukira ngati ndiumo Iyo wakayowoyera.

Kasi ntchichi ichi? Ichi chikurongora kuti Ichi ntha wangamanya kuwa munthu. Ichi chikukwana makoraghene, nkhanira mwakunyoroka umo ichi chingamanya kuwira, nyengo yiriyose. Kasi ntchichi ichi? Ndi woko la Chiuta, wonani, panthazi pithu. Ndipo pakuti ichi chiri mu kagulu kachoko, kubisika mu thupi la munthu, ichi ntchakubisika ku charu chakuwaro. Iyo ngwakubisika ku charu chakuwaro. Iyo wakujivumbura Iyoyekha ku wana awo wangamanya kusambira. Mukuwona? Uwo mbunenesko.

³³⁷ Yiriyose, wonani, ntharika yiriyose mu Baibolo, chilinganizgo chirichose cha mu Baibolo, chawonekera nkhanira pano panthazi pithu. Chiuta mweneyura, mu Laŵi la Moto, uyo wakalemba Baibolo, vyose mu Chakale na Chipangano Chiphya, wali nkhanira muno kuwoneskeranga Ichi, kurongoranga nkhanira ndendende icho chikaŵako, kumasuliranga nkhanira makora, na kuwoneseska nadi kuti ichi ndicho kumasulira.

³³⁸ “Ise tiri nako kumasulira!” Ipo lekani tiwone ichi chikuchitika. Wonani, ndicho ichi, lekani tiwone ichi chikuwonekera.

³³⁹ Kuwoneska! Yesu wakati, “Usange Ine ntha nkhuchita milimo ya Adada Wane, lekani kundigomezga Ine.” Wona, ichi chikwenera kuti chisimikizgike.

³⁴⁰ Kweni sono—sono, ntha kusimikizgika ngati Yesu, iwo wakawikapo a—lizwazwa kukunga mutu Wakhe na kumutimba

Iyo pa mutu, wakati, “Usange Iwe ndiwe Muprofeti, tiphaliwe ise ndinjani wakutimba Iwe.” “Ndipo usange Iwe ndiwe Mwana wa Chiuta, zgora vingwa ivi.” Wonani, uyo ndi dyabulosi. “Usange Iwe ndiwe Mwana wa Chiuta, khira apo pa mphi- . . .”

³⁴¹ Ine nkhung’anamura, Uvumbuzi icho Iyo wakwenera kuti wachite, ndicho Ichi chiriko. Kweni sono, umo Chivumbuzi 10 wakuvumbukwira, vyamchindindi vya Chiuta vikuwonekera, kumanyikwa, umo Buku la Vididimizgo-Seveni likalayizgira.

Sono wakani chipulikano chinu mwa Iyo Uyo ndi Mazgu . . . Chifukwa, mu Chivumbuzi 10 ili likuti . . .

³⁴² Panji, Chivumbuzi 19, mphanyiko. Ine nanguwa nacho ichi nangulemba apa, Chivumbuzi 10, kuti tirute ku ichi; kweni ndi 10 chara, ndi 19. Para Iyo wakwiza, Iyo wazamkuchemeka, “Mazgu gha Chiuta,” kuyendanga pa kavalo mutuwa, ndipo wasambiri wa Kuchanya wazamkuwa kunyuma kwa Iyo.

³⁴³ Phwanyani chidiko cha masambiro cha bungwe lisopisopi! Phwanyani chidiko cha mwambo wa bungwe lisopisopi! Phwanyani vidiko ivyo vikumubisa Iyo kwa imwe! Phwanyani vidiko ivyo vya kunyada, imwe mwa wanakazi. Imwe ndimwe—imwe ndimwe wana wanakazi wa Fumu; chitani ngati ichi, khalani umoyo ngati ichi. Phwanyani chidiko chirichose, kwali icho Ph.D. na LL.D. vikuyowoya. Usange ichi chikususkana na Baibolo lira, porotani jumphani chidiko icho!

Pakuti, ise tajumpha vidiko vyakuparuka. Ise tiri kusirya linyakhe sono, kusirya linyakhe. Ndipo imwe muwonenge, usange imwe muchitenge waka icho, phwanyani miyambo yakale iyo na vinthu, ndipo zaninge kwa Iyo, imwe mumuwonenge Iyo wayimirira, Chatonda Mukuru, Mazgu gha phangano gha muwiro uwu, ghakuwonekera. Imwe mumuwonenge Chiuta Mwenkhongono wakuvumbukwa, kumuwona Iyo nkhanira pakati pithu apa, wakuvumbukwa, Chiuta Mwenkhongono, wambura kuthereskeka na miyambo.

³⁴⁴ Iwo wakayezga kumubisa Iyo kuseri kula; iwo wakachita, pa virimika, kweni nyengo ya phangano yikasenderera kufupi. Chiuta wakawuska Moses nyengo yimoza, ndipo iyo waka wamasura wana ku vinthu vira. Ndipo Iyo wachali . . . Iyo wangathereskeka chara. “Kuchanya na pasi vimarenge, kweni Mazgu Ghane ghamarenge chara.” Iyo ndi mweneyura mayiro, muhanyauno, na muyirayira.

³⁴⁵ Iwo wakuti, “Ichi chingachitika chara.” Kweni ichi chikachitika. Pamanyuma, para ichi chikati chachitika, iwo wakati, “Ichi ntcha kwa dyabulosi.”

³⁴⁶ Kweni icho nthu chikusintha Mazgu gha Chiuta, ngo. Wakukhalirira ndithu “Chiuta,” ku wakugomezga, “Chatonda Mukuru; mweneyura mayiro, muhanyauno, na muyirayira,” mu kawiro Kakhe, mu Mazgu Ghakhe, Wahebere 13:8.

347 Ine nkhuvara, mu kuyowoya ichi, chifukwa ndi maminiti fayivi kuti yikwane Thweluvu, kuyowoyanga waka ichi. Ine ndiri na pafupifupi na mapeji teni, thweluvu ghakhalako. Ine ndizamkuchitora ichi nyengo yinyakhe, panji usikuuno.

348 Wonani, wonani ichi. Kukaŵa malonda nyengo yimoza, ndipo iwo ŵakaŵa na chitoliro chakale. Imwe muli kuchipulika ichi nyengo zinandi. Fuluti yakale; ndipo muguliski wakati, “Kasi mungandipa zilinga pa iyi?” Ine panji ntha ningapanga ichi makora waka, kwakulingana na powemu. Ichi chikaŵako virimika vinandi, vinandi kweni ichi chikwiza ku malingaliro ghane. Ndipo iwo ŵakatora chitoliro chakale, ichi ntha chikawoneka makora viŵi; chikawoneka cha murosua, chirichose. Iyo ntha wakasangapo wakuchikhumba pa ichi. Paumaliro, ine nkhuomezga wakasangapo wakuchikhumba pa wanu dola, panji chinyakhe ngati icho.

349 Ndipo pakaŵa yumoza wakayimirira apo uyo ntha wakaghanaghana kuti ichi chikayenera kuguliskika pa uwo, ntheura iyo wakaruta ndipo wakachitora ichi. Iyo wakachikung’untha ichi mu mawoko ghakhe, ndipo wakatora kakulizgira ndipo wakaguluruskapo aka, ndipo wakayimba sumu. Ndipo para iyo wakati wachita, waliyose wakayamba kulira. Iwo ntha ŵakapulikapo kwimba kwantheura mu umoyo wawo.

Ntheura muguliski wakati, “Kasi mundipenge ziringa?”

350 “Thu sauzandi!” “Fayivi sauzandi!” “Teni sauzandi!” Mukuwona? Kasi chikaŵa chivichi? Woko la mwimbi likavumbura icho chikabisika mu chitoliro chakale.

351 Chenechira sono! Buku lakale, Ili lakutwazuka, Ili likusekeka, kuwotcheka, kuseŵereskeka. Kweni nyengo yakwana apo iwo ŵakaŵa na malonda gha mabungwe ghasopisopi, Mphara ya Mipingo ya Charu. Iwo ŵakuguliska Ichi ngati bizinesi yambura munthu. Kuli malonda gha bungwe lisopisopi ghakwiza.

352 Kweni, kumbukirani, muli chinyakhe mu Buku lakale ilo likalayizga kuti lizamkuŵako likasankhikirathu, woko lakwimikika lizamkwiza zuŵa linyakhe, ilo lizamkulitora Ili na kupanga Mazgu gha Buku ili, kwizira mu mtima wa ŵakusankhikirathu, ku mlimo uwo Ili liri kupangikira, kuvumbura mapangano agho ghali mu Ili. Ili panji lingawoneka, o, ngati ndi gulu lakale la ŵatuŵa ŵakuzenthuka, panji chinthu chinyakhe; kweni chikutorera waka woko la Mwimbi, Mazgu pa Ili, kuti wavumbure Mazgu ghara, ndipo ili likuzgoka liweme kuruska mutuŵa wakuzenthuka. Ili lazgoka kuti waliyose wa ise, wali nalo chara ili, ŵabwezi? Ntha ndi gulu la ŵakunyanyira. Ichi chikutorera kuti kakulizgira kali mu woko la njani.

Tiyeni ise tirombe.

353 Wadada w̄ithu W̄akuchanya, na chipulikano muhanyauno ine nkhumuwona Mwimbi wa Buku lakale, ilo w̄ali kusinthaniska na miyambo. Iwo w̄akalisinthaniska Ili na mabungwe ghasopisopi. Iwo w̄akayezga kuti w̄alisinthaniske Ili mwakulekerera. Sono iwo w̄akulisinthaniska Ili na—na Mphara ya Charu ya munthu, ya mipingo, chikomunisti, kukana uchiuta. Malonda ghakuchitika, Fumu.

354 Chiuta, zanginge! Nadi, Imwe mwizenge. Titumirani muprofeti yura, Fumu, uyo wakutora kakulizgira ako, uyo wakutora Mazgu agha na kusimikizgira kuti Yesu Khristu ndi mweneyura mayiro, muhanyauno, na muyirayira. W̄anandi, Fumu, w̄aguliskenge maumoyo ghawo, iwo w̄atayenge miyambo yawo yakale, iwo w̄aphwanyenge vidiko. Iwo w̄akuchikhumba Ichi, Fumu. Iwo w̄aperekenge chirichose, chirichose, w̄apaseni waka Yesu iwo.

355 Fumu, ine nkughanaghana kuti Imwe mwasimikizgira Ichi kwa iwo sono. Iwo w̄afika kufuma kulikose. Iwo w̄akunanga ndalama zawo. Iwo w̄akuchita chirichose, kuti w̄ayezge kwiza ku maungano, kuti w̄achite chirichose iwo w̄angafiska, chifukwa iwo w̄ayisanga Ngale yira ya mtengo ukuru. Vinthu vinyakhe nvichoko chomene. W̄atumbikani iwo, W̄adada.

356 Vyaŵikika pa gome ili, mlenji uwu, Fumu, pali mathaulo. Panji w̄anji w̄a iwo w̄arutenge muhanyauno, pambere undachitike utew̄eti wa machirisko usikuuno. O Chiuta Wamuyaya, laŵiskani pasi. Ine nkhumanya Imwe muli muno, Imwe mwabisika. Ndipo ine nkhutuma tuvidiko tuchokotuchoko utu, Fumu, twakuchemeka “mathaulo,” na “tumalaya” tuchokotuchoko, na “tumabuti” tuchokotuchoko, twa w̄abonda w̄achokoŵachoko. Ndipo ine nkhumizga ivi ngati ndi vimanyikwiro vya vidiko vichokovichoko, kuti Mazgu Ghinu ghapharazgika za ichi mlenji uwu, ndipo, ngati wakugomezga, ine nkhuŵika mawoko ghane pa ivyo, thupi lane, chirongorero chakuti ine nkhumomezga Ichi. Ndipo, na chipulikano, waliyose mu nyumba iyi wakuchita cheneicho, Fumu. Nkhuromba w̄arwari w̄akhale makora.

357 Imwe mungamanya kuguluruskapo ma—Mazgu kufuma apa, Fumu, ngati ndiumo mwimbi chitoliro wakachitira ku chitoliro, pangani ichi ntheura, Fumu. Pangani ichi chiyimbe sumu yakwenerera, kakulizgira mu woko la Mwimbi, ntheura ise timuwonenge Iyo wayimirira pakuwonekera pakweru.

358 Umo w̄anthu w̄ara w̄akayenera kuti w̄akaghanaghanira zuŵa lira, apo iwo ntha w̄akamanya kupereka kalikose, apo iwo ntha w̄akapereka kalikose pa chitoliro chakale. Iwo ntha w̄akachikhumba ichi. Iwo ntha w̄akachikhumba ichi kuŵa mu nyumba zawo. Kweni para chikati chatoreka ichi na yumoza uyo wakachipanikizga ichi, ntheura iwo w̄akaguliska chirichose

iwo wakaŵa nacho, kuti wagure ichi. Iwo wakakangananga na kulimbirananga pa ichi. Nyengo yikaŵa kuti yamara chomene.

³⁵⁹ Ntheura ndimo kuzamkuwira nyengo yinyakhe apo Mbata ya Fumu yizamkulira, nyengo yizamkuwa kuti yamara. Iwo weneawo wali kuyuyurika na kusekeka, awo wakayimirira apo panthazi pa chidiko chakubenuka ndipo wakawona Mazgu gha Chiuta ghakuwonekera (*wanji* wazamkulirira Ichi, kweni, umo Imwe mukayowoyera, “Nyengo yizamkuwa kuti yamara chomene”), iwo wakanjira mu Phwando la Nthengwa; ndipo *iwo* wakasidika kuwaro uko kukaŵa kulira, kutengeranga, kumemenanga mino.

³⁶⁰ Vwirani munthu waliyose kuti wagomezge, mlenji uwu, Wadada, phwanyani porotani chidiko chirichose cha uzukusi, chidiko chirichose cha kuwura kugomezga, ndipo muwonani Chatonda Mukuru wakuvumbukwa panthazi pa wakugomezga. Pakuti, “Wonani, Ine ndiri na imwe nyengo zose, nanga nkhuŵika ku umaliro wa charu. Kanyengo kachoko ndipo charu ntha chizamkundiwonaso Ine, kweni imwe muzamkundiwona Ine.” Jirongorani Mwaŵene pakati pithu, Fumu, umo Imwe mwakhala mukuchitira. Khalirirani ntheura kufikira ise tikuwonekera nkhwerekhwera panthazi Pinu, para en morphe wasinthika ndipo Imwe mukuzgokaso Mwana wa munthu, na Mwana wa David. Perekani ichi, Fumu, kwizira mu Zina la Yesu Khristu.

Apo ise tiri chisindamiskire mitu yithu, tose mu kuromba.

³⁶¹ Nkhumanya chara muhanyauno usange walimo wanji muno awo...mkati panji kuwaro. Paliye nthowa yakuti tingawachemera ku guwa kumtunda kuno, chifukwa malo paliye. Kweni ine nkhumanya chara, mwakufikapo, kasi imwe mukugomezga uwu kuwa Unesko? Kasi imwe mukugomezga kuti mu nyengo iyi umo ise tikukhala, na chitimbaheti chose ichi na muwiro wa sayansi nga ndiumo vikaŵira mu mazuwa gha Nowa, mu mazuwa gha Moses, mazuwa gha Khristu, kuti Chiuta, Dada mukuru wa ise tose taŵeneise tiri kubabikira mwa Iyo, wayimirira pakati pithu muhanyauno?

³⁶² Laŵi la Moto ili lakuwoneka leneilo liri kusimikizgika mwasayansi, virimika vinandi vyajumpha, ngati munyamata muchoko, likayowoya kwa ine kudera uko ndipo likandiphalira kuti ine ndizamkukhala nkhanira kuno, icho chizamkuchitika. Kumuphalirane imwe za ichi, ndipo pamanyuma Ichi... Zuwa limoza kusika pa mronga, pambere utumiki ukaŵa undayambe, chisisimuso chakudanga, Iyo wakawoneka mu mitambo, wakajimanyiska Iyoyekha ndipo wakapereka ntchito. Virimika vyose ivi ine ndiri kuchibisa ichi mu mtima wane, kubisanga Khristu, Laŵi lenelira la Moto kumasuliranga Mazgu, umo kukalayizgikira. Ise tiri mu nyengo yaumaliro, nkhanira Kwiza waka kwa Fumu. Ndipo usange mwajisanga mwaŵene kuwaro kwa chidiko icho, cheneicho ndi nyifwa kukhala

kuwaro, uli imwe na chipulikano, menji uwu, muyowoye, “Mwa kovwirika na Chiuta. Ndipo na wovwiri Winu, Fumu, ine nkhuukumba kuti ndiphwanye ndiporote chidiko icho. Ine nkhuukumba kuti ndinjire uko Imwe muli, kuti ndiwone Mazgu ghose gha Chiuta?”

³⁶³ Ntha mungayezganga kuŵa Moses. Ntha mungayezganga kuŵa Aaron. Rekani. Muŵe waka icho imwe muli, kweni muŵe Mukhristu.

³⁶⁴ Kasi imwe, na mitu yinu yakusindama, mukwezge mawoko ghinu kwa Chiuta, ndipo yowoyani, “Fumu Chiuta, ndivwireni ine ndinjire mu chidiko”? Chiuta wamutumbikani imwe. Chiuta wamutumbikani imwe. Mbwenu, laŵiskani waka mawoko!

³⁶⁵ Kuwaro, kumbukirani, ine panji niliwonenge chara woko linu. Ichi ntha ndi—ichi ntha ntchakwenerera chomene kwa ine kuti niliwone ili, munthowa yiriyose; ichi ndi, Chiuta. Ichi chekha, kwa ine, ichi chikundipangiska waka ine kuwona kuti—Mbewu yawa pamalo ghanyakhe, ndipo, kweni Chiuta wakuwona mtima weneko.

³⁶⁶ Usange ŵaliko ŵanji ŵanyakheso awo ntha ŵangukwezga mawoko ghawo, ŵakukhumba kuti ŵakwezge sono, kwezgani mawoko ghinu ndipo mukumbukirike mu kuromba. Kwezgani mawoko ghinu. Chiuta wamutumbikani imwe. Icho ntchiweme. Chiuta wamutumbikani imwe.

³⁶⁷ Ŵadada, ise tikuromba muhanyauno kuti aŵa, Fumu, awo ŵachali ŵandanjire mu chidiko icho. Iwo ŵayimirira kuwaro uko nga ndi Israyeli; iwo ŵakuwonerera. Iwo ŵakugomezga, kweni iwo ntha ŵakaphwanya kuporota mu Ichi, kuti ŵawone Kuŵara kwa Uŵapo ukuru, vyose ku uzimu na kuthupi, kufikira kuti jiso la machini la kamera likurutirira kujamburanga chithuzithuzi; nkhanira masabata waka ghaŵiri ghajumphu, likajamburaso Ichi. Imwe mukujivumbura Mwaŵene, Fumu, Chiuta Mwenekhongo kuwumbukwa kwa wakugomezga; wachali wakubisika ku wambura kugomezga, kweni wakuvumbukwa kwa wakugomezga.

Nkhuromba iwo ŵaporote, muhanyauno, Fumu, ŵawone kuŵara Kwakhe kukuru na Uchindami. Mphanyi mitima yawo yangusinthika pambere ise tindafike ku tchalitchi ili usikuuno. Mphanyi iwo wose ŵanguzugika na Mzimu Mutuŵa, Uŵapo Winu. Mphanyi Mwimbi watore chipulikano icho iwo ŵali nacho, ŵaguluske ichi pa Mazgu; mphanyi sumu yangwimbika, “Imwe muli kwimikika, pambere charu chindaŵeko, kuti mugomezge Ichi. Gomezga, mwana Wane, ndipo ponoskeka.”

³⁶⁸ Ŵadada, Chiuta, ise tikuŵapereka iwo mu mawoko Ghinu sono, pakumanya kuti palije chinyakhe chakuruska icho ise tingamanya kuchita. Vyose viri na Imwe sono, Wadada. Ine

nkhuŵapereka iwo kwa Imwe. Mu Zina la Yesu Khristu, Mwana Winu. Amen.

Nkhumutemwa, nkhumutemwa
Chifukwa . . . wakadanga kunditemwa ine
Wakagura chiponosko chane
Pa Mphinjika.

³⁶⁹ Kasi imwe mukumutemwa Iyo? [Gulu likuti, “Amen.”—Munozgi.]

Ngwakuziziswa, ngwakuziziswa, Yesu kwa ine,
Muphemaniski, Kalonga wa Mtende, Chiuta
Mwenenkhongono;
Kundiposka’ne, kundisunga’ne ku kwananga
na soni,
Ngwakuziziswa Muthaski wane, rumbani Zina
Lakhe!

Nkhaŵa wakatayika, sono ndasangika,
wakumasuka ku kususkika.
Yesu wakupereka chimango ngwakuzura
chiponosko;
Kundiposka’ne, kundisunga’ne ku kwananga
na soni,
Ngwakuziziswa Muthaski wane, rumbani Zina
Lakhe!

O, Ngwakuziziswa, ngwakuziziswa, Yesu kwa
ine,
Muphemaniski, Kalonga wa Mtende, Chiuta
Mwenenkhongono;
Kundiposka’ne, kundisunga’ne ku kwananga
na soni,
Ngwakuziziswa Muthaski wane, rumbani Zina
Lakhe!

³⁷⁰ Kasi mbalinga ŵakumuwona Iyo wayimirira, Chatonda Mukuru, Mazgu kuzgoka thupi, kuvumbukwa panthazi pithu; Alfa, Omega; Iyo mweneuyo wakaŵako, Uyo waliko, ndipo Wati Wizenge; Msisi na Mwana wa David; wakaŵa Mwana wa munthu, Mwana wa Chiuta, Mwana wa munthu, ndipo wazamkuŵa Mwana wa David? Imwe mukugomezga Ichi na mtima winu wose? [Gulu likuti, “Amen.”—Munozgi.] Kujivumburanga Iyoyekha mu muwiro uliwose, wakiza ku wakugomezga, kujibisa Iyoyekha mu thupi la munthu ku wambura kugomezga. Iyo wabisama kuseri kwa chidiko. Mphanyi Chiuta wanguphwanya chidiko chirichose, ndipo ise timuwone Iyo umo Iyo waliri!

Yesu wadumura tcheni lililose,
Yesu wadumura tcheni lililose,
O, Yesu wadumura tcheni lililose,
Para wakamumasurani!

Sirya linyakhe la Jordan,
 Mu minda yiweme ya Eden
 Uko Khuni la Umoyo likukura,
 Kuli kupumura kwa ine.
 Yesu wadumura . . .

Kasi imwe mukukhumba chara kwambuka Jordan sono?
 Kasi takhala nyengo yitali chomene chara mu mapopa? Tiyeni
 tiyambukire mu mapangano!

Yesu wadumura tcheni lililose,
 Yesu wadumura tcheni lililose
 O, para wakamumasurani!

371 Tiyeni tikwezge mawoko ghithu sono.

Ine ndi, m'rumbenge nyengo zose,
 Ine ndi, m'rumbenge nyengo zose,
 Ine ndi, m'rumbenge nyengo zose,
 Pakuti Iyo wakandimasula!

372 Amen! Kasi icho chikumupangani imwe kupulika makora
 chara? [Gulu likuti, "Amen."—Munozgi.] O, mwe kunozga! Mwe
 kunozga, ndimo waliri chara Iyo, ntheura? Tiyeni tikorane chasa
 yumoza na muniyakhe sono, tiyowoyenge:

Yesu wadumura tcheni lililose,
 Yesu wadumura tcheni lililose
 O, Yesu wadumura tcheni lililose, (Chiuta
 wakatumbike iwe, m'bale.)
 O, para wakamumasurani!

Ine ndi, m'rumbenge nyengo zose, (Chiuta
 Mwenenkhongono)

Ine . . . ("Mweneyura mayiro, muhanyauno, na
 muyirayira," wakashintha waka kawonekero
 Kakhe.) . . . ndim'rumbenge,
 Ine ndi, m'rumbenge nyengo zose,
 Pakuti Iyo ndi (wakafumyako vigomezgo
 vyose kwa ine) wakandimasura . . . (kuti
 ndigomezge Mazgu Ghakhe.)

373 O, mukuchipulika chara Chitoliro cha Mwimbi chikutoreka,
 kakulizgira pa Mazgu? Iyo ndi mweneyura mayiro,
 muhanyauno!

Ine ndi, m'rumbenge nyengo zose,
 Ine ndi, m'rumbenge nyengo zose,
 Ine . . . (Iyo, Mazgu!) . . . zose, ndim'rumbenge
 nyengo zose, (Kasi Iyo wakachta vichi?)
 Pakuti wakandimasura (kuseri kwa katani)
 kundimasura'ne!

374 Warumbike Chiuta! Ine nkhumutemwa Iyo. Kasi imwe
 mukumutemwa chara Iyo? [Gulu likuti, "Amen."—Munozgi.]
 Kasi ichi ndi Muchanyamuchanya chara? ["Amen."] Ine

nkhutemwa makhaliro agho gha Mazgu, wonani, Mzimu Mutuwa pera mu yiweme yira, nthowa yakujikhizga. Ine—ine nkhuchitemwa waka Icho. O, ghanaghanani waka!

Sirya linyakhe la Jordan, (ine nkhusenderera kula sono)

Mu uweme... (wambura chivundi) wa Eden,... (Kasi ine ndamkusangamo vichi mula?)

Uko Khuni la... (ilo likaŵa mu munda wa Eden) likukura,

Kuli kupumura kwa ine.

³⁷⁵ Imwe mukukhumba kuruta? Iyo wadumura tcheni lililose.

Yesu wadumura (mwambo uliwose) tcheni lililose,

Yesu wadumura tcheni lililose, (mabungwe ghose ghasopisopi, vigozgo vyose),

Wadumura tcheni lililose,

Ndipo wakamumasurani!

³⁷⁶ Warumbike Chiuta! Ine nkhumutemwa waka Iyo. Lekani Yesaya wakati, “Iyo ndi Muphemaniski, Kalonga wa Mtende, Chiuta Mwenenkhongono, Dada Wamuyirayira, Wakuziziswa!”

Ngwakuziziswa, ngwakuziziswa, Yesu kwa ine, Muphemaniski, Kalonga wa Mtende, Chiuta Mwenenkhongono;

Kundiposka’ne, kundisunga’ne ku kwananga na soni,

Ngwakuziziswa, Muthaski wane, rumbani Zina Lakhe!

³⁷⁷ O, mwe! Icho chikusuntha mtima wane. Umo Iyo waliri wakuziziswa! Ine nkhumuphalirani imwe, kulije umaliro ku Ichi. Ichi, ine nkhanjira mu Ichi virimika sate—firi vyajumphu, kupulikanga ntheura umu. Ndipo usange Iyo wachedwenge, zuwa limoza ine nizamkujara maso ghane, ine ndirutenge mu nthowa yeneyira. Amen!

Ngwakuziziswa, ngwakuziziswa, Yesu kwa ine, Muphemaniski, Kalonga wa Mtende, Chiuta Mwenenkhongono;

Kundiposka’ne, kundisunga’ne ku kwananga na soni,

Ngwakuziziswa, Muthaski wane, rumbani Zina Lakhe!

³⁷⁸ Ine ningamanya kukhala apa zuwa lose, mu Icho. Paulos wakati, “Usange ine nkhuymba, ine ndiyimbenge mu Mzimu.” U-nhu. “Usange ine nkhuyparazga, ine ndipharazgenge mu Mzimu. Usange ine nkhuenda, ine ndiyendenge mu Mzimu. Usange ine nkhuoyoya, ine ndiyoyoyenge mu Mzimu.”

Zomerezgani chirichose chichitikire mu Mazgu na Mzimu. Inya, bwana. Amen! Chose ndi Unenesko wa Chiuta.

379 Ine nkhumuwona Iyo, Chiuta Mwenenkhongono, wakuvumbukwa. Ine nkhumuwona Iyo wakufumyapo vigomezgo, mabungwe ghasopisopi; kufumyapo nkha—nkhayiko, ndondomeko za masambiro, na chirichose; rutani kunthazi, yimirirani apo. Imwe mukughanaghana kuti vigomezgo vingamuthereska Iyo? Imwe mukughanaghana kuti mabungwe ghasopisopi ghangamuthereska Iyo? Imwe mukughanaghana kuti Mphara ya Charu yingamuthereska Iyo? Iyo wakathereska chirichose, wakadumura tcheni lirilose, wakabanankhura gehena pwankhu; wakadumura chididimizgo, wakanjira mu Kutuwisiska kwa utuwâ, wakajivumbura Iyoyekha kwa ise, pakuwâ Mazgu, mweneyura mayiro, muhanyauno, na muyirayira. Amen. Ine nkhumutemwa Iyo.

380 Sono, kufikira ise tikumaneso kumuhanya uku, ise tikukhumba kuti tichite chinthu chimoza, icho ndi:

Yegha Zina la Yesu na iwe,
Mwana wa chitima na wasoka 'we;
Likupenge chimwemwe na chipembuzgo,
O, yegha kose uko ukuruta.

Zina lakuzirwa, O kunowa!
Chigomezgo cha charu chimwemwe cha
Kuchanya;
Zina lakuzirwa... (Inya, ine ndiri nawo,
kale)... O kunowa!
Chigomezgo cha charu...

[M'bale Branham wakuyowoya kwa munyakhe pa gome—Munozgi.]

381 Usange Satana wakuyezga kumuyezgani imwe, kuti imwe nthā mukulawiska pa chinthu cheneko, murongorani iyo ku Mazgu nga ndiumo Yesu wakachitira. Mukuwona? Mukuwona? Amen!

Pa Zina la Yesu nkhwadira,
Kuwa mwantchindi m'marundi Ghakhe,
Fumu ya mafumu tamkumvwarika,
Para ulendo withu wamara.

Zina lakuzirwa, Zina lakuzirwa!
Chigomezgo cha charu chimwemwe cha
Kuchanya;
Zina lakuzirwa, O kunowa!
Chigomezgo cha charu chimwemwe cha
Kuchanya.

382 Billy wazamkuwâ kuti wafika, pafupifupi sikisi koloko, kuperekanga makadi gha pemphero kwa iwo weneawo wakukhumba kwiza mu mzere wa pemphero. Ine

nkhughanaghana kuti ntchiweme tichite ichi. Ise nthena tanguchita chara, kweni, pakuŵa ndi mzinda, ise ntchiweme tichite ichi, imwe wonani.

³⁸³ Sono kumbukirani Iyo! Musungani Iyo nyengo zose pa malingaliro ghinu, mu mtima winu. Kulikose imwe mukuruta, wonani, sungirirani Yesu pa malingaliro ghinu.

Yegha Zina la Yesu na (sono tegherezani) iwe,
Ngati chiskango ku msampha uliwose; (kasi
chikuchitika ntchichi?)


Para viyezgo vyamuzingirizgani ‘mwe, (kasi
imwe mukwenera kuchita vichi?)

Thutani waka Zina lituŵa m’kuromba.

Zina lakuzirwa, Zina lakuzirwa, O kunowa!
Chigomezgo cha charu chimwemwe cha
Kuchanya;

Zina lakuzirwa, O kunowa!

Chigomezgo cha charu chimwemwe cha
Kuchanya.

³⁸⁴ Tiyeni ise tisandamiske mitu yithu sono. Ine ndifumbenge mliska usange iyo wangiza na kulifumiska gulu. M’bale Neville, Chiuta wakutumbike iwe, M’bale Neville. 

KUVUMBUKWA KWA CHIUTA CTK64-0614M
(The Unveiling Of God)

Uthenga uwu wakupharazgika na M'bale William Marrion Branham, pakudanga ukaperekeka mu Chingerezi pa Sabata mlenji, Juni 14, 1964, pa Branham Tabernacle mu Jeffersonville, Indiana, U.S.A., ndipo uli kutoreka kufuma ku tepi ya magineti yakujambulika ndipo walembeke kwambura kusinthika mu Chingerezi. Kutanthauzira uku kwa Chitumbuka kukalembeke na kugawika na wa Voice Of God Recordings.

CHITUMBUKA

©2017 VGR, ALL RIGHTS RESERVED

VOICE OF GOD RECORDINGS, MALAWI OFFICE
P.O. BOX 51453, LIMBE, MALAWI

VOICE OF GOD RECORDINGS
P.O. BOX 950, JEFFERSONVILLE, INDIANA 47131 U.S.A.
www.branham.org

Chimanyisko chakukopera

Wanangwa wose ngwakuwikiririka. Buku ili lingamanya kudindika pa chakudindira cha kunyumba kuwa lakugwiriskira ntchito imwe panji kuti liperekeke, kwaulere kwambura mtengo, nga ndi lakugwiriskira ntchito kutandazgira Ivangeli la Yesu Khristu. Buku ili ntha lingaguriskika, kupangikaso mu unandi, kutumizgika pa website, kusungika umu tingazakalisangiraso, kutanthauzika mu viyowoyero vinyakhe, panji kuligwiriska ntchito pa kupempheskera ndalama kwambura kalata yakulembeka kuzomerezgeka na Voice Of God Recordings®.

Kuti mumanye vinandi panji kusanga katundu munyakhe uyo waliko, chonde fumbani:

VOICE OF GOD RECORDINGS
P.O. BOX 950, JEFFERSONVILLE, INDIANA 47131 U.S.A.
www.branham.org